

Spiritus animalis ex foro medico relegatus, sive disquisitionum physiologico-pathologicarum trias, qua fabulosæ Medicorum traditiones de Spirituum Animalium existentia, natura, proprietatibus, effectibus & adfectibus morbosis enarrantur, totum systema vanitatis falsitatisq[ue] coarguitur, tandemq[ue], in perpetuum exilium illud relegandum esse, concluditur / auctore Andr. Ottom. Goelicke.

Contributors

Goelicke, Andreas Ottomar, 1670 or 1671-1744.

Publication/Creation

Francofurti cis Viadrum : Apud Johannem Godofredum Conradi, 1725.

Persistent URL

<https://wellcomecollection.org/works/dcy63yva>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



62499/3



w5


V.P.


1127


-4-

23.

Prima disquisitio incipit paginâ —	3
Secunda paginâ —	37
Tertia paginâ —	77
et extenditur usq; ad p ^m — 100	







SPIRITUS ANIMALIS EX FORO MEDICO RELEGATUS,

Sive

DISQUISITIONUM PHYSIOLOGICO-PATHOLOGICARUM TRIAS,

Qua

Fabulosae Medicorum Traditiones de SPIRI-
TUUM ANIMALIUM *existentia, natura, proprietatibus,*
effectibus & affectibus morbosis enarrantur,
totum Systema vanitatis falsitatisq; coarguitur,
tandemq;, in perpetuum exilium illud
relegandum esse, concluditur.

AUCTORE

ANDR. OTTOM. GOELICKE,

Medico, Professore atq; Physico Provinciali Regio.




MONDON MEDICAL
SOCIETY

FRANCOFURTI *cis VIADRUM,*
Apud JOHANNEM GODOFREDUM CONRADI, 1725.

THE HISTORY OF
THE CHURCH OF
ENGLAND
BY
J. H. SPEDDING
IN
THREE VOLUMES
VOLUME II
CONTINUATION OF THE HISTORY
TO THE END OF THE REIGN OF ELIZABETH
WITH A HISTORY OF THE CHURCH OF
ENGLAND IN IRELAND
BY
J. H. SPEDDING
IN
THREE VOLUMES
VOLUME III
CONTINUATION OF THE HISTORY
TO THE END OF THE REIGN OF ELIZABETH
WITH A HISTORY OF THE CHURCH OF
ENGLAND IN IRELAND



PRAEFATIO PARAENETICA
AD
PHILIA TROS
AUDITORES SUOS PERDI-
LECTOS.



Ere non minus, quam pulcre
dixit QUINTILIANUS : *Pigri esse
hominis, acquiescere in iis, quae
ab aliis sint excogitata; Siqui-
dem acrimoniae mentis nihil non
humanarum rerum subjiciatur.*
Si enim in tradenda arte antiquo-
rum tantum inventis uti, non nostris frui sensibus ad-
nitamur, nec, an veterum placita cum veritate ubi-
que consentiant, rite pensitare cordi habeamus ;
*Quid quaeso faciemus aliud, quam ut aliorum tradita
servorum saltem vel puerorum more repetamus, &*

interea nihil, unde quicquam splendoris vel emolumenti in artem salutarem redundare possit, ipsimet doceamus, imo, quod pejus est, divinam illam ingenii vim mentisque acrimoniam sudario velut obvolutam, turpi torpore corrupti patiamur. Evigilemus potius, PERDILECTI AUDITORES, atque servilem istam ignaviam animis nostris heroicè excutiāmus! Imitemur generosorum bonorumque genitorum generosos probeque educatos filios, qui paternas non solum facultates optime custodire, sed & ampliores facere easdem laborant, ne aliorum saltē bona, sed & suis laboribus parta posteritati relinquant. Pari modo nihil nobis prius, nihil sanctius, nihil antiquius sit, quam ut praestantissimam artem, a majoribus mancam quodammodo mutilamque relietam, melius ac rectius excolamus, &, quod eidem deesse intelligimus, de nostris adjiciamus, imo, si quid reformari potest, pro virili perficiamus. Fuerunt sane & sunt adhuc, qui foeda medicinam superstitione laborare existimarunt, ut parum abfuerit, quin artibus Magicis aut saltē superstitionis eandem temere adnumeraverint: Absit, ab omni, quae medicis hic tribui solet, culpa liberare me illos velle; Convictus fatis sum, polymorpham illam Recentiorum theoriam, a superstitione non multum abesse. Superstitiosum est, imo, si gravius loqui liceat, haeresin redolet, credere vel persuadere aliis velle, corpus humanum nihil esse aliud, quam purum putum

auto-

automa, sive machinam quandam hydraulico-pneumaticam, quae, quicquid agit ex mera & absoluta mechanica necessitate agat, imo, quod plus est, ne quidem agere poscit: Quod profecto nihil est aliud, quam fortuitis eventibus omnia adscribere, sicutque merum *Epicureismum* aperte profiteri. Superstitiosum est, velle animae humanae jus atque potestatem movendi corpus suum denegare, idque ex sola illa vana persuasione, quod sit incorporeus atque spiritualis, quod circa meras tantum abstractiones sit occupata, ac proinde crassum suum corpus citra dignitatis suae violationem neque movere possit, neque, si posset, debeat. Meram denique superstitionem redoleat, *spiritus* quosdam, sive *animales* sive *vitales*, sive quos cunque alios seu Rectores Oeconomiae animalis constituere velle. Jocosum certe est, audire, *spiritibus* hisce tanquam non entibus, adscribi nihilominus potestatem movendi corpus, imo, quod majus est, facultatem functiones animales, non sine prudentia quadam dispensandi. Imaginarium est, integras illorum *spirituum* turmas & quasi cohortes tanquam excubatores publicos in cerebro constituere, eosque quasi expectantes animae imperium praefigurare, ut pro ejusdem arbitrio huc illuc per nervos fluitando, haec vel illa munia exequantur. Ridiculum est, quosdam illorum sensui, quosdam motui excitando inservire; Ac proinde *hos* a centro versus peripheriam, *illos* vero a peripheria versus centrum, & qui-

dem, quod a miraculo non multum alienum est, per eandem viam influere ac refluere. Fabulosum est, quosdam illorum spirituum *voluntarie*, alios vero *automatice* influere, sursum, deorsum, horsum, illorum, dextrorum, sinistrorum, &, miror profecto, cur non etiam circulariter, helice atque parabolice? Quod profecto nihil est aliud, quam *spiritibus animalibus* universale in corpus humanum dominium adserere velle, ut, quicquid regulare legibusque oeconomiae animalis conforme, confundant, & summa imis, ima summis permisceant. Atque insana haec fingendi libido ad praesentia usque tempora continua quasi serie fuit propagata, ac profecto metus non injus-
tus est, per plurima adhuc futura secula turpem hanc superstitionem transplantatam iri, nisi solertia quae-
dam ingenia hoc nostro tempore excitata fuissent, quae putidisimam fabulam in Arcadiam migrare tandem coëgissent. Sparsim tamen, & summos tantum rerum apices quasi attingendo, cum id a plerisque factum esse, animadverterem: Ex professo totius negotii discussionem denuo suscepi, ac proinde *tribus* distinctis *Dissertationibus Physiologico-Pathologicis* commentitii systematis vanitatem demonstrare sum conatus. In prima illarum argumen-
ta, quae pro *spirituum animalium existentia* in medium hucusque fuere prolata, examinavi, ubi perspicue patuit, puram putam redolere fabulam, quicquid de vera & reali eorundem existentia, *ana-*
tomi-

tomicē nempe confirmunda, hactenus in scholis perorarunt Doctores. In *altera* probatum dedimus, non minus commentitia esse, quae de *spirituum animalium essentia*, attributis, effectibus & operationibus, quas in oeconomia animali exercere dicuntur, nobis enarrarunt; Id enim officii mei rationem expostulare existimavi, ut vos, Philiatri optimi, tempestive monerem, ne fabuloſo dogmate fascinari vos pateremini, quo quippe tam in *theoria* quam potissimum in *praxi* non modo facile carere, sed &, si indicationes forte curatorias eidem superstruere velletis, studioſe vitare possetis, ne in avia ac devia vos seduceret inane commentum. Proinde in *tertia* harum dissertationum id praecipue negotii mihi datum esse credidi, ut in *diathesin morbosam* seu *constitutionem praeter naturalem spirituum animalium* inquirerem solliciteque examinarem, an a variis eorundem, quae liberaliter satis hodierna speculandi licentia effinxit, vitiis *apoplexiae*, *paralyseos*, *tremoris*, *epilepsiae*, *convulsionum*, *cataleps eos* aliorumque gravissimorum adfectuum causae repeti jure possent? Ubi tamen iterum luce meridiana adparuit clarus, ex longe aliis & historiae dictorum morborum convenientioribus originibus derivari illos posse ac debere. Neque vero nudius tertius demum hasce in cogitationes incidi, sed ante integrum propemodum decennium, cum Professione publica in *Academia Teutoburgensi CLIVIAE* adhuc:

huc perfungerer, haec duo *Corollaria* calci dissertationis Academicae, de medico cathedrali & clinico diversaque utriusque curandi ratione, adnecti curavi: I) *Familiam spirituum vitalium, naturalium, genitalium, & si qui alii supersunt, recte quidem exploserunt recentiores; Mirum, cur solis animalibus repudium mittere ausi non fuerint?* II) *Hinc in Concilio Illustrium Medicorum, Praefide APOLLINE, nuper decretum est: Spiritus Animales, quod a tot retro seculis medicos praestantis simos infatuarunt, & adhuc non paucos infatuant, dignos esse, qui in perpetuum exilium relegentur, adjuncta severissima combinatione gravioris poenae, si in ditiones Medicorum unquam revertantur.* B. A. W.
Quorum proinde Corollariorum uberior tantum deductio est, quam tribus hisce Dissertationibus suscepit. Vos, AUDITORES PERDILECTI, hisce meis laboribus fruimini, meque, ut hucusque laudabiliter fecistis, porro amate. Dabam Francof. cis Viadrum die 6. Febr. 1725.

DISSE-

**DISQUISITIONUM
PHYSIOLOGICO - PATHOLOGICARUM**

P R I M A

fistens

FABULAS MEDICORUM

Quas

de

**SPIRITUUM ANIMA-
LIUM**

Existentia hucusque enarrarunt.

WYDŁUŁA
WYDŁUŁA
WYDŁUŁA
WYDŁUŁA



PRAEFATIO.



Ui in arte Medica dignos
facere cupit progressus, ei
duo maxime cavenda sunt;
Alterum est fastosus con-
temtus omnium eorum, quae
a majoribus nostris inventa
& relieta nobis fuere; *Alterum vero* nimia ac
ferme *superstitiosa veneratio* eorum, quae qua-
cunque *novitatis* specie hodieque nobis com-
mendantur. Ut enim in antiquorum moni-
mentis permulta re&te dicta occurrunt, quae a
recentioribus praeter meritum ridentur: Ita
multorum quoque modernorum quam plurima
dogmata theoretica tota aenigmatica sunt, quae
citra inanem *Spiritus sarcastici* imputationem
optimo jure hodie rideri & ludibrio publico ex-
poni possunt. Idem nobiscum hac in parte sentit

A

Cl-

Clariss. DD. *Augustus Quirinus Rivinus*, quando *Praefatione*, *Operibus Medicis Langianis* praemissa, eleganter ita loquitur: *Quae placi-
ta erant veterum optima, deridentur hodie,
non aliam ob causam, quam quod antiqua
sint; Quasi vero vestimenti senescentis instar
spernere ac mutare veritatem conveniat. Ec-
quis dubitat, tempus aliquando futurum es-
se, quo modernorum hypotheses pari ludibrio
exposita erunt? Nam & fermentationes in
corpore vivente tam naturales quam morbo-
sae paulatim cessant; Succus nervorum jam-
jam incipit exarescere; Ac vereor valde, ne
cum Mulo-medicis ac Veterinariis recentio-
res medicos damnatura sit posteritas, arti no-
strae ad illiberales, puta **MECHANICAS**, ho-
die rejectae, pristinum restitutura nitorem.
 Atque istas inter theorias seu otiosas potius
speculationes non infimum semper locum occu-
passe mihi visa fuit theoria de *spiritibus ani-
malibus* eorundemque, si credere fas est, mi-
rabilibus, quos in corpore humano edere di-
cuntur, effectibus; *Quae* quippe narrationes
Physiologorum cunctae primo statim intuitu
fabulosam suam indole manifeste produnt. Cum
itaque satis, ni fallor, obsoletam hanc fabulam
suis in scholis recitaverint causamque eorun-
dem*

dem peroraverint Doctores Medici: Tempus esse, credo, resipiscendi & aenigmatico dogmate theoriam medicam veram repurgandi, quin in *perpetuum exilium* mittendi, ne, quod prohdolor! a plerisque haetenus factum est, *pathologia*, ino ipsa quoque *therapia* eodem amplius coinquinetur. DEUS adnuat coeptis & salutari, quem intendimus, scopo ita benedicat, ut, quod arti medicae haetenus non sine contumelia objectum est crimen, mere nempe conjecturalem, incertam, opinabilem seu fluxis tantum & vagis opinionibus subnixam illam esse, tandem diluatur, sique firmioribus fundamentis superstructa & pristino suo nitori restituta, latius semper pomoeria sua extendat ipfisque aegrotantibus certiorem spondeat salutem!

§. L



Diosum esse, quod pertractatus sum, thema, ipsem et quidem facile perspicio; Interea tamen nullus quoq; dubito, quin Comilitonibus meis (in quorum quippe gratiam pleniorum hujus argumenti discussionem in me suscepit) officium haud ingratum praestiturus sim, si, ostensa totius doctrinae vanitate, a *Physiologia* integra capita de spirituum animalium existentia, inde atque natura, eorundem generatione, organo secreto-

cretionis & collectionis, de eorum dispensatione in universo corpore organico, officiis atque muniis, quae oeconomiae animali exhibere dicuntur, nec non de corundem affectionibus morbosque illisque opponenda medela &c. rescindam laborumque compendium ipsis faciam.

§. II.

Evidem periculum est, ne temeritatis notam mihi inurant, qui vel nimia veneratione antiquitatem prosequuntur, vel, quod *universalis* ferme omnium medicorum consensu a bis mille retro annis confirmatum est, falsitatis coargui non posse existimant; Ideo tamen a sententia mea dimoveri me non facile patiar. Quanquam enim de aetate fabulosi dogmatis multum sollicitum esse tam taediosum, quam supervacaneum sit: Aequa tamen graviter aures ferit, si ab *Hippocratis* usque temporibus putidissimum commentum repetatur, ac molestum est audire, *Divum Senem* suo jam tempore circulationem sanguinis cognovisse, imo primum omnium mechanicas rationibus usum esse, i. e. artem omnium nobilissimam ad vilissimas & illiberales, quas proprie *mechanicas* (opificia) adpellamus, rejecisse, quod, ne ventriculum subvertat adsertum illis, qui Virum gravem ab ejusmodi *Mechanicorum* ineptiis prorsus alienum fuisse, probe norunt, admodum metuo. Locus vero, ex quo evincere conantur, *Hippocratem* primum *spirituum* adsertorem & propugnatorem fuisse, libro sexto *Epidemicorum* §. 19. reperitur, & talis est: τὰ ἴχοντα, η ὄγμωντα, η ἐνιχόμενα σκεπτέα; Quem interpretes ita veterunt: *Continentia, impetum facientia & contenta* sunt consideranda; Ubi proinde per τὰ ὄγμωντα seu ἐνορμῶντα *Spiritus* intelligere solent. Praeterquam autem, quod inter omnes historiae litterariae peritos constet, non omnes *Epidemicorum* libros, sed primum tantum atque tertium genuinos Magni *Hippocratis*, filii *Heraclidae*, foetus esse; *Sextus* in primis, ex quo toties vexata partium divisio in ἴχοντα seu *continentia, ὄγμωντα* seu, ut vulgo interpretantur, *impetum*

tum facientia & evigoreva seu contenta, petita est, *Theffalo*, filio Hippocratis, vindicari solet. Esto autem, *Asclepiadum* acumen atque ingenium *Hippocraticum* referre locum allegatum, quo quaeso argumento inde evincetur, *Hippocratem* hoc partium *impetum facientium* nomine putatios potius *Spiritus*, quam sanguinem, vel quemcunque alium corporis humani humorem, quorum tamen neutrum *cum impetu*, sed placido potius, aequabili, amico atque moderato motu in statu corporis ordinario atque secundum naturam sese habente undiquaque dispensari observamus, intellexisse? Quomodo ulterius probabunt, *Spiritus* secundum eminentiam *animales*, sensuum nempe atque motuum auctores, optimum senem hoc *impetum facientium partium* nomine denotare voluisse? Et cur quaeso a *contentis* tam sollicite distinxisset, cum nemini ignotum esse queat, ab ipsis *Spirituum* talium defensoribus *contentarum partium* numero pari jure illos ac sanguinem ipsum vel lympham accenserri? Quod ad alterum attinet locum, qui ex libro de *carnibus*, sive rectius loquendo, de *principiis* §. VII. editionis *Lindeniana*e allegatur, *calidum* nempe *plurimum in venis & corde reperiri*, eaque de *causa spiritum in se cor continere vel attrahere*, is tanto minus hypothesi *Spirituum* favet, cum non folummodo in universo hoc de *principiis* libro *spiritus* nomine intelligatur *aer*, sed & libro de *flatibus* diserte enuncietur, *spiritus*, qui corporibus insunt, *flatus*, qui vero extra corpora existunt, *aerem* vocari. Eidem spiritui paullo post vindicat, *mortalibus vitae & morborum aegrotis* solum eum auctorem esse; Tantam omnibus corporibus *spiritus* necessitatem extare, ut, siquidem omnibus aliis abstineat homo, neque cibum sumat neque potum, duos tamen tres vel plures dies supervivere possit; Quod si cui vero *spiritus in corpus viae intercipi perentur*, in brevi parte unius diei intereundum ipsi esset. Esto autem, ut liberales simus, per antiquam esse fabulam scholiarum de *spiritibus*; Esto, aetate longe antecedere fabulas *Aesopi*, nullum tamen antiquitas mendacio pariet patrocinium.

§. III.

Infirmum itidem atque elumbe est, quod ab unanimi ac propemodum universalis medicorum omnis aevi consensu petitur, argumentum: Praeterquam enim, quod nec novum nec insolitum sit, integras eruditorum societas in unum mendacium conspirare posse, ut ex crimine magiae unanimiter tot seculorum decursu asserto aliisque exemplis patet: Non defuerunt quoque, quibus narratiunculae scholarum de energia & effectibus spirituum animalium suspectae visae sunt, & qui proinde, data occasione, dissensum suum non disimularunt. Post Barbatum, Entium, Harvaceum & potissimum Johannem Argenterium, medicum Italum, qui, uti in quamplurimis a Galeni placitis recedere ausus est, ita quoque rationibus non contemnendis receptam scholarum doctrinam de spiritibus, potissimum animalibus masculine impugnavit, nostra quoque aetate non infelices artis medicae Reformatores contra eandem insurrexerunt, quos inter BIDLOUM & STAHLIUM honoris gratia nominasse sufficiat, quorum posterior uti multa theoriae vulgaris monstra heroico ausu ex foro medico profligavit; Ita non simplici vice suis in scriptis ostendit, quantopere a chymaericis spirituum hypothesi animus abhorreat.

§. IV.

Nec dissimulo ego, quod varia illa ficta pariter atque picta spirituum schemata a compluribus jam retro annis multiplicem dubitandi ansam mihi subministraverint. Primum enim praeposterum, quin ἀλογος mihi visum est illorum institutum, qui in proprietatibus alicujus rei operiosius enumerandis occupati prius sunt, quam veram atque realem ejusdem existentiam satis evicerint, cum secundum tritum axioma: *Non entis nullae possint esse affectiones.* Non minus Physiologorum concordiam in imponendo nomine desidero; Quod enim antiqui Spirituum nomine indigitabant, illud recentiores, quasi receptae denominatio-

nis puderet, *liquidum nerveum, succum seu laticem nervosum*, vel adhuc generalius *fluidum tenuissimum nervorum atque cerebri* adpellare solent. Auxerunt rationalem σκεψιν divertit sententiarum, quas de indole & natura *Spirituum* ita dictorum animalium sibi formarunt *Physiologi*, quorum nonnulli praefigurare illos solent vel sub forma subtilissimae aerae, materialis quidem, attamen insensibilis, valde subtilis, mobilis & versatilis, quae, ut eorum Patroni lepide nungantur, noctu oculi citius, radii instar, omnia corporis organici loca penetrando ubivis sese expandat. Alii specialius eandem determinaturi, ex particulis salino-sulphureis, lucidis, ex sanguine subtilissime digesto, resoluto & cum aere optimie temperato, conflatos esse *spiritus* existimant. *Willius* concepit illos instar radiorum lucis, ex sanguinis vitalis flammula emanantium. *Mayowius* eorundem indolem nitro-aerream, respirando ad sanguinem dimissam & sub hujus involucro ad cerebrum translatam, esse credidit. *Borellius* idem nervorum fluidum ad naturam spirituum sulphureorum vel urinosorum, quales per destillationem chymicam parantur, componere non veretur, caput vel cerebrum alembici instar lepide praefigurans. *Pascalius* eosdem *spiritus animales* pro parte sanguinis acidiora, ex aere tanquam principio maxime activo in sanguinem recepto, tandem vero in cerebro ab hoc separato & in statum libertatis vindicato agnoscere non dubitat. *Hoffmannus*, quasi vulgatae *spirituum* denominationis ipsum puderet, *duplicem in fluido cerebri & nervorum* (Ita enim adamatos *spiritus* adpellare invult) ominatur substantiam, alteram omnium tenuissimam, subtiliorem chyli, lymphae & sanguinis partem, ad motum celerrimum & varium recipiendum atque propagandum aptam, alteram vero crassiorem, magis humidam, quae illius vehiculum fit, a quo deinde fluido per nervos ad partes delato motus, sensus ac nutritio praestetur ac perficiatur &c. Multi alii, quasi causae suae diffidentes, essentiam *spirituum animalium* specialiter determinare ausi

non

non sunt: Quorum omnium vaniloquentiam cum rectissime animadvertisset *Bohnius*, judiciose, prout solebat, monuit, *prudenter* quidem, et si non *philosophice*, fecisse illos, qui conceptu generalissimo rem comprehendendo, & *generaliter* pro corpore subtilissimo atque mobilissimo habendo, multa hoc modo dubia atque contradictiones, quibus alioquin adsertores *spirituum* temere implicarentur, evitantes.

§. V.

Neque vero hae solae sunt difficultates, quibus vulgaris scholarum doctrina de *spiritibus* premitur, sed distributio eorundem in totidem familias, quae Antiquis potissimum solemnis erat, tanto intricatiorem illam reddit. Et quanquam recentiorum nonnullis eandem reformare, atque praeter *vitales* & *naturales*, ipsos quoque *genitales* inde rescindere cordi fuerit: *Animalibus* tamen pari generositate repudium mittere pauci fuerunt ausi. Taceo *Gideonem Harvaeum* in arte curandi morbos expectatione, novam prioribus speciem *spirituum*, nempe *glandulosorum* addidisse. Magis adhuc perplexum me reddiderunt inutiles medicorum altercationes circa verum cum *secretionis*, tum *collectionis* organum, quorum illud nonnulli in cerebro, cerebello & medulla spinali, alii solummodo in substantia cerebri corticali, quam ideo *glandulosam* esse fingunt, alii alibi quaerunt, *hoc* vero vel in ventriculis cerebri vel in medulla oblongata constituunt, dubiis autem, quae longa inde serie nec possunt, nullo modo satisfaciunt. Quibus difficultatibus & haec accedit, quod ne ipsae quidem viae, ductus atque canales, quorum beneficio ipsa demum *spirituum*, si quam maxime in cerebro existerent, dispensatio & per integros quasi manipulos atq; cohortes distributio universo in corpore fieri debeat, hucusq; sufficienter, nempe *anatomico*, demonstrati sint. Quis insuper sani principitis homo temere persuaderi sibi patietur, *spiritus* istos, quam versatiles etiam & obsequiosi praefigurentur,

tam

tam prodigiosa in copia advehi ad partes posse, ut singulis actibus, vitalibus pariter atque animalibus noctu & interdiu jugi tenore continuandis subserviant? Praecipue in operariis, qui in lignis v. g. findendis toto die occupati fuerunt; Si enim in singulis securis elevationibus ac depressionibus aliqui *spirituum* manipuli (quod quippe ex hypothesi fieri omnino debet) in brachiorum musculos per nervos fluant, jure utique metuendum, ne tandem, eorundem penu exhausto, brachia concidant. Si quis vero hic forsitan suscipietur, *spiritus* hosce, propter suam tenuitatem ac volatilitatem, quam plerique iisdem vindicant, per habitum cutis porosum, undique nempe perspirabilem avolaturos, opportune jam malum praecipuarunt; Quemlibet enim porum circumspete muniverunt glandula, quae aggeris instar sese habeat, impedientis, quo minus extra limites suos evagari temere possint. Cumque porro nulli eorundem regurgitationi a peripheria versus centrum, & quidem per easdem vias, locus esse queat, tubulos nervorum de valvulis prospexerunt, iconismis etiam, tanquam si omni sua figura in oculos incidissent, exornatas, quibus veluti cancellis coercerentur eorundemque regressus efficaciter praepediretur. Id quod tamen haud omnino impossibile aliis visum est, sicuti licentiae hujus in fingendo inauditum quasi specimen edidit *Religiosus* quidam *S. Mauri*, qui plane quandam circulationis speciem *spiritibus animalibus* adserere non erubuit; Id quod huic monacho, cui talem ingenii lusum ad fallendum solitudinis taedium lubens indulgeo, facile condonarem, dummodo publici Artis medicae Doctores cerebrinam speculationem non adoptassent suamque fecissent, vel, quod merito dolendum, longe absurdiores in illius locum substituissent. De proprietatibus *spirituum*, ita dictorum *animalium*, multa mone re ideo supersedeo, quia comicorum repraesentationibus

non absimiles mihi videntur: Dum enim modo lucidi, modo obscuri & tenebricosi, modo mites, modo sylvestres, motu modo placido & regulari, modo tumultuario, anomalo & effraeni impulsi, jam per lineam rettam, jam per obliquam, modo plane per turbinem ac gyros variosque anfractus & maeandros acti, modo in rabiem ac furorem concitati, ut imis summa misceant &c. ridicule satis fistuntur, quis temperare satis sibi potest, quo minus ad actuum comicorum repraesentationes haec omnia quam proxime accedere, serio existimet.

§. VI.

Hisce adfinia sunt, quae jam dudum ab Argenterio, qui *spirituum animalium existentiam, vitalibus interea admis- sis*, diserte negavit, mota sunt dubia; Is enim non circa solidam rationem judicavit, solam facultatem animalem, sine intermediae talis substantiae spirituosaef subsidio, functionibus animalibus perficiendis & administrandis sufficere. Non vane is auguratus est, exactam nervorum soliditatem momentaneas tales spirituum, quales ipsis vindicantur, accessus atque recessus minime pati; Nervis insuper constrictis vel ligatis functiones quidem animales, sensum nempe & motum aboleri observavit, minime tamen putatitum *spirituum* influxum inde evinci, rectissime vero, principium agens aptis atque concinnis indigere instrumentis, ad actus suos in corpore organico exercendum, inferri hinc posse judicavit; Potissimum cum post nervi cujusdam ligaturam nulla supra ligaturam sequatur intumescientia, quem tam in arteriis, venis, vasibus lymphatico-lacteis &c. animadvertere liceret. Verum singula haec dubia adcuratius merentur scrutinium, ut, quae illis probandi efficacia subsit, tanto luculentius adpareat.

§. VII.

Primum vero idque facile princeps dubium contra ipsam *spirituum animalium existentiam moveri potest.*

Fru-

Frustra enim de illorum *essentia*, usu atque muniis disputatur, nisi prius eorundem *existentia* solidis rationibus furerit evicta: Ubi ingenue fatetur *Bidous*, se post adhibitam omnem exantlatamque diligentiam, fluxum *spirituum animalium* per nervos detegere non potuisse. Interim speciosis non destituuntur argumentis eorundem propugnatores, quibus, quam parum efficaciae ad probandum subsit, ex dicendis mox clarius dilucescet. *Bohnius*, Mechanicorum omnium coryphaeus ac facile princeps, qui, ut ipsemet loqui amat, in dogmatibus de *spirituum* statu naturali aequae ac praeternaturali evolvendis ac recitandis non omnino jejonus fuit, ingenue confitetur, *spirituum existentiam non a priori, sed a posteriori tantum, id est, per sensum ac motus, quos praestant, innoscere*: Adeo quidem, ut *influxu eorum impedito omnes partes exsolvantur minusque sentiant, aut illi inordinate seu inaequaliter exagitati variis spasmis has exagitent &c.* Quasi vero functiones animales, sensus nempe atque motus, in corpore animali vivo, si quam maxime, *a reliquis partibus fluidis, multo minus solidioribus illas proficiisci non posse*, concederetur, ab ipsa anima rationali, tanquam principio movente universali dirigi & administrari non possent, sed illa demum instrumento quodam intermedio, *spiritibus scilicet animalibus, quos nulla sensuum sagacitas detegere potest, opus haberet, cum praeter nervos, musculos, membranas & fibras motrices nulla alia in corpore organico actuum animalium instrumenta reperiantur, in quae omnia animam partim directum & immediatum, partim indirectum & mediatum exercere imperium, extra omnem dubitationis aleam positum est.*

§. VIII.

Cum igitur, nemine negante, absolute principio aliquo movente & actuante in corpore humano organico opus sit, quod quippe per se materiatum est, corporeum, iners ac mere *passivum*, proindeque omnis motus & activitatis expers, nisi ab alio impellatur, propria vero actuositate

ositate movendique potentia gaudeat anima rationalis:
 Consequitur inde, nulli alii, quam huic principio immateriali & rationis compoti hanc movendi potestatem majori jure vindicari posse. Neque vero juvat objecisse, animae humanae energiam movendi corpus suum singulasque ejus partes ideo adscribi non posse, quod in brutis animantibus eosdem plane actus, animales pariter ac vitales reperiamus, quales in hominibus observamus, brutis interea, ut principium agens rationale tribueretur, religio vetet; Deinde corpori humano nimis crasso densoque animam rationalem aliter maritari, jungi atque uniri intime non posse, quam proportionato quodam medio, quod materiale quidem esset, attamen subtilissimum atque mobilissimum, radii instar celerrime per omnes corporis partes penetrans, uno verbo *spiritus* indolem prae se ferens, quemque proinde titulum eodem, imo majori forte jure, quam Chymicorum liquores seu spiritus volatiles tueri posset, &c. Ast quid quaeſo obſtat, & quamnam haeresin redolet, si brutis quoque animantibus tribuatur principium agens, rationis qualisunque particeps, quodque secundum certam proportionem, gradum, mensuram, tempus aliasque immateriales circumſtantias actus eorundem animales aequæ ac vitales regat, adminifret, instruat atque dispenset; Deinde si anima rationalis, quod a nemine in dubium vocatur, polleat vi *spiritus animales* ceu fideles suos ministros, qui citra exceptionem corporei & materiales sunt, movendi, impellendi & pro arbitrio suo undiquaque dispensandi, quid impedit, quo minus eodem jure utatur in nervos, musculos, membranas, fibras aliaque motus capacia organa? Ideo enim, quod corpus aliquod subtile fit vel *crassum*, non variatur ejus species. Si denique aequæ impossibile fit, *spiritus animales* a ſeipſis moveri posse, atque ipsum corpus organicum, eadem manet difficultas, a quo alio illi principio impellantur? Si

di-

dicatur, ab aethere atque luce, recurret quaestio, a quan-
nam caussa aether atque lumen moveatur? Sic turpem
committendo circulum ubique inextricabilibus fese im-
plicant difficultatibus, nisi forte isto subterfugio uti pla-
ceat, aetherem atque lucem, tanquam substantias subtilissimas a
primo sui ortu instructas esse motu, a quo, nisi cum totius universi in-
teritu, remittere nunquam possent: Quae tamen omnia gratis
tantum adserta esse, cuivis rite attendenti manifestum
statim evadet.

§. IX.

Quod vero, quae altera est Bohnii ratio, qua spirituum
animalium existentiam & motum in nervis comprobare sa-
tagit, quod, inquam, cerebri nervorumque actione intercepta
v. g. a compressione aut vulnere enormiore, ligatura &c. actiones ani-
males subito evanescant ac pereant, id sane non demonstrat pu-
tatum illum spirituum animalium influxum denegatum vel
quoquo modo interceptum, sed illud saltem probat, ani-
mam rationalem sine proportionatis organis sive instru-
mentis, nervis scilicet, nullum in corpore suo organico
motum excitare posse. Eadem omnino ratio est, si ner-
vo vel ligato vel resciso, omnis statim sensus atque mo-
tus ejus partis, ad quam ille excurrebat, pereat: Quia a-
nima ceu principium movens, organis corporeis suis in
actibus ac motibus est alligata, quae si enormiore laefio-
ne vel totali destructione laborent, mirum non est, par-
tis talis actionem vel languere vel penitus cessare.

§. X.

Ejusdem momenti est tertium Bohnii argumentum;
Quis enim credat, efficaciter concludi ita posse: Cerebri at-
que nervorum conformatio & structura singularis peculiarem illorum a-
ctionem & usum commendat: Ergo: Nullus is alius, quam spiritu-
um animalium productio esse potest. Vereor sane, ne ista qui-
dem conclusio ex praemisis nullo modo consequatur.
Taceo, Virum celeberrimum priores suas hypotheses, quas
de essentia, motu & officiis spirituum animalium fovebat, jam

dudum reformasse, aliisq; exemplo suo praeivisse ac prae-monstrasse, quo loco theoriam male fundatam, & in pri-mis praxi inapplicabilem habere debeant? Id quod clari-us dilucescet, si quis Progymnasmata XIX. XX. & XXI. Cir-culi Anatomici cum Capite XVIII. Tractatus de officio medici duplici, clinici nimirum ac forensis, rite inter se invicem con-ferre non dubitaverit.

§. XI.

Interea, quod rationibus evincere hucusque non po-tuit *Bohnius*, id nunc experimento, quod *Bellinum* agnoscit auctorem, indubitatum reddere ad laborat, de quo tan-tam concepit fiduciam, ut omnes illud admiraturos omni-que exceptione majus esse proclamaturos, credat, qui ei-dem administrando manus admoverint. Experimentum „ipsum sic se habet: In cane vivo aut saltem non plane „mortuo sternum septique transversi pars anterior a co-„stis circumspete separetur & nervorum phrenicorum al-„teruter digitis fortiter comprimatur; Quo facto dia-„phragma mox a motu suo feriabitur. Si vero deinde ei-„dem nervo bini alterius manus digit, prioribus interim „sua a compressione nihil remittentibus, injiciantur, sicq; „diaphragma versus ducantur, motus ejusdem redinte-„grabitur, idque toties eventurum, credunt experimenti „admiratores, quoties idem repetitus fuerit labor: Unde oculari demonstratione patere existimant, dari utique in nervis phrenicis fluidum quoddam subtile, cuius motu & influxu libero versus diaphragma intercepto, illius quo-que motus cessaet, eodem vero restituto, is quoque curio-so spectaculo reviviscat. An omnes pari cum *Bellino* cir-cumspectione experimentum, quod adserto eorum fidem conciliare debet, imitati fuerint, admodum dubito; Esto autem, eadem omnia, quotienscumque repetitur, evenire; Inde tamen nullo modo sequitur, fluidum aliquod PAL-PABILE a cerebro nervos influere, cuius ad pulsus compressione inter-cep-tum, quod ejus in inferiore nervi parte haeret, stagnare facit; usque dum

dum ejus motus ad diaphragmatis fibras strictura juvetur. Si enim, ut vulgo opinantur, fluidum cerebri nervorumque tenuissimum est atque spirituofum, aurae subtilissimae instar summe mobile atque volatile, ex partibus quippe sanguinis subtilissime digestis, resolutis & cum particulis aëreo-aethereis arctissime combinatum, unde quaeso est, quod hic tanquam crassis sensibus PALPABILE sistatur? Quis cum adserto illo unquam conciliabit, digitorum sinistram manus anteriorum comprehensione & strictura motum & adfluxum fluidi tam tenuis ac mobilis, quod aetheris subtilissimi instar nullibi includi, nullibi excludi sese patitur, ad diaphragma ita intercipi posse, ut illud ideo a motu suo adscensorio ac descensorio in respiratione ferari cogatur? Vel qui possibile erit, partem nervi inter dia phragma & comprimentes digitos interceptam, alterius adstantis digitis per totum suum ductum ad insertionem usque compressam, ut possit exprimi, si quis (ex hypothesi) supereft enervo succus, & dia phragmati immitti, id efficere, ut ideo diaphragma suum repeatat motum? Si enim usque adeo crassum est nervorum liquidum, ut in inferiore nervi phrenici parte haerendo stagnare, ut digitis exprimi & versus diaphragma proprii, idque in motum ciere denuo possit, vereor, ne cum summa, quae illi tribuitur, tenuitate, subtilitate atque spirituositate actum sit, vel saltem inter partes impetum facientes frustra cum Hippocrate referatur. Longe igitur alia phaenomena subest ratio, eadem nempe, quando cruribus complicatis & tendinibus compressis pedes stupent; sensum vero atque motum recuperant, compressione laxata. Atque adeo sua ab actione feriatur diaphragma, nervo phrenico per digitorum compressionem libero in motu tonico praepedito, redintegratur, si alterius adstantis digitis per totum suum ductum ad insertionem usque nervus comprimatur, urgeatur & aliquoties ducatur, non sane, quod succus nerveus hoc modo exprimatur & proprimatur, sed quod motui tonico sua quomodocunq; libertas restituatur.

§. XII.

§. XII.

Hoc interim experimentū tanti momenti visum est, ad demonstrandum fluidi tenuissimi transitum per nervos, ut certatim quasi a medicis magni nominis fuerit adoptatum. Ipse quoq; Hoffmannus, suppresso tamen primi inventoris nomine, eodem fine in *Medicina sua Rationali systematica* allegare illud ipsum non dubitat; Quo successu, ipse videat. Nos vero ad alia, quib⁹ *spirituum animalium defensores existentiam* eorundem confirmare adnituntur, argumenta pedem promovemus. Inter illa non postremum locum illud quoque obtinet, quod ex *oeconomia sensationum* petitur, quibus quippe suam constare non posse integratatem existimant, neque ullam sentiendi potestatem organis a cerebro remotis competere, nisi interventu systematis hujus nervosi, a cerebro ad organa sensuum usque extensi, cuius proinde beneficio attactus ubicunque excitatus in instanti 'cerebro tanquam primario sensus organo, non quidem per nervos, sed per spiritus in illis undulantes, *communicari queat*. Verum enim vero hoc nihil iterum aliud est, quam novis iisque inextricabilibus difficultatibus sese implicare; Absolute enim hic fingenda est *spirituum* istorum aequalis per universum corpus distributio; Unde inevitabiliter novum enascitur figmentum, duplicem *fluido nerveo* concedendum esse motum, alium a centro versus peripheriam, aliumque eidem contrarium, a peripheria nempe versus centrum, ut ubicunque demum motus aliquis sensorio externo imprimitur, is momento citius radiorum luminosorum instar per spiritus in nervis undulantes, & cum illis, qui in cerebro tantum hospitantur, certam communicationem alentes, ipsi cerebro communicetur. Cui vero bono tot ambages, tot figmenta? Annon, citra gratuitas tales suppositiones, compendiosius & systematis nervosi oeconomiae longe convenientius, universum explicari potest negotium, dicendo, filamenta nervosa instar chordarum seu funiculorum a cerebro, cerebello & spinali medulla ad omnes atque

que singulas corporis partes esse protensa, quorum uni extremitati si motus ab objecto imprimatur, celerrime is propter continuitatem ad alterum extremum transferatur, atque adeo longe expeditius hac ratione, quam per intermedium aliquod *fluidum nerveum*, cuius existentia a nemine adhuc dum solide fuit demonstrata, modum expōnere liceat, quo motio talis organis corporeis impressa ad cerebrum transmitti sensibusque internis communicari possit. Neque est, quod dicatur, *eiusmodi medium ad subtiles tales sensuum motiones minus esse proportionatum*: Quasi vero principio agenti, quod nemine contradicente, potestate pollet impellendi corpus subtile atque spirituofum, deneganda sit energia movendi corpus paullo crasius, tenerum interim & exquisitissimi sensus capax. Neq; vero a motu & extensione nervorum, quam a corporeorum objectorum impressione recipiunt, doloris exquisitoris sensus metuendus est, exemplo epilepticorum aliorumq; motibus convulsivis exagitatorum, qui quidem, paroxysmo superato, de lasitudine membrorum & sensu obtusiore, non aeque de doloribus conqueruntur. Et quid quaeſo impediret, quo minus pressio, organo ab objecto illata, ad cerebrum usque pertingere posset? An forte ideo, quod nervus non ubique libere procederet, sed suo in decursu ad partes, membranas inter atque musculos complicaretur? Minime; Dummodo enim nervi cum cerebro, cerebello & spinali medulla communicent, nihil sane opus est conſpiratione, nexu & qualicunque communicatione cum spiritibus animalibus, quales quippe in cerebro & medulla oblongata *actu existere*, a nemine hucusque est probatum.

§. XIII.

Aequo infirmum est argumentum, quod a nervorum dissectione, ligatione vel qualicunque compressione petitur; Licet enim non sim nescius, dissecto nervo perire sensum ac motum ejus partis, ad quam tendebat, vel faltem

ligato aut compresso eodem, sensum pariter atque motum torpescere; Licet insuper non ignorem, quod compressis cruribus pedes stupore adficiantur, compressione vero relaxata, pristinus sentiendi aequa ac movendi vigor revertatur; Quod, qui cubito in corpus aliquod solidius fortiter impingit vel durius simulque diutius eidem innititur, torporem in sensu ac motu persentiscat, revertente cum quodam formicationis sensu utroque, brachio in pristinum suum statum restituto; Falso tamen hic accusatur influxus *spirituum animalium* per nervos in partes movendas vel omnino denegatus, vel saltem quodammodo interceptus: Vera enim omnium horum phaenomenon ratio in eo tantum consistit, quod destructo vel male saltem adfecto organo sive instrumento functionū animalium, ipsum quoq; principium movens, quod quippe suis in operationibus organis est alligatum, & sine illis suo in corpore nihil expedire valet, impediatur, quo minus dictas illas functiones exequi rite possit. Atq; adeo non inficiamur quidem, commercium inter cerebrum & organa corporea dictis in casibus esse interceptum: Negamus tamen ac pernegamus, in communicatione ac distributione *spirituum animalium* per nervos commercium istud quaerendum esse.

§. XIV.

Neque fortius stringit ratio, quae a quorundam objectorum sensualium, v. g. luminosorum, sonorum vel tangibilium, summa subtilitate ac tenuitate desumpta est, quam quippe impedire existimant, quo minus nervi sive optici sive auditorii &c. sensibilem inde tremorem concipere, sicque motum ipsis impressum ad sensorium commune transferre valeant: Atque adeo majorem inter organa sensuum & objecta sensualia proportionem obtinere credunt, si *spiritibus* potius in nervis undulantibus, quam nervis ipsis haec sentiendi movendique potestas vindicetur. **Quicunque** vero conformatiōnem atq; texturam mecha-

mechanico-organicam universi systematis nervosi, ad quam *spirituum animalium* adoratores ipsimē provocare con- fieverunt, una cum summa & exquisita ejusdem subtili- tate ad animum rite revocaverit, is non solummodo ele- gantem inter organa sensuum & objecta eorum externa proportionem facile comprehendet, sed & chymaerico *spirituum* ministerio nullatenus hic opus esse, clare intel- liget.

§. XV.

Turpiter quoque falluntur, & perversum de respirationis usu conceptum sibi formant, qui illius ope cerebro nervisque novos communicari *spiritus animales* sibi persua- dent: Nam respirationis actus jugi tenore continuatus, ut ne per pauca quidem momenta in animali suspendi vel intercipi omnino queat, ideo tam absolute necessarius est, ut sanguis suo in transitu per cellulofam pulmonum substantiam, ab admisso aere conquasfetur, inque minores moleculas discerptus atque resolutus suam non modo fluxilitatem mobilitatemque fartam & inviolatam prae- stet, sed & vivificum suum calorem partim tueatur & con- servet, partim vero nova eidem augmenta conciliet, ut motum suum circulatorium pari, qua fecerat ante, ala- critate & vigore prosequi denuo possit: Unde animalia viva recipienti vitreo, antliae pneumaticae rite adoptato, inclusa, aere subtracto languent primum, tandemque pla- ne extinguntur, non quod imaginarii *spiritus*, nullib[us], nisi in cerebro eorum, a quibus finguntur, existentes, hu- moribus subtrahantur, sed quod, respiratione paulisper intercepta, sanguis in pulmonibus copiosius congestus re- stagnet, sicque eosdem obruendo suffocationis metum a- nimali minetur, quae etiam actu subsequitur, aere tem- pestive non restituto; Eodem vero opportune reddito & in recipiens denuo intromisso, ipsum quoque animal motum & alacritatem pristinam successive recuperat; Non sane ideo, quod *spiritus* antea sopiti mediante aere

denuo excitentur vel restituantur, quod quippe tam brevi temporis intercapidine fieri posse, nemo sani sincipitis facile sibi persuaserit, sed quod sanguis, qui stagnando haetenus in pulmonibus detentus, & oppletivas, quin suffocativas angustias animali causatus fuerat, nunc aere denuo admisso, pristino suo motui ita restituatur, ut per venam pulmonalem versus sinistrum cordis thalamum refluus, circulum suum universo in corpore prosequi denuo posfit.

§. XVI.

Alii ex mirabili *cerebri fabrica vasorumque* per illud decurrentium *adparatu* frustra colligunt, secerni in illo *fluidum tenuissimum*, quod deinde mediante *durae matris tono* & *motu systaltico* per *nervos feratur ad partes*, ut *motum, sensum, imo & nutritionem* in illis *praestet ac perficiat*: Quasi vero aliae partes, organa atque viscera non aequa mirabili gauderent strutura atque fabrica, quorum tamen usus secretorius non est, exemplo lienis, in quo nulla, nobis saltem cognita liquoris cuiusdam secretio hucusque observata est. Neque vero est, quod metuas, *cerebrum in corruptionem*, prono statim passu *transiturum*, nisi per ejusdem substantiam liquidum, quale antea descriptum fuerat; nempe *nerveum tenuissimum* progrediatur; Dummmodo enim sanguis vivido motu per cerebrum moveatur, id quod ex punctulis & quasi guttulis sanguineis, ex dissesto cerebro profiliens, manifeste colligimus, abunde hoc ad averruncandam putredinosam cerebri corruptionem sufficit.

§. XVII.

Frustra denique argumentantur, qui suam musculis actionem constare non posse existimant, nisi *spirituum animalium* influxus in eorundem fibras statuatur, quibus quippe secundum latitudinem atque profunditatem inflando expansis, secundum longitudinem vero contractis, motus demum & actio musculi sequeretur. Verum quid opus est hic multum *ἀκριβολογεῖν*? Musculus est

est pars organica, motus voluntarii instrumentum, & sua utique aptitudine mechanica instructum, quo proinde ceu organo, anima rationalis, tanquam principium corporis sui movens pro arbitrio (sive chymaerico tali *spirituum influxu*) tam extendendo quam contrahendo uti potest.. Si regeratur, musculos atque nervos esse quidem partes instrumentales, sed per se inertes, otiosas, mere passive sese habentes, nullumque motum ex se producere valentes, ac proinde, si moveri debeant, ab alio movente impellendas, quod nullum aliud, saltem rei movendae proportionatum, esse queat, quam *spiritus animalis*, sive, ut aliis vocare placet, *fluidum nerveum*: At vero nihil video impedire, quo minus anima ipsa, sine intermedio tali corpore spirituoso, motuum & actuum talium caussa dicatur? An forte illud, quod muscularum nervis sint partes crassiores, *spiritus* vero communiter tanquam partes valde subtile, agiles atque versatiles in scholis praefigurentur, quaeque proinde cum principio movente majorem alant convenientiam atque proportionem? At vero, quis audivit unquam, subtile & crassum variare speciem? Subtilitas certe rei cuiusdam non efficit, ut materialium & corporeorum numero exiguntur: Alias neque aër, neque *spiritus animales* corporibus, licet subtilibus, accenseri possent, id quod tamen eorundem defensores utroque pollice concedunt. Quid sensibilius est extensione vel contractione brachii vel cruris, & utrumque tamen motum voluntarie, directe atque immediate excitat anima? Quidni ergo motus actusque longe subtiliores, vitales nempe, ab eodem principio procederent?

§. XVIII.

Cum igitur nullus fabulae color ex doctrina *Physiologica*, ut haec tenus prolixo demonstratum est, adfricari potuerit, ex *Pathologia* fucum mutuari e re sua duxerunt *spirituum animalium* fautores; Proinde herculeum omnique exceptio-

ne majus argumentum, quod praesentiam & existentiam eorundem in nervis indubitate comprobet, a variis laesionibus & affectibus morbosis cerebri deducunt. Quod enim *nervo optico* vel *obstructo* vel *non nihil compresso*, *visio omnis in gutta serena aboleatur*, *nullo licet mali vestigio extrinsecus in oculo ad parente*, id inde procedere existimant, quod *spiritus* per medullam nervi alias influus motum a luce in oculo factum ad cerebrum promovere nequeat. Quod in paralyssi, apoplexia similibusque affectibus vel sensus & motus simul, vel alterutrum saltem eorum cesseret vel deficiat, id vel a defectu *spirituum animalium* vel insufficiente eorundem volatilitate, vel a vitio viarum, nervorum scilicet, humiditate largiore vel glutine obrutorū &c. derivant; Quorū tamen phaenomena omnium rationes minus adaequatae allegantur: Nam obstructio primum nervi optici est *non ens*; Quia, quod cavitate caret, obstructioni expostum esse nequit. Deinde, si *spiritus* paucitate vel defectu peccarent, non difficile foret, partim remediis, partim potulentis spirituosis inopiam resarcire; An vero ideo revertentur functiones animales, sensus nempe & motus? Non crediderim. Quam facile interim & expeditum esse videatur negotium medicis *cathedralibus* seu *per chartam* dictis, referare obstructions, tam difficile e contra judicatur a *clinicis*; Unde constans testatur experientia practica, veros paralyticos & apoplecticos in integrum rarissime restitui, atque adeo a longe alia causa, quam a denegato vel intercepto *spirituum animalium* influxu gravissimos tales affectus dependere.

§. XIX.

Quod caeteroquin *spirituum animalium* defensores sibi persuadeant, nec rationem dolorum, nec tremorum atq; *convulsionum* explicari rite posse, nisi *spiritus* in nervis undulantes, toti corpori communes, motumque ipsis impressum ad cerebrum tanquam commune sensorium propagantes, & qui-

& quibus proinde sua sentiendi facultas non esset denganda, statuerentur, id aequa parum ad confirmandam spirituum existentiam facit, ac argumentum *ab aridura membrorum*, quae a paralyse aliisque nervorum contusionibus, compressionibus aut ruptionibus insequitur, depromptum. Quis enim mittetur, nervi cujusdam pressionem, tensionem vel rupturam sequi dolorem? Tremor non est affectio spirituum ita dictorum animalium, sed motuum tonicorum, quatenus vel solito auctiores vel debiliores sunt. Convulsiones, quae eorundem exquisitissimae sunt exacerbations, instrumentorum vices subeunt, quibus natura subinde utitur, ad res alienas vel noxias suo ex corpore ejiciendum & alienandum. Et aridura denique membrorum, quae graviorem nervorum laesionem, per compressionem, ruptionem vel quacunq; alia ratione inductam, consequitur, ne eminus quidem, nedum infallibiliter evincit, auram aliquam spirituosam per nervos ad partes nutriendas advehit, sine qua debitam digestionem, rarefactionem & intimam distributionem roris nutritii e sanguine corrievati peragi non posse existimant: Verum id saltem demonstrat, sine nervorum qualicunque concursu & adminiculo nutritonis actui suam integritatem constare non posse.

§. XX.

Atque haec sunt herculea illa argumenta, quibus spirituum defensores satis inesse roboris crediderunt, ut, quam a majoribus fabulam acceperunt, ad incautam posteritatem pari securitate transmitterent, eidemque necessitatem quasi imponerent aliquid credendi, quod nec ratio a priori, nec experientia a posteriori ulla, saltem probabili, ratione persuaderet. Verum jam ab initio seculi decimi sexti intolerabile hoc servitutis jugum excutere, glaucoma detrahere & commentitii systematis spirituum vanitatem erudito orbi ostendere coepit Johannes Argenterius, Medicus Italus, qui, uti in multis aliis a Galeni placitis recedere conatus est: Ita admisso solo spiritu vitali, sanguini inhaerente (cujus quippe subtiliorem tantum partem esse credebat)

bat) omnem *animalem* heroico ausu explosit. Et quanquam *Clarissimo Bergero* in tractatu de *natura humana* capite de *secretione motuque succi nervosi visum* fuerit, *Cl. Bohnium* in *circulo Physiologico-Anatomico* progymnasmate de *spirituum animalium natura* argumentis *Argenterii* jam dudum solide satisfecisse; Vim tamen illorum exquisitius examinantibus, longe aliter rem sese habere, luculenter adparebit; Non tamen propterea omnibus ac singulis aequalem probandi efficaciam inesse, mordicus defenderim.

§. XXI.

Optimo vero jure a vitio, quod *Argenterio* imputavit *Bohnus*, quasi nempe non entibus atque *chymaeiris* patrocinatorum nimium fuerit, absolvi posse videtur; Neque enim ideo, quod solam facultatem *animalem*, seu distinctius loquendo, *animam rationalem animaliter agentem*, sine peculiari *substantia spirituosa* hujusque influxu, ad actiones animales sufficere crediderit, non entibus favisse & facultatem sine organo, vel accidens sine subjecto temere admisisse, insimulandus est: Qui enim facultatem *animalem* solo nervorum, musculorum fibrarumque motricium adminiculo & proinde actus animales in corpore humano organico, sine putatitio *spirituum animalium* concursu, absolvi & exerceri posse sustinuit, is, accidens sine subjecto, & agens sine organo conceperisse, frustra accusatur.

§. XXII.

Nec profecto levis est difficultas, quae ab exacta nervorum soliditate atque duritate, quae quippe momentaneos tales *spirituum* itus ac redditus, accesus atque recessus minime admittit, petita est. *Bartholomaeus Cabrolius*, *Monspelensis Academiae Anatomicus & Chirurgus Regius Observatorium Anatomicarum* secunda audacter provocat ad auctoritatem *Hippocratis* atque *Galenii*, qui ambo artis medicae summi antistites suo jam tempore docuerint, nervos sensilem & conspicuam cavitatem nullam habere, ac proinde mirari neminem debere, si cum illis adserat, *spiritum anima-*

animalem arteriis, non nervis contineri; Cum nervi compacti durique sint, nec aliud, quo eos a venis arteriisq; secernamus, occurrat, nisi haec cavitatis parentia. Proinde non immerito miratur, quid iis in mentem venerit, qui *animalem spiritum* nervis, ut canali, perferri voluerint, cum nihil adpareat, quod corpori huic transitum praebeat. Nec denique rationi consentaneum ipsi videtur, *spiritum extra arterias ferri*, ut in ventriculos cerebri, exrementis semper lutulentos, quasi in cloacam se dimittat: Quin ibi frigore rigeret densareturque, sensuque juxta ac motui inhabilis fieret. Neque vero hic regesfisse juvat, manifestam quidem nervorum cavitatem non esse, eamque stylo, flatu aliisque Anatomicorum instrumentis & artificiis liquido demonstrari non posse: Interea tamen *a negatione sensuum ad negationem ipsius rei* concludi firmiter non posse, exemplo vasorum lacteo-lymphaticorum, quorum quidem oscula & concavitas licet oculariter demonstrari non posset, chylum tamen lymphamque illa pertransire, ipso sensuum testimonio satis patere. Verum quis quaeso est, qui *spiritus* eo ritu nervos permeare, quo chylus vel lympham cursum suum per vascula lacteo-lymphatica prosequitur, liquido demonstrare queat? A plantarum fibrillis & subtilissimis earundem canaliculis desumpta argumentatio aequa est incongrua, cum dissecti vel rupti humorem valde sensibilem fundant, id quod par modo in nervis conspicere non licet. Neque porositas & transpirabilitas, tubulosos esse nervos, efficaciter probat; Sermo enim nobis est de *cavitate continua*, qualis arteriis, venis, vasibus lacteis atque lymphaticis &c. non itidem nervis parijure, competit.

§. XXIII.

Quam vero de officina *secretionis* pariter atq; *collectionis* *spiritum animalium* movit dubitationem Argenterius, solido suo fundamento pariter haud destituitur. Interea hanc in angustias redacti sic argutantur: Totam cerebri

nervosique systematis intrinsecam conformatiōnem usq; adeo singularem esse, ut dīgito quasi *spiritus* elaboratiōnē aequē ac dispensatiōnē commōnstrare videatur. Fibrillas seu funiculos nerveos, ex quibus tota cerebri atque cerebelli substantia quasi collecta esse conspiceretur, vascula praebere excretoria, quae a sanguine auram spirituosa m ad nervos corrivarent. Hanc ob rationem canaliculos istos substantiae cerebri corticali, quam glandulosam esse credunt, continuos esse; In istis denique glandulis terminari arteriolas, spirituoso sanguine turgidas, ut tanquam totidem vascula excretoria *spiritus*, in glandulis istis secretos, excipiant atq; ad nervos deinde admittant &c. supponunt. Verum cui bono tot accumulare praesupposita, quae omnia gratuita esse nec unquam sufficienter demonstrata, neminem latere potest. Mitto autem haec & complura alia ab *Argenterio* mota dubia, & ad argumenta, quae pro convellenda spirituum animalium existentia a *Bidloo* in medium producta sunt, accedo.

§. XXIV.

Huic, spero, fidem eo pleniorē adhibituros omnes, quo certius constat, virum fuisse in *Re Anatomica* versatissimum, nec forte oscitanter vel ὡς ἐν παρόδῳ argumentum hoc tractasse, sed duas integras *Exercitationes Anatomico-Chirurgicas* huic soli demonstrationi: NON DARI SPIRITUS ANIMALES, impendisse. In illarum prima ingenue fatetur, se, quicquid de spiritibus animalibus eorumque per nervos fluxu tam verborum plaustris statuatur, quam ratiocinii forma ducatur in consequencias, post omnem exantlatam diligentiam adhibitamque cum industria inventionem exercitataque experimenta, hujus negotii signa, vestigia reliquiasque detegere certas indubitasque valuisse NUNQUAM. Proinde, ut curiositati simul atque anxiō defiderio suorum spectatorum, qui certe non erant solum creduli Juvenes, quorum forte oculis glaucoma offundere potuisset, sed promoti Medicinae Doctores & Practici artis, in demonstrationibus Anatomicis haud vulgariter exer-

exercitati, satisfaceret, in eorundem praesentia sequentia instituit experimenta; *Primo*: Ligatis vinculo tenaciore saepius majoribus, viventi cani, femoris nunc inguina nunc genua versus, nervis, eorundem intumescientia nec supra nec infra ligaturas observavit unquam; Arteriolarum vero, nervorum membranas perreptantium, vinculum versus superius, semper ipsi cernere contigit. *Deinde*: Soluto post unam alteramve horam vinculo, nervum vasaque sanguifera in pristinum statum officiumq; restituta reperit. *Ac tertio*: Nervis dissectis abscisisq; neutra de extremitate succus, huic negotio quasi proprius, non solum non manavit, sed nec vi ulla exprimi potuit. Id itaque animadvertisit *Noster*, canem multos post latratus ejulatusque hujus, ut & vicinarum partium usum, motum tandemque vitam perdidisse; Quod vero toto hoc temporis intervallo praedictae partes, vasis tamen sanguiferis exceptis, intumuerint, observavit nunquam; *Quinimo* nervo scalPELLi apice laeso, nihil prorsus ficti *liquoris nervosi*, nihil quoque *spirituum animalium*, diurna quippe ligatura incarceratorum inspissatorumque, effluxisse vidit. Quibus omnibus ut majorem adhuc fidem conciliaret, alio in cane nervorum recurrentium, de pari vago oriundorum, abscisionem instituit, vulnusque postea consolidavit; Sed nulla, toto curatonis tempore, incubuit ipsi necesitas, stillicidium *liquoris nervi* restringendi; Id quod, ut faceret, coactus fuisset, si nervi discissi vel lacerati talem succum, ut vulgo docetur, plorarent. Imo, quod plus est, terebra cranii partem abstulit, cerebrumque cum membranis laceravit, nec tamen hoc modo ullum liquoris stillicidium detexit, etiamsi callositatem & animal percuratum optime postea viderit. Praeterea ligatum in cane vivente dupli vinculo superneque, loco, quo laterales (ad omne speculatoribus subterfugium praescindendum) rami non conspiciebantur, hosce extra limites nervum, vitro inclusum antliae subjicit pneumatace; Sed aere, ut moris est, rite evacuato, neq; intumuit,

neque ab mensura variavit priore; Quod vero staminibus inhaerebat nerveis involucrum, quandoque aliquantulum, uno loco, dilatatum visum est. Ac denique; Licet madore conspersos nervos nunc parum, nunc maxime exsiccatos, tubis vitrisq; subjecisset opticis, nunquam tamen eorum tubulos, cavitates vel interstitia detegere potis fuit. Ex hisce vero omnibus concludit tandem: Se, quantumcunque sudaverit, ad deprehendendos tamen sic dictos *spiritus animales*, neque aëtu fluendo, neque stillitando, vel quacunque alio artificio in aut extra nervos detegere unquam valuisse.

§. XXV.

Quae omnia, licet luce sua radient, sensuum quippe testimonio satis superque confirmata; Inveniunt tamen adhuc communis hypotheseos promachi, quod objiciant; Non enim necessarium esse, argutantur, nervorum ligaturam vel constrictionem eorundem intumescentiam sequi debere: Praeterquam enim, quod *Willisius* sancte affirmet, se ALIQUALEM in nervis ligatis vel filo constrictis intumescentiam observasse, quemlibet quoque nervum non ex unico membranaceo canali manifeste concavo, sed plurimis filamentis, interius porosis, exterius vero communi tunica cinctis, constare arbitrantur, in quibus proinde *spiritus* per ligaturam intercepti in sensibilem tumorem elevare nervum non possint. Et ne quis fucus vel subterfugium, quo elabantur, deficiat, id insuper addunt, quod a ligato nervo influxus *spirituum animalium* ideo cesseret, quod dicti *spiritus*, in tubulis nervorum jam aëtu undulantes, ob ligaturam cedere nequeant, & quae sunt ejus farinae plura: Verum quis primum *Willisio* credat, ALIQUALEM se nervi intumescentiam detexisse, quam nullus reliquorum Anatomicorum, pari cum *Willisio* dexteritate in secando instructorum, in subjectis vivis animadvertere potuit? Vel, si quae observata est, quis non pronior foret ad credendum, eam non tam nervo, quam vasis sanguineis vel lymphaticis vindicandam fuisse? Nec deniq; ideo

ideo cessat influere sanguis in arterias vel venas, etiam si ligatura illis fuerint injectae; Cur ergo in nervis cesseret debeat, nulla adparet ratio? Neque obstat, quod talia experimenta institui plerumque soleant in animalibus moribundis seu morti proximis, in quibus quippe, cum praecipui actus vitales, motus cordis systalticus ac diastalticus, pulsus arteriarum, respiratio &c. jam fatiscant, impeditiorem quoque ac minus vividum *spirituum animalium* influxum coargui inde posse, aestimare facile liceat: Ast cum ejusmodi animalia raro aliter, nisi cum ingentibus spasmis atque convulsionibus moriantur, ad tales autem excitandas (ex hypothesi assertorum) vehementissimus & quasi furibundus *spiritum* influxus requiratur, sequeretur utique, ab impetuoso simul atque copioso ri tali eorundem influxu nervos distendi debere, cuius tamen contrarium cuilibet autopsia facile demonstrabit. Postremo autem, licet hoc concederent *spiritum* Patroni, in nervo, statim a ligatura injecta, *spiritus animalis* influxum non deficere; Inde tamen, necessariam esse ejusdem intumentiam, evinci non posse: Quia quilibet truncus nerveus major in innumeris laterales minores ramifications, ritu aliorum vasorum divaricaretur, per quas *spiritus*, in trunco licet vel ramo majori ligatura interceptus, libere influere queat, atq; ideo nullam hic expectandam esse nervi intumentiam, inde concludunt: Vel, si haec etiam exceptio nullius momenti esse reputetur, unum tamen restitat subterfugium, *spiritus* nempe per eandem, qua ingressi sunt, viam regredi seu regurgitare posse, cum valvulis destituantur nervi, & quae sunt ejus generis fictiones plures, quas operosius confutare velle, inanis ferme labor foret.

§. XXVI.

Atque ex hisce argumentis cunctis, quorum plurima alia in medium produci facile possent, tandem colligimus: Demonstrationem realis spirituum animalium existentiae omnino impossibilem esse, eorundemque influxum per nervos in-

musculos, ad sensum pariter atque motum excitandum, non esse necessarium. Agnoverunt id jam dudum principiorum Mechanicorum sectatores famigeratisimi, ex quibus honoris gratia solum hac vice allegamus Bergerum, Profesorem artis medicae in Academia Wittebergensi longe celeberrimum, qui in Tractatu de natura humana Capite XXI. de secretione morisque succi nervosi ingenuie confitetur, nihil caussae esse, quamobrem res, quum nil opus fuerit, multiplicemus, & praeter lympham, cerebrum nervosque rigantem, spiritum aliquem animalem, vitalis, ut multi volunt, spiritus progeniem, communiscamur, atque ad explicandas sensuum & motionum operationes in partes vocemus: Cum spiritus sanguinis vitalis aut nihil, aut ipse sit sanguis, in vitali motu constitutus. Utque simul fontem patefaceret, ex quo ejusmodi praejudicium profluxit, quod universum pene Medicorum ordinem tot secula infatuavit, sapienter addit: Solere homines in explicandis rerum naturalium phaenomenis, cum caussae minus expeditae sunt, libentius ad principia ignota & intellectu ardua, quam sensibus obvia configere, parum vel nihil saepe reputantes artificiosam corporis constructionem, ex qua tamen pleraque, quas admirari solemus, operationes corporis proficiscuntur. Ast si genuinum verborum sensum rite expendamus, lusum tantum verborum in illis esse comperiemus. Displacet vocabulum *spiritus*, ejusque loco adoptatur aliud longe obscurius longeque generalius, quod Hoffmannus fluidum nerveum, spirituosam nempe & subtiliorem chyli, lymphae & sanguinis partem adpellitat; Noster vero, quem citavimus, Lympham, cerebrum nervosque rigantem disertis verbis vocare mavult. Unde liquet, diversis tantum vocabulis rem unam eandemque exprimi.

§. XXVII.

Ut vero huic etiam hydrae caput resecetur, nostras in partes iterum vocamus, quem antea laudavimus, Bidoum, qui, uti Exercitatione Anatomico-chirurgica prima de nervis solide demonstraverat; NULLOS DARI SPIRITUS ANIMALES: Ita nunc Exercitatione decima pari soliditate probat: NULLUM DARI LIQUIDUM NERVEUM, seu,

ut

ut alii nominare amant, LATICEM NERVORUM. **V**i
 & nervus quasi demonstrationis hic est: Supponit primò;
Nervum non esse tubulum, proindeque valvulis carere. Secundo;
Nervorum stamina non admittere interstitia, atque ita tubulos non
conficere: Atque ex hisce praemissis hanc tandem elicit
 conclusionem: *Nullum in nervis inveniri liquidum, vaporem ri-*
vificantem, seu, quod idem est, spiritum animalem. Q. E. D.
 Quam demonstrandi methodum omni modo justam es-
 se, inde patet, quod autopsia nitatur Anatomica: Ner-
 vorum enim substantia nunquam se aliter perlustandam
 ipsi exhibuit, quam forma indefinitorum, tensilium &
 fibrosorum filamentorum, per universum corpus di-
 stributorum, quorum latera, sine interstitiis (quae sane
 inania, secundum Auctores, spatia in viventium corpori-
 bus nusquam extant) contiguitate uniantur, membrana
 obvelentur & in fasciculos distinguantur; Seu, brevius
 universum negotium expediendo; Nervi nunquam ipsi
 aliter observati sunt, quam ceu *stamina solida*, nullibi tu-
 bulosa vel interstitiis saltem a se mutuo sejuncta, &
 quae proinde nullum liquidum, ne lymphaticum qui-
 dem, permeare queat, cum nullum unquam ab ipso de-
 tectum sit vas lymphaticum, nempe *intra*, sed semper
extra, circa & ad involucrorum superficiem ambitumque,
 multo minus in nervea substantia nervorumque *intra*
 fasciculos, in quorum staminibus, interve eorum latera
 valvulam quoque invenit nullam.

§. XXVIII.

Quae cum ita sint, *Nenterus* sane in Physiologiae sua
 Medicae Capite IV, membro IV, articulo I. Puncto II. *Bid-*
loum sinistre admodum intellectisse videtur, quando ei im-
 putare non veretur, quod, licet per nervorum tubulos, quos
 quippe inter figmenta refert, nullos ferri *spiritus animales*,
 recte probaverit: *Quoad fluiditatem nervi praesentiam &*
usum cum reliquis ejus defensoribus idem sentiat, quod
scil. sine fluido hoc nervi moveri nequeant. Admittit equidem

Bidous (jure ne an injuria, hac vice non disputamus) liquidum tenue, quod nervo tendineo laeso de vulnere stillitat; Illud tamen non nervis, sed in primis lymphaticis, deinde locis illis vindicat, quibus arteriarum extremitates forma macularum adparent, nutritiaque materia, in corporis augmentum, a sanguine separatur. Quam suam sententiam variis deinde argumentis *dissertatione prima de nervis* probat, uti sunt: Nervos multos, gravi vulnere laefos, ullo sine stillicidio liquidive effusione consolidari; Minimo quandoque de vulnere liquidi hujus vim loco manare, quo nulli nervi, oculo saltem detegendi, inveniuntur; Liquidum, quod ex periostio perichondrioque laesis stillitat, vel post cantharidum applicationem colligitur, non de nervis tendinibusque prodire, sed ex lymphae sanguinisque ductibus promanare, cum alias laesis imo abscisis nervis tendinibusque post femoris, pedis brachiique amputationem vis liquidi istius magna prorumpere deberet, ubi tamen nihil minus observatur, & quod hac occasione aliquando exoritur stillicidium, de arteriis verissime proveniat &c.

§. XXIX.

Quod vero, hisce omnibus non obstantibus, *Bidous* hoc liquidum tanti in nervorum usum momenti esse crediderit, ut eo destituti (nec tamen corpore laesi) officio preventur, imo nervum mediante motu liquidi, non per illum decurrentis, sed exterius tantum corpus suum concomitantis, moveri, eumque agitato hoc liquido de tono suo mutari, adseruerit, illud ipsum communi praejudicio, in quo cum reliqua *Physiologorum* turba adhuc dum haesit *Bidous*, tribuendum est, id sane non facturus, si nobiscum recte agnovisset, animam rationalem tanquam universale corporis sui organici principium movens adminiculo talis liquidi, ad nervos commovendum, minime indigere.

§. XXX.

Sed audienda quoque est altera pars. Proinde primus

mus eum in finem prodeat *Auctor Medicinae Systematicae*, qui certe integris duobus capitibus Tomo priore Parte III. Cap. I. & II. de secretione & usu fluidi hujus tenuissimi cerebri atque nervorum prolixius, quam ulla efflagitabat necesitas, egit. Optarem ego, existentiam ejus rite prius demonstratam esse; Sic enim, ut secretio & usus illius postea declararetur, tempestivitas nunquam defuisse. Quod nervi ex canalibus cavis constent, vel, ut alibi loqui amat, sint fasciculi canaliculorum, qui intus cavi liquidum vebant, id quidem adfirmare ipse non audet; Interea tamen, separari in cerebri cortice liquidum, idque per medullarum ferri substantiam, ingredi deinde in nervos, & per eos (nervos scilicet, cum alias nervea tantum stamina tenuissimum illud liquidum COMITARI adseruerit) ad musculos pro motu efficiendo ferri, nullibi demonstratum invenio. Quod enim in Scholio ad §. VIII. allegati primi capitis de tomentoso quasi habitu arteriolarum, imperscrutabili contextu corticem cerebri componentium, deinde de arteriosi crux ex pulmonibus egredientis parte subtiliori lymphae & chyli imbuti copia, validiori cordis vi ad cerebrum appulsa &c. adduxit, meras redolet principii petitiones: Illud enim erat, cuius demonstratio solida *Auctori* suo incumbebat, tomentosum illum habitum arteriolarum, corticalem cerebri substantiam imperscrutabili contextu perreptantium nullum aliud, quam liquidus nervi secretorum praestare usum; Et eundem quoque in finem arteriosi crux, ex pulmonibus egredientis & parte subtiliori lymphae & chyli imbuti copiam ad cerebrum appell. Quod denique experimentum Bellonianum spectat, minus illud liquidus per nervos transitum probare, superius jam evictum est.

§. XXX.

Idem argumentum probandum in se suscepit *Bergius*, sed rationibus aequi infirmis & ad valide concludendum inhabilibus: Nervorum enim, utut clausorum prorsus atque imperviorum, compressionem, ligaturam vel sectionem sensum motumque illarum partium, ad quas

pertinent, perire, tantum abest, ut *liquidi* iisdem inexistentis firmum praebeat documentum, ut nihil potius aliud inde concludere fas sit, quam sine nervorum administriculo nec sensum nec motum administrari in corpore rite posse. Quod cerebrum, spinalis medulla cum nervis inde prodeuntibus digitorum apices humiditate unctuosa quasi irroret atque perfundat, vel, prout *Malpighius* explicat, quod fectis nervorum extremis, ubi in ultimas solvuntur propagines, succus erumpat, id, si observatum sit, existentiae succi nervei minime patrocinatur, sed va-
fis lymphaticis vel arteriosis, nervorum stamina *extus* co-
mitantibus in acceptis referendum esse, jam paullo supe-
rius ex *Bidloo* adstruximus : Quod sic sese habere, tanto
facilius concedetur, quo certius agnoscitur, *nervum non esse*
unum eumque cavum canalem, sed ex pluribus distinctis & gracilibus
staminibus constare, quorum fibrillae ita sint angustae, ut
nulla in iisdem cavitas sensui, microscopio etiam adjuto,
occurrat : Unde minime omnium ego vitio cuidam ver-
terem, si in animalibus vivis vel recens mortuis succum,
ex incisis nervorum extremis stillitatem, ne fuga sibi
confuleret, charta bibula captare studeret.

§. XXXI.

Cunctas hasce difficultates de *fluidi nervorum existentia*,
motu atque officio optime quidem perspexit *Nenterus*, sed
communi nihilominus torrente abripi sese passus est; Id
quod eo magis mirandum, quo certius agnovit, ani-
mam rationalem sibi soli undique sufficere, ut sine mu-
tuatitio succi talis *nervi* subsidio omnes ac singulos actus
in corpore suo organico dispensare queat: Qua sola
fundamentali veritate agnita, vulgarium argumentorum
imbecillitatem perspicere facile potuisset. Et quam pa-
rum sibi constet *Nenterus*, ex eo aestimare haud difficul-
ter licet, quod, cum alibi sine *fluido nervo* nervos moveri
non posse concessisset, nunc contra idem illud in toto
sensationis ac motionis cujuscunq; actu mere passive sese
habe-

habere ultiro largiatur, cum anima sola sit, quae ope nervorum turgidorum sentiat ac moveat, & quidem pro lubitu; Quas adsertiones ut scopas dissolutas cohaerere, unicuique perspicere integrum est.

§. XXXII.

Postremo novitatem quidem spirat, vix tamen melioris indolis est sententia *Auctoris tentaminis de novo succi nervi motu*, quod Anno 1710. sub Praefidio DD. Martini Gotthofredi Loescheri, Respondente D. Samuele Christophero Ursino, Medicinae t. t. Candidato Wittebergae ventilatum est. Nulli equidem dubitamus, quin intima laetitia affectus fibique de *invento novo* (quod tamen revera *norum* non est, quippe a *Religioso* quodam S. Mauri inter otia vitae monasticae jam antea, alia licet ratione, exclusum) gratulatus fuerit, quem sane decuisset de *existentia succi nervi* rite demonstranda prius sollicitum esse, quam novum ejus motum investigare. Interea speculationi novae, qua orbis medicus sine detimento artis carere facile potuisset, ansam dedisse videtur phoenomenon, quod *sensus & motus in homine*, qui tamen ut *actiones diversissimae in uno eodemque nervo contingent, haud confunderentur, ac proinde influxus unius a cerebro in partes & unda alterius refluens a PARTIBUS versus cerebrum, se invicem non impedirent, nec inter se mutuo luctarentur*; Cujus proinde abstrusi & difficilis, ut ille existimat, phoenomeni rationem melius explicari non posse ratus est, quam si inaudita & nullo facile alio exemplo confirmanda licentia duplice eumque sibi ipsi contrarium *succi nervi*, seu *spirituum animalium* motum effingeret, ita quidem, ut *in extitandis motibus voluntariis ad nutum animae influxus spirituum sic dictorum a cerebro ad musculos consequeretur, in sensibus vero cibendis eorundem refluxus ab exterioribus corporis partibus ad meditulum cerebri contingent*. Cui figmento ut fucus aliquis adfricaretur, inter nervos pari libertate differentiam constituit, sibi aliisque persuadendo, quod eorum alii *tenuioribus, solidioribus & paucioribus fibris, sed compactius contortis sint con-*

texti, alii vero pluribus & crassioribus, attamen mollioribus fibrillis gaudentes laxius cohaereant: Quam tamen distinctionem genuini Anatomicorum filii penitus ignorant. Interea utrosq; quod tamen in quaestione erat, & Auctori demonstrandum incumbebat, liquido quodam continuo irrigari, nude adseruit, quod vel per tubulos eorum cylindraceos vel per poros, quos fibrae nervorum, ex quibus constant, inter se relinquerent, permearet, & influxu suo motum, refluxu vero sensum efficeret.

§. XXXIII.

Quod vero totius hujus negotii nervum concernit, in eo praecipue consistit, ut *realis liquidi hujus existentia solidis prius argumentis probetur*, quam affectiones ejus praepostere inquirantur: Id autem jejune admodum a *nostro* praefitum esse, exinde liquet, quod partim ad Praeceptoris sui auctoritatem, partim ad experimentum *Bellianum* toties coctum ac recoctum provocaverit, partim denique in universalis omnium consensu otiose conquieverit. Verum mittamus tamdiu novae hujus speculationis adcuratiorem trutinationem, donec dicendorum ordo ad istud *dubium* nos deduxerit. Id quod tanto minus deteriorem in partem speramus interpretaturum *Auctorem*, quo liberius ipsem *articulo tentaminis decimo* fassus est, *ancipitem se haerere, an ea, quae in praecedentibus de novo succi nervei motu adduxerat, pro veris habeat nec ne?* Verum piget otiosarum speculationum, vel, ne quid gravius dicam, ineptiarum! Quare verbulum *hac vice non addam*. Obstupuit interea calamus, de novo acuendus, si reliquae, quibus premitur fabula, difficultates pro merito sint perstringendae: Sic enim nos gerere oportet, ut jure ex foro Medico prescriptos & in perpetuum exilium missos esse *spiritus animales*, sponte fateantur omnes, qui obsoletae traditioni sine ratione haetenus sunt patrocinati.

Legasti Lemures, spectrum, phantasma medentum;
Fac, pari morbos felicitate, fuges.

Ita Clariss. Dn. Doctorando adplaudit
PRAESES.


**DISQUISITIONUM
PHYSIOLOGICO - PATHOLOGICARUM**
ALTERA
fistens

FABULAS MEDICORUM

*Quas
de*

**SPIRITUUM ANIMA-
LIUM**

**Indole, Natura, proprietatibus & functionibus
in Scholis suis hactenus recitarunt,**



§ (37.) §
DISQVISITIONUM
PHYSIOLOGICO-PATHOLOGICARUM
ALTERA
exhibens
FABULAS MEDICORUM
Quas de
SPIRITUM ANIMALIUM

*Indole, Natura, affectionibus & effectibus in corpore
humano hactenus enarrarunt.*

§. I.



Xcusimus ex manibus medicorum ingens idolum, cui irrationalia hactenus sacra fecerunt ; Praecedenti enim *Dissertatione* argumentis tam privativis quam positivis ostensum est : NULLOS DARI SPIRITUS ANIMALES, nec, quod in illorum locum substitui a nonnullis solet, FLUIDUM NERVEUM. Possemus itaque in hisce omnino acquiescere, cum supervacuum videri utique poscit, in rei non existentis qualitates inquirere, & juxta tritum, *non entis nullae sint affectiones* : Veruntamen ne quicquam habeant, quod amplius ogganniant *Spirituum Patroni*, excutiemus reliqua non minoris momenti dubia, quorum §. IV. & V. praecedentis dissertationis mentio facta est.

§. II.

Ne vero in limine statim impingamus, & a recepta Scholarum methodo temere recedamus, ab *etymologia* auspiciabimur. Non ignoramus equidem, argumentis ejus generis, quae a *rerum denominationibus* petita sunt, parum roboris

boris inesse: Nihilominus tamen vitio nequaquam nobis verti posse existimamus, si de re ipsa *dubitandi* ansam inde arripiamus, quod *Physiologi*, si qua ulla in re, certe in hac maxime discordes, corpusculis subtilissimis atque mobilissimis, quae per nervos continuo alveo defluere fabulantur, quaeque *functionum animalium*, *sensuum* nempe atque *motuum* auctores constituunt, tam absurdā & ab ipsius *reī* natura nimium aliena nomina tribuant. *Hippocrati* nolenti volenti adfingitur, quod partium *impetum facientium* adpellationē subtilem istam nervorum auram, qua recentiores praefigurare illam solent, expreſſerit. *Galenus*, mirus ille terminorum inutilium artifex, *primus* vocabulum *Spiritus*, ejusque diversas species in theoriam medicam introduxisse videtur: Quam deinde speculationem mirabili adplausu exceperunt, & discipulis suis communica-
runt, qui placita *Galeni nata rōda* secuti sunt. Nec ipſe quoque *Cartesius*, qui tamen universum Philosophiae sy-
stema reformasse quibusdam ejus admiratoribus visus, *Galenicum* hoc commentum explodere ausus est, sed pas-
sim in *tractatu de passionibus animae* ad varias *spirituum anima-
lium* agitationes & motus, modo aequales modo inaequa-
les, provocat, imo ipsa quoque animae pathemata produci,
conservari & corroborari per aliquem motum *spirituum* adſeverare nullus dubitavit. Piget allegare reliquias monſtrosas de-
nominationes, a quibus illi ipſi quoque, qui *principia phy-
sico-mechanica* ſectantur, abhorrent, cujusmodi ſunt, quan-
do *spiritus vitalis*, proxima *animalis* materia, lampas vel
flammula lucida & luminosa, ab aliis architectus cor-
poris, ab *Helmontio* *Archaeus*, a *Bartholino* *spiritus vivificus*,
a *Theophrasto* principium vitale & a *Chymicis* balfamum natu-
rae vel sulphur vitae &c. vocatur. Quapropter recen-
tissimi scriptores, absurdarum denominationum pertaesí,
ſimpliciter *fluidi nervei*, vel *succi* seu *laticis nervosi*, vel ſaltem
fluidi tenuiſſimi cerebri atque *nervorum*, aliisque conſimilibus
vocabulis exprimere hodie id confuerunt, quod univer-
fa

sa Galenicorum Schola aequivoce spirituum voce indigitavit.

§. III.

Tantus certe *Physiologorum* dissensus, quem ne in ipso quidem nomine imponendo, nedum in essentia rei definienda, disimulare potuerunt, dubitationem omni modo rationalem nostro in animo excitavit, quod idolum, cui tamen genua continuo flectunt, & quod in explicandis *oeconomiae animalis* functionibus superstitiose semper invocant, parum admodum illis innotuerit; Ac proinde eadem fide nitantur, quae communi omnium ore de mirabilibus *spirituum* effectibus circumferuntur.

§. IV.

Etiam si autem tolerari quomodounque posset dissensus *Auctorum* circa imponenda nomina; Id tamen ferri nullo modo potest, quod rei, quam exprimere debent, plane non convenient. *Hippocratis* sane invita prorsus minerva tribuitur, quod partium *impetum facientium* nomenclatura *spiritus animales* intellexerit; Qui enim hypothesi patrocinantur, ut plurimum influxum seu *motum spirituum animalium* per nervos in statu *oeconomiae animalis* ordinario sive secundum naturam sese habente sublenis, blandae atque aequabilis undulationis specie praefigurare solent, quae cum omnis *impetus*, omnis violentiae, ullo sensu perceptibilis expers sit, haud adparet, quomodo *impetus facientis* partis titulo insigniri queat, quod placida tali undulatione per nervos fertur. Mallem itaque hoc *impetum facientis* partis nomine intelligere *flatum*, qui quippe alicubi interceptus atque conclusus violentas suscitat partium, in primis membranacearum, expansiones, post mortem subinde residuas, sicuti, quos colica flatulenta extinxit, exemplis suis commonstrant. Idque ex libro *Hippocratis de flatibus* evincere haud difficulter possem, nisi extra oleas me evagaturum, metuendum foret.

§. V.

*Galen*o uti parum profecto gratiae debemus, quod

aequivocum *spiritus* vocabulum in theoriam medicam invexerit; Ita non minus graviter dolemus, quod architectus quoque fuerit variarum facultatum, quas citra omnem necessitatem & utilitatem in infinitum quasi multiplicavit, quo figmento supersedere pariter potuisset, si antiquam eamque orthodoxam *Aristotelis* ejusque sequacium, *Peripateticorum* doctrinam de potestate universalis *animae rationalis* in corpus suum organicum incorruptam servasset. Hac enim rite agnita, non est opus ejusmodi *corpo intermedio*, tali nempe, quod mediae velut naturae sit inter animam & corpus, hoc est, sua quidem materialitate non omnino destitutum, interea tamen ad animae indolem subtilitate sua proprius accedit, ut primos ab ea impulsus suscipere, eosque deinde pro arbitrio animae in universo corpore dispensare valeat. Et si quam maxime subtilia talia atque versatilia corpuscula in corpore humano existarent, incongruum tamen foret vocabulum *spiritus*, quod quippe propter varios, quos & in medicina & in aliis disciplinis habet, significatus, varias tantum confusiones pareret.

§. VI.

Aequa incongrua est denominatio generalis *fluidi* seu *liquidi* nervei; Non desunt enim inter ipsos quoque *spirituum animalium* propugnatores, qui *nervorum liquido* suam, ut sic loquar, succulentiam dubiam reddunt; Quos inter ipse quoque *Bohnius* suum profiteri nomen non erubescit, quicquid etiam in contrarium proferatur ab aliis, quibus, si fatendum, quod res est, dura incubuit necessitas, succulentiam talem adfingendi liquido nervorum, quia alias rationem reddere non potuissent, quare *spiritus* usque adeo tenues, mobiles atque versatiles, sicuti vulgo praefigurantur, per habitum cutis porosum non libere avolarent vel fuga sibi consulerent? Itaque talis succulentia vindicanda illis erat, ut quodammodo irretiti refraenari ac detineri possent, ne, qua data porta, excedere, evadere,

dere, erumpere tam facile possent. Ponamus autem, si ferio agere placeat, succulentia tali pollere *liquidum nervorum*, seu, quod idem est, *spiritus animales*; Dubium tamen atque perplexum manet, unde proveniat, quod nervi ligati supra ligaturam non intumescant vel praescissi nullam humiditatem stillent? Non ignoramus quidem, utramque hanc difficultatem praeter *Willisium* declinare sategisse *Glissonium*, *Charletonium*, *Cole* aliosque; Non minus tamen constat, illos vanis tantum subterfugiis usos, ad adlata experimenta clarissima respondere non potuisse. Imo licet, quod nonnulli perhibent, verum esse concedatur, post ligaturam nervi aliqualem ejus intumescientiam, post dissectionem vero humoris stillicidium vel saltem madorem aliquem observatum esse: Ostensum tamen est superius, non ex nervorum extremis stillitasse liquidum illud, sed ex vasculis lymphaticis, nervis exterius accumbentibus provenisse.

§. VII.

Verum haec qualescunque difficultates concernunt tantum nomina, quae rei, quam exprimere debent, minus sunt adaequata: Longe plura occurunt dubia, quin manifestae contradictiones circa ipsam *spirituum animalium* indolem, naturam atque essentiam determinandam, ubi ingens sententiarum varietas sese offert, quarum altera ab altera semper alienior est; Ut hic profecto, si qua ulla in re, quid ratio speculans valeat, quaequeq; opinionum monstrata excludere posfit, sibi in primi relictâ, velut in speculo cernere liceat. Neque vero ipsi *spirituum* adsertores obscuritatem, cui doctrina haec adhuc immersa sit, dissimularunt, cum non modo propter summam sui subtilitatem *sensoria nostra* fugiant, sed &, si ex effectibus eorundem formalitatem determinare attentemus, vix aliquid in rerum natura occurrat, quod illam per omnia aemuletur. Id quod ex paucis, quae nunc subjiciemus, speciminibus liquido adparebit. Galenus, primus fabulae conditor primusque vocabuli *spiritus* ar-

chitectus, modo ex sanguine attenuato seu aëriam in tenuitatem resoluto, modo quodammodo ex *spiritu vitali* perfectius concocto *spiritū animalem* constare dixit, *vitalemq; & esse & dici*, qui in arteriis contineretur, *animalem* vero, qui in cerebro: Qualiscunq; vero hujus fuerit substantia, id saltem certum esse ratus, non essentiam animae illum constituere, sed proximum tantum ejus organon sive instrumentum esse. Sicuti vero *vitalis* & in arteriis & in corde gigneretur, materia generationis ex inspiratione & humorum exhalatione sumpta; Ita *animalis* ex *vitali* perfectius tantum elaborato oriaretur, quem quippe exquisitissimam omnium immutationem adipisci oporteret. *Altuarius*, medicus clarissimus de *actionibus & affectibus spiritus animalis* hujusque *nutritione* integris quidem duobus libris differuit, verum, quid eo nomine proprie intelligeret, nuspam specialiter definivit, nisi quod multo infra *vitalis spiritus* caliditatem subsistere, eoque ipso & sicciorum & frigidiorum adparere, maxime vero in cerebro perfici ac per nervos transmitti eundem, ad sensum & motum in corpore excitandum, terminis admodum generalibus eunciaverit. Neque meliores expectare licet conceptus ab iis, qui longa annorum serie *Galeni* vestigiis inhaeserunt; Quorum proinde sententias prolixius recensere, merito supersedemus.

§. VIII.

Recentiorum plerique majori adhuc licentia suo indulserunt genio, nihilque propemodum tam absurdum cogitari potest, quod non unus vel alter illorum adseruerit. Sunt, qui cum *Willisio spiritus animales*, vel, ut alii loqui amant, *liquidum nerveum* radiorum lucis vel ignis vel flammae instar, cerebrum nervosque quasi irradiare & collustrare, vel aetheris auraeque tenuissimae in modum fese habere contenderunt; Quos omnes & lucis & ignis & aetheris naturam profunde oportuit ignorasse, cum alias comprehendere facile potuerint, ejusmodi tenuissimam

mam aetherio - aëriam vel igneam vel luminosam materiam crasvis nervorum repagulis vix sese coërceri passum fuisse. Neque vero melius cum *Borello*, *Pascalio* aliisque rationes suas subduxisse mihi videntur, qui idem *nervorum fluidum spiritibus Chymicorum urinosis vel acidis vel sulphureis vel salino - volatilibus oleosis comparare non erubuerunt*, ridicule sibi persuadentes, caput vel cerebrum hominis instar alembici sese habere, quod eodem ferme ritu *spiritus corde exhalantes exciperet*, sicuti in destillationibus Chymicorum spiritus ex cucurbita in alembicum sublimando & evaporando adscendere observamus; Quod, utut primo statim intuitu absurdum fit, a *Caesalpino* tamen adsertum est. *Mayowius*, qui in atmosphaera aëris spiritum quendam nitro-aërium suspicatur imo forte subodoratus est, ad eandem quoque indolem nitro-aëriam, respirando haustam, ac deinde una cum sanguine ad cerebrum delatam, componit *spiritus animales*: Cum vero nullibi a *Mayowio* spiritus talis existentia probata legatur, frustra inde ad consimilem *spirituum animalium* essentiam concluditur. Interea ab hac *Mayowii* speculatione non multum aliena est *Cartesianorum* opinio, qui *spirituum animalium* substantiam, summe quippe subtilem ac mobilem, contendunt esse portionem aëris & globulos quidem coelestes seu materiam secundi elementi, respirando sanguini commixtam, deinde vero in cerebro secretam, tandem per universum nervorum sistema diffusam lenique atque aequabili quadam undulatione vel automatice distributam, vel voluntarie ab anima impulsam, aut etiam ab objectis externis varia ratione concitatam: At vero, quod fictioni manifestae, ipso *Cartesio* id non diffidente, superstructum, id ipsum quoque fictitum sit oportet. Unde ipse quoque conceptus, quem de *spirituum talium* natura formavit sibi *Cartesius*, valde jejunus est, quando in corpusculis talibus nullam aliam requisivit proprietatem, nisi quod sint subtilissima, celerrimeque initar

instar partium flammae, ex face exeuntis, mota; Quem totidem propemodum verbis repetiit *Steno*, quando dictos *spiritus* vaporis instar tenuissimi, ex liquore rarefacto adscendentis, sese habere vel flammae purissimae formam ac modum referre opinatus est.

§. IX.

Atque plerarumque harum speculationum vanitatem ingeniose quidem agnovit & satis quoque feliciter confutavit *Bohnius*: Interea tamen in locum destructarum meliorem sententiam non substituit: Cum enim *Spiritus animales* contendit esse substantiam summe mobilem, vel actu potius in motu existentem, tenuissimam & propter summam sui subtilitatem insensilem, adeoque maxime activam & secundum Anaxagoram aetheriae materiae aemulam, i.e. ex particulis sphaericis, respiratione sanguini commixtis ex eoque cerebro communicatis, congestam, quaeque ordinarie (in statu secundum naturam) leni & aequabili quadam undulatione per genus nervosum & partes fibrosas cunctas ferretur, nihilominus insuper aut a voluntate seu appetitu aut ab objectis externis concitata veloci admodum impetu hinc inde moveretur &c. Quis non videt, *Cartesianas* fictiones totam spirare eandem? *Bergero* hoc unum omnium vero maxime consentaneum esse videtur, illud, quod cerebrum nervosque rigat, liquidum, non nisi subactiorem & defaecationem lymphae partem esse, ex corde per arterias traductam, argumento ex ipsa plane Anatome, imo oculari propria inspectione deducto, ex qua quippe constare putat, nervum, spinalem medullam, ipsam quoque cerebri substantiam incisam ubique digitorum apices humiditate quadam irrorare ac perfundere: Quae *Bergeri* sententia Hoffmanno displicuisse non omnino videtur, qui materiam fluidi, quod in cerebro separatur, spirituosam & subtiliorem chyli, Lymphae & sanguinis partem quidem esse concedit; Nihilominus tamen duplcem in illo comminiscitur substantiam, alteram omnium tenuissimam, ad motum celerrimum & varium recipiendum atque propagandum aptam, alteram vero crassorem, quae magis humida atque

atque illius vehiculum sit; Petito insuper simili, ne quis fabulae color deesset, a spirituum mineralium destillatione, quorum quippe in praeparatione receptaculis parum aquae inderetur, quo vapores tortura ignis ex iis expressi commodius in ea recipi & custodiri possint; Et consimili plane modo tenuissimum ac spirituosum cerebri fluidum a lymphatico humore detineri opinatur: Ubi id tantum vereor, ne crassior, lymphatica portio spirituosam ligando nimium ac vinculis quasi detinendo impedit, ne nictu oculi citius motum celerrimū recipere & undiq; propagare queat. Eandem interim sententiam iisdem propemodum circumstantiis jam ante Hoffmannum defendit Willius atque Vieussensius; Ille namque spiritibus animalibus succum nervosum pro vehiculo & quasi retinaculo partium valde subtilium tribuit, qui fluiditate sua illos per totum genus nervosum diffundat, sua vero viscositate eosdem, ne protinus exhalent, in serie velut continua conservet: Hic vero totum cerebrini nervorumque fluidum disertis verbis succum lymphaticum appellat, ex duabus partibus congestum, subtiliore nempe & crassiore, quarum illa spiritum animalem constituat, haec vero, mitissimi roris instar, per universam cerebri ac systematis nervosi substantiam nutritio-*nis gratia* diffundatur. *Nutritionis*, inquam, *gratia*; Qua in primis circumstantia haec Vieussensii sententia ab Hoffmanniana differt, quae quippe materiam quidem fluidi, quod in cerebro separatur, subtiliorem chyli, lymphae ac sanguinis partem esse ultro largitur, succi vero nutritii indolem prae se ferre non modo diffitetur, sed & aperte negat.

§. X.

Quo in argumento dum adhuc versor, non vulgariter subit mirari, Nenterum, qui utramq; theoriam medicam, *Physiologicam* simul atq; *Pathologicā* tam feliciter reformaverat, explosa fabulosa de *spiritibus doctrina*, *succo tamen nerveo*, aeque licet fabuloso, nunciū mittere non tantum ausum non fuisse, sed & *Anglorum* quorundam errorem diu confutatum reconxisse, atque cum illis *succum nerveum ex lymphā laudabili*

atq; nutritia constare, sustinuisse, nullo qui tamen alio ad illud adferendū ratiocinio compulsus, quam hoc: Nimisrum in universa massa sanguinea tria tantum partū constitutivarum genera reperiri, sanguinem scilicet stricte sic dictum, lympham atque serum excrementitium, ex quibus omnibus ad fluidi nervi materialm componendam nulla, praeter lymphaticam, aptior sit; Unde in promptu fuit conclusio; *Succum nutritum pertransire nervos*: Id quod tamen secus se habere, jam dudum ab aliis partim ostensum est, partim inferius a nobis ostendetur, si id operaे valere pretium judicaverimus. *Boerhaavenius*, cuius alias *Institutionibus* debitum suum honorem relinquimus, *spiritus nervosos* seu partes, *fluidum nervorum* componentes, opinatus est solidissimas, tenuissimas, mobilissimas, simplicissimas, fluidissimasque omnium corporis humani humorum, imo partes ejus longe minores esse concipiendas, quam putari vulgo solet, quippe quae nec salibus cujuscunq; tenuitatis nec spiritibus vegetabilium fermentando paratis comparandae, sed aquae forte subtilissimae magis convenientes, utpote quae miscibilitate, mobilitate, soliditate, blanditie, simplicitate, absentia elasticitatis, quam tamen tanquam essentiale ac princeps attributum in *spiritibus animalibus* absolute & necessario nonnulli requirunt, haud dissimilis fit. Verum cuncta haec attributa, larga satis manu *fluido nervo* concessa, partim nimis generalia sunt, partim vero officiis, quibus consecratum est, contraria, sicuti demonstratu haud difficile foret, si argumento huic diutius immorari vellemus.

§. XI.

Ex hisce vero adsertionibus cunctis, quarum altera ab altera semper alienior simul atq; incertior est. quisquis veram atque genuinam *spirituum animalium* ita dictorum vel ipsius quoque *fluidi nervi* naturam intelleixerit, is mihi profecto magnus erit *Apollo*. Si tamen ex *Mechanicorum* mente rudit eandem adumbrare liceat, ita quidem, ut nihil eorum, quae

quae ad universum *spirituum* Systema rite formandum requiruntur, omittatur, talis eorundem esse posset definitio seu potius descriptio: *Spiritus animales* nihil sunt aliud, quam corpora tenuissima, fluidissima atque celerrime mota, ex subtiliore & spirituosa chyli, lymphae ac sanguinis, per arterias carotides & cervicales internas ad cerebrum adlati, parte constantia, quae deinde in corticali cerebri substantia, tanquam genuino secretorio separata & per medullarem cerebri partem transmissa inque medulla oblongata, quae nervorum radix est, collecta tandem per nervea stamina eorumq; poros & canaliculos ad organa sensuum imo singulas corporis partes five ab *anima pro arbitrio* ablegantur, five *automatice* mediante durae matris tono ac motu systaltico impulsa influunt, ad sensum, motum imo & nutritionem praestandam ac perficiendam, tandemque, ne insensibiliter evaporando, corpus derelinquent, idque iners, & trunci instar immobile redderent, sanguini ac lymphae reaffusa, ut iisdem, quibus antea, usibus denuo subserviant. Verum cum tota haec *spirituum* descriptio tot ferme *principii petitionibus* nitatur, quot verbis constat: Consultum judicamus, singula ejus membra ad rationis pariter atque experientiae cynosuram exigere, dubiaque, quae magno numero nobis subministravit, libere exponere, ut lepida, quam variis verborum pigmentis & ornatu in Scholis hucusque condecorarunt Doctores, fabella in omni sua nuditate sistatur.

§. XII.

Molestum primum stridorem nostris in auribus excitavit distinctio *spirituum* in totidem tribus seu familias: *Galenus* erim solo *animali* non contentus, *vitalem* quoque & *naturalem* effinxit. Universum systema, prout ex scriptis ejus a me excerptum est, sic se habet: Generatim *spiritum* distinxit in *nativum*, *innatum* seu *congenitum* & *influum*. De illo adseruit *Galenus*, non constituere quidem ipsius animae substantiam, sed tamen primum ejus organon esse; Quo

vero modo *spiritus* iste, non obstante, quod arteriae sanguine plenae sint, a corde in totum corpus feratur, sic determinat: Non ferri nempe, sed trahi *spiritus* in arterias, nec a corde solo, sed undequaque; Quam sententiam ante *Herophilum*, jam *Praxagorae*, *Philotimo*, *Diocli*, *Plistonico*, *Hippocrati* & sexcentis aliis placuisse memorat: Vim tamen, quae arterias extendit, a corde ceu fonte quodam manare, longeque magis investigatorem naturae decere contendit, sic opinari, quam putare, *spiritum* per arterias ceu lapideos canales ferri. Hujus porro innati *spiritus* duplum comminiscitur speciem, alium nempe *animalem*, alterum *naturalem* vocando; Ita quidem, ut *animalis*, quem effato *Galeni* optimum & purissimum esse convenit, *vitalis* sit soboles & in plexu cerebri retiformi generetur, ibidemque quam plurimus contineatur, cum per eam partem anima ratiocinatrix in cerebro habitans operetur seu ratiocinetur. Cumque *spiritus animalis* in ventriculis cerebri anterioribus hospitans, motu voluntario consumptus, nutrimento indigere videatur *Galeo*, cum *Hippocrate* ex aëre una cum respiratione per nares hausto, potissimam alimenti partem eidem accedere existimat. Quoad vitalem *spiritum*, ea est *Galeni* sententia, tamdiu & esse & dici *vitalem*, quamdiu in arteriis continetur, eumque & in arteriis & in corde gigni, materia generationis partim ex inspiratione partim ex humorum exhalatione hausta. De *naturalis* denique *spiritus existentia*, proprietatibus, viribus ac potestate quid sentiat *Galenus*, ideo difficile est determinare, quod ipse met naturam ejus videatur ignorasse; Id quod ex vago ejus discursu, qui in libro XII. methodi medendi occurrit, haud obscure colligere licet, ubi clare fese ostendisse gloriatur. *spiritus animalis* cerebrum veluti fontem esse, qui partim ex inspirando, partim ex eo, quod *reticularis plexus* suppeditat, irrigetur atque alatur; *Vitalis spiritus* non aequa evidenter esse demonstrationem, sed tamen in corde & arteriis eum contineri, alienum a ratione non esse, si quis existimet,

met, eundemque nutritum maxime quidem ex inspirando, sed tamen & ex sanguine : Quod si vero *naturalis* aliquis *spiritus* detur, utique eum in jecinore & venis contineri oportere, *Galeni* sententia est.

§. XIII.

In hoc *Galenico spirituum* systemate integrorum seculorum decursu nihil ferme innovarunt vel reformarunt pertinaces ejus sectatores, sed eandem ferme, quam *Galenus* praecinerat, cantilenam cecinere. Liceat adserti hujus veritatem ex *Sennerto* confirmare. Eadem illi *spirituum* divisio, quae *Galeno* probatur : Ad hujus enim mentem distinguit ille *spiritum in nativum & influum*. *Illum*, qui partibus quasi infixus sit easque nunquam deserat, cum *calido innato* veterum eundem esse, aut certe ad ejus essentiam pertinere, audacter adseverat, fretus enunciato *Galeni*, qui libro II. de medicam. simpl. facultatibus disertis verbis scribit : *Calorem innatum esse, quem in quoque animali nativum spiritum nominamus*. Nihilominus hunc *spiritum nativum a naturali* vult esse distinctum, qui quippe rectius *influentibus*, in hepate generatis, & hinc per reliquum corpus distributis accenseri mereatur. Cum enim *nativus* ille *spiritus* seu *calidum innatum* ad actiones omnes perficiendas vix sufficere videatur *Galeni* sectatoribus ; Hinc *calidum* aliquod *influens*, seu *spiritus influentes* eidem associare coacti sunt, quorum ea sit indoles, ut a partibus principibus in reliquas omnes continentis influant : Ad quem censem alii *vitalem tantum*, alii *vitalem & animalem*, & alii denique *vitalem, animalem ac naturalem* reducunt ; Quos tamen omnes, licet prima eorum materia halituosa & subtilior tantum sanguinis pars sit, non unius ejusdemque speciei, sed diversae esse oporteat, cum diversam in diversis membris formam accipient, & ad diversos quoq; usus comparati sint. Plura ex *Galenicorum* scriptis testimonia allegare non est opus, cum in re ipsa pleriq; convenient, solo tantum *spirituum* numero discrepantes, quorum quippe cohortibus antea enarratis nonnulli *genitalem* adhuc addere solent.

Sicuti autem veteres ipsimet, *spiritus infitos* seu *calidum nativum* rem obscuram esse, conquesti sunt, adeo ut *Johannes Baptista Montanus* ingenue fassus fuerit, se vix senem tandem intellexisse, quid esset calor innatus? Imo ne tunc quidem, multorum aliorum judicio, *calidi* hujus *nativi* naturam integre cognoverit: Ita recentioribus in primis, obser vantibus, entia toties citra ullam solidam sive utilitatem sive necessitatem multiplicari, curae cordique fuit, ut antiquorum phantasmata & commenta de totidem distinctis quasi *tribubus spirituum* foro medico exterminarent, cum *vitalis*, si quis detur, sit vel in *statu confusione* cum sanguine, vel reipsa nihil aliud, quam sanguis in motu vitali constitutus, *naturalis* vero omnem suam, qua quondam eminebat, dignitatem amiserit, ex quo munus sanguificandi hepati disputatum est, ac *genitalis* denique vel sit *non ens*, vel subtilior saltem atque halituosa seminis portio, ab eodem realiter non distinctus, ac proinde ad peculiarem *spirituum* classem minime reducendus. Utinam vero eadem animi praesentia & fortitudine explosi quoque fuissent *spiritus animales*, quibus principium agens aequem parum in actibus suis *animalibus*, ac reliquis in *naturalibus*, *vitalibus* & *genitalibus* indiget! Interim *animalibus* istis *spiritibus* pro ea, quam in exterminandis reliquis sibi arrogarunt, libertate, bellum indicere ausi non sunt, sine dubio nullam aliam ob rationem, quam ut *Palladium* aliquod seu *asylum ignorantiae* retinerent, ad quod recurri tuto posset, si difficiliora & abstrusiora quaedam phaenomena, in oeconomia animali occurrentia, solvenda essent, quae adsumpto alio agendi principio tam facile, ut falso sibi persuadent, sese explicari non paterentur.

Lepidae sunt, fateor, quas de *familiis spirituum* hucusque enarrarunt, visiones; At longe lepidiores sunt narratiunculae de proprietatibus, quae *spiritibus* passim ab eo runderem

etundem fautoribus vindicari solent : Ut Catone ipso austriorem esse oporteat, qui hic risum continere valeat. Ingenue tamen fateor, praeter Würdigium, qui integrum spirituum systema eidemque superstructam medicinam concinnavit, neminem ullum tam vehementer insanivisse, cuius proinde deliramenta in his fere consistunt, quod non modo subtilitatem, tenuitatem, simplicitatem, puritatem, mobilitatem, levitatem ac perniciatem in motu (qualia quippe attributa etiam ab aliis adscribuntur spiritibus) sed plane vitam seu vividitatem, vigorem, sensationem, vim generandi ac sese in infinitum multiplicandi, ideas creandi, penetrabilitatem, claritatem, serenitatem & luminositatem, quin irradiationem & illuminationem, influxum, extensionem, robur, imo circulationem, humiditatem, dulcedinem & ne scio quae alia spiritibus adscribat, quae partim absurdarum, partim contradictoria esse, nemini non manifestum est.

§. XVI.

Neque in hisce substitut Sebastianus Würdigius, sed, cum pro ipsorum temperamentorum diversitate diversos etiam mores & inclinationes animae observaret, laxatis phantasiae fraenis, eo absurditatis progressus est, ut in temperamento cholericō *spiritus leoninos*, in melancholico *mericulosos & leporinos*, in phlegmatico puro *stupidos & asininos* somniaret. A quibus Würdigii phantasmibus non multum aliena sunt, quae providentiam, scientiam, prudentiam aliaque mentis attributa spiritibus attribuunt; Imo quidam horum speculatorum a variis pathematibus seu affectibus non plane immunes esse spiritus contendunt, sed modo *gaudii*, modo *moeroris*, modo *amoris*, modo *aversionis & indignationis*, quin *furoris*, *terroris* aliarumque passionum participes esse, defendere non erubescunt; Quod enim, sicuti Bergerus sua in *Physiologia* loqui amat, nunc praevidentes mala, & attendentes periculum ingravescens, expavescant fugamque moliantur & recurrent, nunc parti laboranti subsidio veniant, aut si quid mali inopinato ingruat, represso gradu, subsistant primum & pugnam experiantur, mox autem, inclinata acie, semianimes trepidant & vel motu praecipiunt ad cor aus

cerebrum fugiant, vel desperabundi nullo ordine huc illuc currant & divergentur vel amato profligatoque hoste, gratulabundi ad cor accedant, vel gaudio praegestanti nimioque concitati, ultra ambitum corporis fervantur, aliquando etiam in indignationem furoremque rapiantur, atque ita se gerant in corpore, ac si valerent intelligentia & consulto operarentur &c. Id sane nihil aliud est, quam attributa animae rationalis, quae spiritualis, incorporeae & immaterialis est indolis, vindicare rei corporeae, materiali & extensae, quod tamen ingens piaculum esse & crimen non facile condonandum, speculatores illis exprobrare solent, qui universalem animae rationalis potestatem in omnes ac singulas corporis sui organici partes defendunt. Proinde recte concludit tandem praelaudatus Bergerus, hos, & quicquid est spirituum, insitorum influentiumque, in hominum quorundam cerebris educatorum, incorruptae medicinae finibus exterminari oportere; Praesertim cum ea fabula multas opiniones, cum errore conjunctas, non in scientiam tantum naturalem, sed & in pathologiam ipsamq; medendi rationem introduxerit.

§. XVII.

Si autem mendacem semper memorem esse oportet, miror ego vehementer, quod, tam ridiculas proprietates adscribendo spiritibus, non fuerint recordati, quod sub corporum insensilium scheme repraesentare illos soleant. Jam vero nullus propemodum sensuum externorum est, quem pro circumstantiarum ratione ferire & adficere non credantur. Existimare aliquis posset, quid visus commercii alat cum spiritibus animalibus, cuius quippe objecta sunt corpora luminosa atque colorata? Et nihilominus Würdigius, & ad illius exemplum Miscellanea N. C. Dec. II. An. IV. Obs. X. spiritus in lucidos atque tenebricosos distinxerunt, indeque melancholiae causam deduxerunt. Secundum hanc enim theoriam creditur, ex sanguine melancholicorum nigro tenebricosos, impuros & crassos generari spiritus; Animam, quamdiu suo in corpore hospitatur, claris ac lucidis uti

spiri-

spiritibus, qui, si obscuri, tenebricosi ac nigricantes ex ejusdem indolis sanguine secernantur, obscuram quoque lignant ratiocinationem; Ex quo fundamento derivatur quoque ratio, quare melancholici tenebras ament, solitudines & latebras quaerant, consortia hominum fugiant &c. Ne vero deficeret fucus, quo phantasmata colorari quomodocunque possent, simili quodam illustrantur: Quemadmodum enim, argumentante sic observatore, atramentum, dum coquitur, nigrum effumat halitum: Ita sanguinem quoque crassum, nigricantem, in primis ferventem, crassos quoque, nigricantes & obscuros exhalare spiritus, existimat. Et parum profecto abest, quin corpus melancholicorum *ampullae acetariae* instar sese habere deliret, ubi liquor sensim adfusus in acetum tandem degenerat. Id vero, si non est contradicere, ego sane, quid sit contradicere, ignoro.

§. XVIII.

Aequo parum commercii *spiritibus animalibus* cum sensu *gustus* intercedere videtur; Quo tamen non obstante, *Würdigius* iisdem *dulcedinem & acrimoniam* vindicavit: *Illos, nempe dulces, fortassis etiam mites, benignos, domesticos vel mansuetos;* *Hos vero sylvestres ac furibundos appellitare liceret.* *Illis tribuitur, quod placido atque moderato suo decursu per nervos lati, in statu oeconomiae animalis fano, ordinario atque naturali universum actuum systema regant ac dirigant:* *His vero, quod acrimonia sua nervos morsicando, irritando ac stimulando, spiritus in cerebro commorantes in furibundum quoque motum concident, naturam eorundem mitem atque benignam in sylvestrem convertant, ut, equorum indomitorum & rabie actorum instar, omne animae imperium respuant, & anomalo atque impetuoso motu hinc inde lati, universam prope oeconomiam animalem atque vitalem susque de que vertant.* *Postremo, ne praerogativa sua penitus excidat sensus tactus, unica adhuc spirituum distinctio desidera-*

ri posset, qua nempe in *hirsutos & glabros* dispescantur; *Ilos* forte *satyros* sive *daemunculos*; *Hos* vero *nymphas* salutare liceret: Neque vero tanta, ut prima fronte videbitur, παραδοξία laborare distinctionem, putandum est, cum hodieque non sit insolitum, *sexus* quoque discri-
men in *spiritibus* constituere; Qui enim in superlativo gradu Philosophi audire cupiunt, in familia *spirituum ma- sculos* pariter atque *foemellas* effingunt, imo, cum fando per- ceperint, lascivientem naturam dubium quandoque se-
xum efformare, justus est metus, ne tandem *hermaphroditos* quoque in eandem introducant. Sed piget naeniarum! Atque adeo ad perpendendum *secretionis organon* deprope- randum mihi est.

§. XIX.

Quicquid vero hic proferunt *spirituum* defensores, meris partim conjecturis nititur, partim manifestas prin- cippii petitiones redolet; Ut taceam, sententiarum divor- tia, in quas hic iterum abeunt communis hypotheseos fautores, incertitudinem & vanitatem ejusdem tanto cer- tius comprobare. Sive enim cum nonnullis, generalis- sime rem indicantibus, dicatur, separationem *spirituum a- nimalium* peragi in capite vel potius in cerebro, sive ab aliis praeter cerebrum, etiam cerebello atque medullae oblongatae vel soli tantum *substantiae cerebri corticali*, quod alii praetendunt, officium secretorum tribuatur, pari in- certitudine laborant omnes; Etiam si enim nemo forte sit, quem stupenda cerebri, cerebelli ac medullae spina- lis fabrica atque constructio in admirationem non ra- piat; Inepte tamen inde concluditur, illam nulli alii, quam *spirituum animalium* usui secretorio dicatam atque con- ferratam esse. Esto enim, rem eo, quo vulgo praefigu- ratur, modo sese habere, nullum nempe verosimiliorem *cerebri* usum hucusque Physiologis innotuisse; Esto, nu- merosas corticem ejus perambulare arteriolas, earumque sanguine, quem reliquo spirituosiorem esse somniant, cele-

cerebrum irrigari; Imo & limpidam ibi humiditatem semper occurrere; Esto denique, omnes nervorum propagines ex cerebro, cerebello atque medulla oblongata suam trahere originem; Quid inde? Sane universus hic artificiosus & stupendus partium adparatus demonstrat quidem, eminentem ac plane singularem eorum omnium usum atque functionem esse oportere, specialiter vero soli *spirituum animalium* secretorio muneri vacare, nulla inde probabili ratione concludi potest; Imo id potius mirabilis illa fabria aperte & citra gratuitas suppositiones demonstrat, cerebrum cum suis appendicibus nervisque inde prodeuntibus longe nobilioribus inservire functionibus, esse nempe organon ipsius animae rationalis, quo in administrandis suis operationibus & actibus tam animalibus quam vitalibus, sine ullo fine commercio fine subsidio & adminiculo fictitiorum *spirituum* utatur. Aequa sterile & infirmum est argumentum, quod pro usu secretorio medullae oblongatae allegatur; Quanquam enim illa non solummodo quoad suas radices seu crura, sed & totum sui tractum *corticali* non minus ac *medullari* substantia gaudeat, ac proinde optime quidem colligi inde queat, eidem muneri cum cerebro & cerebello vacare, i. e. instrumentum animae esse; Est tamen omnino frustraneum & ab omni Logica legitima connectendi ratione alienissimum, munus illi secretorium obtrudere. Omnium vero pesime suas mihi rationes subduxisse videntur, qui solam cineritiam & corticalem cerebri substantiam officio *spirituum* separatorio praeficiunt, illi praecipue, qui cum Malpighio, (cujus viri cerebrum *hypothesi glandulosa* totum occupatum erat) corticem cerebri glandulosum esse, sibi haetenus persuaferunt; Jam dum enim experimentorum Ruyshianorum *αντίθεσια* atque dexteritate innotuit Anatomicis, corticem cerebri non glandulosae, sed *vasculosae* dispositionis esse: Ex illa vasculorum, corticem cerebri perreptantium, angustia quan-

tacunque etiam illa fingatur, concludere iterum velle, functionem eorum nullam aliam, quam liquidi summe subtiles secretoriam esse posse, id profecto manifestam rursus principii petitionem redolet; Non enim sequitur: In vasculis substantiae cerebri corticalis summa est eaque stupenda angustia & subtilitas; Ergo liquidi cujusdam *in genere*, vel plane *spirituum animalium separationi in specie* subservit.

§. XX.

Hoc interim dubium, quod circa organon *spirituum animalium* secretorum modo a nobis motum est, sensim ad aliud, modum separationis concernens, parique cum priori ambiguitate laborans, nos deducit. Piget referre ludicas & absurdas opiniones *Caesalpini* atque *Molinetti*; Has enim quicunque adoptaret, ingentem phantasiae suae vim inferre, atque cerebrum instrumentis Chymicorum, cucurbitae, alembico ejusque rostro, ne ipso quidem matracio neglecto, comparare deberet; Eodem namque modo, quo *spiritus* ex faecibus vini mediante cucurbita eliciuntur, deinde vero evocati & a phlegmate suo liberati majorem in puritatem exaltantur: Eodem, inquam, modo partes sanguinis subtiliores, fervore cordis tanquam foco vitali quasi sublimando elevari inque cerebro in *spiritus animales* converti existimant: Quasi nimirum (funt verba *Bergeri*) cor calore, quo continuo ferreat, igne veluti subdito, ex tota humorum massa partes subtiliores, *spiritus vitales* Philosophis dictas, elevet, quae per arterias, tanquam *cucurbitam* agitatae, impetu velut impresso, magna parte ferantur in cerebrum, ex eaque substantia tenui & vaporifera, perfusa illius rara & molles compages, instar spongiae, *matracio*, ubi *capitello* conjungitur, aptatae, particulas tantum tenuiores & magis volatiles, in partes diversas medullae, tanquam *fistulas capitelli* transmittat, reliquas vero *superficie sua frigidiore* arceat, atque ab ascensu deturbet. Neque, opinor, adplausum hodie invenient, qui cum *Cartesio* crediderint, vividores tantum

tantum & subtiliores sanguinis partes, quas, ut ille opinatur, calor in corde rarefecit, indefinenter & maxima cum copia cavitates cerebri ingredi; Id enim & aequali sanguinis pressioni, a systole cordis inductae, & vasorum conformatiōni & eorundem plenitudini repugnare, recte concludit *Bergerus*. Quod autem ad cerebrum potius, quam alio, commeent tenuiores, agiliores vividioresque sanguinis particulae, hanc ridiculam & structurae partium Anatomicae plane difformem allegat rationem *Cartesius*, tractatu de passionibus animae: Quod sanguis, qui corde egreditur per arteriam magnam, recta linea in illum locum (cerebrum) cursum suum dirigat; Et cum non posfit totus ingredi, quia viae valde sunt angustae, partium ejus magis agitatae & subtiliores transirent solae, dum reliquae per omnes corporis partes sese diffunderent: Atque hae subtilissimae sanguinis partes, secundum *Cartesianam* explicandi rationem, spiritus animales componerent, nec eum in finem ulla alia in cerebro mutatione indigerent, nisi quod ibi ab aliis sanguinis partibus minus subtilibus separarentur. At vero, cum sanguis, qui per ramos aortae superiores ad partes capitis exteriores pariter ac interiores adscendit, paris sit constitutionis cum eo, qui per truncum arteriae magnae inferiorem distribuitur, patet, modum separationis a *Cartesio* allegatum, cerebrina tantum speculacione niti.

§. XXI.

Qui principiis mechanicis imbuti sunt, merosque ubique mechanismos crepant, hic etiam eorundem exacte memor, sola secrezione mechanica separationem succi nervosi, seu, quod idem est, spirituum animalium fieri contendunt; Tali nempe modo, quod *e massa sanguinea, jugi cordis impulsu, per arterias carotides & cervicales ad cerebrum transvecta, opportunitate pororum in continuatas fibras medullares purior lymphae pars transmitatur*, ut diversa a sanguine per systema nervosum discedat; Reliqua vero ejusdem sanguinis moles, ob pororum angustum exclusa, patentie-

ses venarum tubulos subeat, & per sinus crassae meningis varios, ad venas jugulares ac vertebrales, atque adeo porro ad cordis musculum revertatur. Verum praeterquam, quod a consimili constructione ad idem ministerii genus recte & valide argumentari non licet, cum alias difficile non foret, numerosa in medium producere exempla organorum, consimili constructione gaudentium, quae tamen interea diversa Oeconomiae animali ministeria praestant: Varios quoque *paralogismos* proportionis figurae, nullibi determinatae vel determinabilis in *organis secretoriis*, jam dudum indicavit Stahlius, quos, cum nemo, quod sciam, digne removerit vel removere valuerit, dubia manet *mechanica pororum secretiorum configuratio*, quaeque ex hoc principio deducitur *mechanica in organis colatoriis instituta secretio*. Postremo desideratum jam antea fuit *secretionis organon*; Dubium quoque est, a qua materia famosi *spiritus* secernantur? An ab aëre per respirationem hausto secedant, an a sanguine per arterias carotides & cervicales advecto? Si hoc, an a parte ejusdem rubicunda, an lymphatica, an excrementitia serosa separentur? Ubi denique sunt ductus excretorii seu viae, per quas *spiritus* (ex hypothesi) secreti aliorum amandantur? Dicitur equidem, medullarem cerebri, cerebelli atque medullae spinalis substantiam esse fibrosam, sive ex funiculis & canaliculis exilissimis congestam, continuis glandulis corticalibus, seu ab his, tanquam totidem vasculis excretoriis emanantibus: Sed nullibi demonstratur. Si vero partium harum fibrae tubulosae non sunt, recurrit quaestio, per quasnam alias vias fluidum nervorum secretum ad receptaculum quoddam, seu locum collectionis devehatur? Et quae sunt ejus generis difficultates plures, quae contra *mechanicum secretionis modum allegari possunt.*

§. XXII.

Ponamus autem, licet nondum concedamus, fieri iugi atque continuo successu ejusmodi laticis secretione in substantia cerebri corticali; Largiamur quoque, sub-

substantiam cerebri atque cerebelli esse canaliculosam, ut per eam fluidum secretum decurrere queat; Aut, si id dubium adhuc & incertum esse reputetur, spem omnem nondum decollasse, novas vias pro transitu liquoris secreti reperiri posse: Quaestio tamen est, quo in receptaculo, officina seu promptuario *spiritus animales* colligantur & in futuros usus adserventur? Cum antiquis enim ventriculos cerebri huic muneri praeficere velle, nihil foret aliud, quam naturae ipsi vim inferre; Quanquam enim liquidum quoddam tenue atque pellucidum, etiam in statu oeconomiae fano, ordinario atque naturali in ventriculis cerebri reperiri, imo ex naturae praescripto adesse debere, non negemus: Est tamen *spirituum animalium* indole penitus diversum, longeque alii usui dicatum; Secundum Ruyshiam enim, ad irrorandas cerebri & tractuum medullarum fibras, ut & spinalem medullam ejusque membranas humectandas, summe necessarium est. Taceo, quod hic etiam viae atque meatus desiderentur, quibus materia spirituum ad ventriculos cerebri deducatur, ductus quoque nervorum, si qui adsint, illis vehendis destinati, non ex ventriculis, sed ex fibris medullaribus cerebelli originem suam nanciscantur. Neque, opinor, inepta Cartesii speculatio cuiquam hodie fuctum faciet, qui, cum absurdo quodam figmento animae rationalis fedem circa glandulam pinealem constituisset, pari absurditate finxit, *spiritus animales* ex illa per poros varios jugi effluxu erumpere, atque ad tubulos nervorum, poris ipsis directe oppositos, in superficie ventriculorum cerebri tendere, vel in alios magis patentes influere, aut etiam clausos cum impetu aliquando aperire: Quae omnia tam temere non commentus esset, si in Anatomicis sectionibus peritior vel exercitator fuisset, multo vero minus eo ineptiarum progressus esset, ut nervulos munivisset valvulis, iliasque plane iconismis expresisset, quas nunquam oculis suis usurpavit, sed tantum a priori adesse debere sibi imaginatus est, ut hypothesi tanto melius inserviret commentum.

mentum. Sicuti autem nihil tam absurdum est, quod suos non habeat vel inveniat assentatores; Ita subit profecto mirari, *Craenenium*, Professorem olim *Lugdunensem*, Virmumque suo tempore magna in celebritate constitutum, hancce *Cartesii* fabulam novis figmentis atque pigmentis exornasse; Is enim contentionem cerebri facit cum organo illo musico, in quo promptuarium, quo ventus conservatur, secretum dicitur, & locus est tam arcte clausus, ut nihil quicquam venti possit egredi, nisi per illa foramina, quae studio facta sunt, tendentia ad tubos & canales, qui ventum revehunt in fistulas, ut sonos adeo edant: Ita enim secretum istoc referre opinatur ventriculorum cavitatem, ductus vero, per quos ventus intrat in fistulas, esse musculos, ventum vero sonum edentem, spiritus esse animales: Quibus verbis *Craenenii* fabulam recenset sciteque eludit *Bergerus* in tractatu de natura humana: Omnia istaec cerebri constructionem facile refellere. Denique manifestum est, majorem vix probabilitatem inesse eorum sententiae, qui fluidum in cortice cerebri separatum, in medulla oblongata, quae nervorum radix sit, colligi, & ad sensoria & alias partes pro motu & sensu efficiendo transferri existimant; Quia demonstrandae sunt viae, per quas fluidum nerveum, in cortice cerebri (ex hypothesi) separatum ad medullam oblongatam, tanquam illius promptuarium devehi queat.

§. XXIII.

Ad dispensationem atque motum spirituum animalium nunc transeundum est, qui profecto non minoribus, ac reliqua omnia, quae ad exornandam putidam hanc fabulam congeruntur, dubiis expositus est. Motum vindicari spiritibus ab eorundem fautoribus, eo minus vitio illis vertendum est, quo certius ipsis persuasum est, omnem eorum activitatem in motu tantum consistere: Si enim, quod praetendunt, verum est, auctores nempe existere actuum tam animalium quam vitalium; Illorū vero neuter sine motu peragi queat: Jus sane aequitasq; postulabant, ut motus spiritibus animalibus adscriberetur. Est vero is

is secundum speculatorum interpretationem *duplex*: Alius sc. *voluntarius* seu *arbitrarius*, qui a voluntate seu arbitrio animae dependet; Alius vero *mechanicus*, quem alias etiam *naturalem*, *automaticum* seu *involuntarium* appellant, quemque *ex absoluta quadam necessitate mechanica*, *ordinariis* tamē *motuum legibus, a causis mere corporeis proficiisci* autumant.

§. XXIV.

Quod priorem motus, nempe *voluntarii* seu *animalis* speciem attinet, admodum rursum *scenice* (Tota enim *spirituum* historia actui comicō non absimilis est) repraesentari hic solent *spiritus animales* tanquam fideles ministri, in cerebro & cerebello perpetuas quasi excubias agentes & parati, ut pro lubitu & arbitrio animae horum illorum determinari, inque hos vel illos nervorum tubulos ceteratim influere & hos vel illos motus in his vel illis partibus suscitare: Vicissim vero etiam in nervis continuo undulantes, varias ab objectis sensuum impresiones recipere, atque ad cerebrum, animae sedem, transferre valent. Origo fabulae ex falso tantum praesupposito profluxit: Cum enim animae rationali, tanquam substantiae spirituali, omnis molis corporeae ac materialis prorsus experti, omne commercium cum corpore suo organico, ceu materiali & extenso, a speculatoribus fuisse interdictum, & nihilominus corpus a variis animae patematis mirum in modum alterari, & vicissim animam a variis corporis motibus graviter non minus adfici animadvertisse, necesitas coegerit illos, ut substantiam quandam intermedium, non crasse corpoream, sed subtilem, animae quidem aemulam, attamen materialem effingerent, quae interpretis vicibus inter utrumque perfungeretur & proportionatum existeret medium, animam cum corpore & corpus cum anima connectendi, seu mutuum inter utrumque commercium stabiliendi & confirmandi. Atque subtilibus talibus, agilibus atque versatilibus corpusculis *spirituum* nomen, satis licet incongruum,

um, impositum est: Quia creditum fuit, hos & subtilitate & mobilitate sua ad essentiam animae proprius accedere, proindeque eorum, utpote corporeorum, ope, corpus quoque organicum melius adfici posse: Ubi id praeципue mirandum est, quod opiniosissimi speculatores manifestam implicationem non adverterint; Si enim (per concessa) anima rationalis tanquam substantia immaterialis, nullum habet commercium cum suo corpore, quia materiale est & corporeum; Sequitur irrefragabiliter, quod nullum quoque jus, nullam potestatem in *spiritus animales*, utpote pariter corporeos atque materiales, exercere queat. Verum distingui hic solet inter corpus *subtile & crassum*, quorum illud quidem animae potestati subiectum sit, *hoc vero non item*; Ast frivola est tota distinctione, cum majus & minus non soleat variare speciem.

§. XXV.

De motu autem *spirituum mechanico seu automatico* longe difficilior est inspectio; Illud enim ab omni fana ratione alienum est, atque comprehendi difficulter potest, absolutae necessitati illum obnoxium esse, & tamen proportionem temporis, graduum, loci, ordinis aliarumque immaterialium circumstantiarum exquisitissime observare. Aut ergo fortuito nullisque legibus adstricto successu *actus vitales naturalesque, secretorii in primis & excretorii* procedunt, aut prudenti gubernationi principii cujusdam rationalis, quod secundum praedictas immateriales circumstantias universum istud actuum sistema regit atque dirigit, subsunt; Sicuti autem prius tam fanae rationi quam experientiae contrarium est: Ita posterius elegans symmetria & actuum vitalium cum animalibus concinna conspiratio, nexus atque harmonia manifeste confirmat. Velle autem, ut, qui corpus humanum in machinam quandam seu automa, ex absoluta quadam necessitate agens, convertere cupiunt, mihi declararent, quo ex fonte didicerint, *Sapientissimum opificem quarundam partium, quarum ope motus*

tus sanguinis humorumque circularis & progressivus promovetur, quaeque alimentorum concoctioni ac distributioni, secretionibus item & excretionibus atque adeo humorum depurationibus subserviunt, *motus voluntati humanae subjicere voluisse?* Illud namque frigidum est aribusque molestum, quod, si directam atque plenam dispositionem borum motuum anima habuisset, pro lubitu corum organa regere, & propter innatum vivendi amorem ipsum quoque vitae terminum pro arbitrio disponere potuisset: Nihil profecto minus; Imo potius saluti & conservationi oeconomiae animalis praesentissimum attulisset damnum atque nocumentum, si anima directum & immediatum in actus quosvis vitales & naturales dominium obtinuisset: Quia exorbitantes ejus passiones, quibus obnoxia est, una cum erroneis & subinde anomalis agendi modis vitae terminum potius abbreviaturae quam producturae fuissent. Quare indirectum & mediatum pro finibus ejus obtinendis imperium poterat sufficere, ut regulari modo, i. e. secundum praedictas temporis, ordinis, loci, gradus &c. circumstantias singuli actus vitales succedere possent: Qualem concinnum ordinem & successum a mechanico, i. e. fortuito spirituum animalium motu & influxu expectare nunquam integrum esset, nisi rationem, cognitionem, facultatem sentiendi & percipiendi, vel plane actionem propter finem atque scopum (quod nonnulli praepostere faciunt) illis adsingere placeret; A qua tamen haeresi primi hypotheseos conditores ideo tam alieni fuerunt, quia *materiale* cum *immateriali*, *corporeum* cum *incorporeo*, *spirituale* cum *extenso* & diversa utriusque attributa inter se mutuo confundere, religio illis erat.

§. XXVI.

Quae omnia, si solertius pensitentur, ansam quoque subministrabunt, errores, sive potius phantasticas Willisi speculationes, quas circa motum spirituum animalium animo suo praepostere concepit, detegendi vel prae-
cavendi. Is enim in *Pathologia cerebri* & libro de morbis convul-

siris incertam quasi divagationem in omnem partem spontaneumque veluti itum ac redditum per quascunque vias *spiritibus animalibus* concesfit, eosque proinde tanquam *lusoria animalia*, quae piscium instar in stagno ultiro citro-que divagarentur, & pro arbitrio modo affluerent modo refluxerent, satis *scenice* repraesentavit, jussitque quasi, ut v. g. ad vertiginem, epilepsiam motusque convulsivos excitandum, sulphureorum spirituum more accensi, per poros & interstitia quaevis prorsum retrorsumque, per circulum aliisque modis impellerentur, aceti vero vel aquae fortis indolem induerent in mania pariter ac melancholia, subinde plane vappescerent in stupiditate, saepe etiam in nitrosum & explosivum statum, si sanguinis sulphuri jungerentur, degenerarent, aliasque portentofas & inauditas proprietates adsciscerent &c. Ubi tantummodo vehementer miror, quomodo viro, caetero-quin docto & in *Anatome cerebri* nulli secundo, tam abfurdae cogitationes in mentem venire potuerint? Cui quaeſo bono tot continuorum annorum labores aerum-nos investigationi cerebri nervorumque impendit, si animus erat ea omnia, quae operoſo iſto scrutinio inno-tuerant, vel contemnere vel obliuisci vel nullo ſaltem numero habere?

§. XXVII.

Neque vero ſpes eſt, poſſe obſtinatos opinatores, ſaltem quamdiu adamatam hypothefin *spirituum coeco im-petu* defendunt, contradictionum harum labyrintho ſeſe exticare; Niſi ſincero tandem adfectu fundamentalem hanc veritatem agnoverint: Animam nempe rationalem, undique ſibi ipſi ſufficientem, ad universam actuum, animalium aeque ac vitalium oeconomiam, recte & regulariter adminiftrandam, emendicato *spirituum animalium mi-nisterio* non indigere, ſed ſufficientibus viribus, energia, atque potestate ipsam inſtruſtam eſſe, omnes oecono-miae actus partim directe & immediate, partim indirecte ac
mediate

mediate, regendi ac gubernandi. Nec juvat objecisse: Modum tamen, quo anima rationalis tanquam substantia immaterialis, incorporea, spiritualis & cogitans, movere & impellere posse corpus organicum, tanquam materiale & extensum, esse ignotum, atque ideo necessitatem incubuisse primis hypotheseos inventoribus, excoigitandi intermedium quandam substantiam, quae non crasse corporea esset, sed animae analoga, tenuissimae scilicet, activissimae ac mobilissimae indolis, uno verbo spirituosa, quae medium veluti existeret, commercium inter animam & corpus inviolatum conservandi: Ast vero, *ignorationem modi non inferre statim negationem ipsius rei, in scholis toto die audiri solet.*

§. XXVIII.

Dilucescent singula clarius, si caussam motuum, qui spiritibus animalibus adsinguntur, paulo solertius expendamus. Dolemus famen iterum, parum inter se mutuo concordes hic esse *Auctores*. Nonnulli enim illorum pertennem laticis nervosi motum ac derivationem per nervos, a perpetuo & nunquam interrupto cordis arteriarumque, tam per piam meninges quam corticalem ac medullarem cerebri substantiam magno numero disperfarum, motu atque pressione derivant; Cui alii ipsum fluidum nerveum in cerebro & systemate nervoso jam aeterno fluctuans addunt, quod a liquido noviter secreto impulsu illud continuo urgeat, & ab una nervorum extremitate ad alteram transmeare faciat. Quidam alii causam, fluidum nerveum in sistema nervosum impellerent, residere putant in dura matre, cui eum in finem motum systoles atque diastoles cum *Baglivo* vindicant, pro cuius varia *constitutione*, robore nempe vel laxitate, ipsum quoque fluidum nerveum majori vel minori celeritatis gradu ad partes moveri & impelli, existimant. Alii aliter negotium explicant. Qualiscunque vero harum sententiarum eligatur, & fundamento explicationis substernatur, neutra tamen

tamen dubiis suis destituitur: Nam cordis arteriarumque, imo ipsarum quoque membranarum cerebri motus systalticus aequa ac diastalticus perpetuus est & nunquam interruptus; Unde sequi videtur, continuum quoque & nullo unquam tempore interruptum *spirituum animalium* influxum per nervos esse debere; Quo concesso, non adparet, quomodo hic motus mechanicus, a pura & absoluta necessitate procedens, citra confusionem consistere queat cum motu *spirituum* voluntario, qui ad nutum & imperium animae consequitur? Et quid quaesofiet, si contrarii in uno eodemque nervo motus *spirituum* contingent, i. e. si a speciebus sensibilibus commoti retrorsum, ab anima vero in motu musculi voluntario excitando, prorsum impellantur.

§. XXIX.

Quibus difficultatibus & haec accedit, quod, si perpetuus & nullo unquam tempore interruptus *spirituum animalium* influxus & motus per nervos statuatur, prodigiosam & plane inexhaustam vim eorundem esse oporteat; Quia alias metus non omnino injustus suboriri posset, eorum penum, actionum diurnarum pariter ac nocturnarum jugi continuatione, totum exhaustiri tandem debere. Uti vero nullum unquam malum tam perniciosum fuit, cui non remedium aliquod inventum sit: Ita fatorum horum misertus *Rivinus*, nocturnam non modo quietem indulxit *spiritibus*, sed illis quoque imo animae ipsi de cubili quodam atque veluti *dormitorio* prospexit. In somno enim, inquit *Rivinus*, desinunt influere spiritus, etiam si maxime diuturnus fuerit. Quod si verum est, doceat me quaeso, unde tam *systalticus* quam *diastalticus* cordis arteriarumque motus, sine quo fluxui ac refluxui sanguinis sua constare non potest integritas, dependeat? Qua ratione concoctio alimentorum, succi alibilis distributio, excrementorum se & excretio & id genus aliae functiones in corpore vivo succedere queant? At vero, ne quid dissimilatio

dissimulet Noster, (quasi in re nullius momenti & ne obulo quidem digna simulatione opus esset) ferio, ne satyram esse existimes, ferio, inquam addit: Non cerebrum ac cerebellum tantum, sed & medullam spinalem ac reliquorum ossium datum esse animalibus pro dormitorio animae valde commodo. Atque, ne fucus deficeret, quo fabula exornari quomodocunque posset, hoc insuper simili illustratur: Sicut oceani abyssus, ita pergit Rivinus, fluxum ac refluxum aquarum statis temporibus praefstat, per vices expellendo iterumque absorbendo fluctus: Ita VIDENTUR modo dicti spirituum fontes, diurnis horis diffundere vires per cuncta corporis membra, quas postmodum, ingruente nocte, rursus colligere non dubitant. Verum hoc commentum Rivinianum paucos sine dubio inveniet adsentatores, & si quam maxime inveniret, aequa tamen parum illi, ac is ipse difficultatem omnem tollerent.

§. XXX.

Haec autem in eo potissimum consistit, quod omnem humanam fidem superare videatur, tam prodigiosa in quantitate *spiritus animales* in cerebro, cerebello atque medulla spinali semper praefsto esse posse, ut jugi atque continuo suo influxu universum systema nervosum irradiare atque ad organa sensuum pariter ac motuum, imo ad ipsa quoque organa vitalia *laticem nervosum* advehere, atque, ad munia sua recte obeunda, actuare valeant. Finge v. g. fabrum ferrarium, a primo diluculo in seram usque noctem operi suo intentum, qui coram incude constitutus, duodecim horarum spatio bis milles malleum ferreum elevaret totiensque deprimeret, tenui interea victu, aut saltem ferreo tali labori sustinendo non proportionato, vitam suam sustentare cogebetur; Is certe (ex hypothesi) quater mille legiones *spirituum* per nervos in musculos, elevationi ac depressioni brachiorum inservientes, amandare deberet; Quo tamen ex dispendio, quod metui forte posset, non solum universalem virium lapsum non patitur, sed &, postquam labore

labore fessus placide obdormivit, postero & sequenti-
bus diebus eadem alacritate opus suum prosequitur, non
certe ideo, quod paucarum horarum somnus tot *spiritu-*
um legiones ex victu tenui reparare posuit, sed quod fi-
brarum muscularium tonus atque elater repetito actu ad-
mirandam vim atq; energiam motoriam adquirat. Quod
vero ingentem hanc & plane *insignem* liquidi nervi copiam
partim *ex cerebri, cerebelli & spinalis medullae motu nervorumque copia,*
partim vero *ex ipsis sanguinis, qui copiosius ad haec loca fertur*
vel ferri dicitur, appulsi a estimare quis velit, id tanquam
gratuitum & sufficienti demonstratione non roboratum
adsertum, merito mittimus.

§. XXXI.

De viis, per quas *liquidum* hoc *nerveum* ad partes de-
ferri & quasi dispensari dicitur, dubium adhuc moveri
posset, nisi superius jam eidem plenissime satisfactum
esset. Audacter equidem pronunciant hic plerique, per
nervos, quibus propterea manifestam concavitatem ad-
ferere non dubitant, *spiritus animales* ad partes amandari:
Alii tamen modestius se gerentes, nervos quidem *ex*
filamentorum fasciculo coagmentatos, & membranarum
ope inter se junctos & colligatos esse concedunt, canali-
culorum vero intus cavorum ac proinde liquidum velen-
tium vices praestare filaments ista, adfirmare minime
audent: Id quod etiam rectissime sic se habet, & ex-
perimentis Bidloianis superius clare a nobis evictum est.
Interea pari incertitudine laborat altera, quae in prioris
locum substituitur, opinio, quando *nervea stamina, a cerebro*
usque ad extremas partes & ubique per eorum poros tenuissimum quod-
dam liquidum comitari ac perfundere, exinde potissimum infe-
runt, quod portio nervi cruralis abscissa & per aliquot dies in aqua
pluviali macerata, in triplo majorem excrescat magnitudinem. Par-
tim enim experimentum, licet sua eidem veritas plenis-
sime constaret, nihil probat; Quia non de poris, inter fi-
brillarum interstitia relictis, sed de tubulis continuis, per
quos

quos a cerebro atque cerebello ad singulas corporis partes liquidum transmitti poscit, sermo nobis est: Partim vero, quia per figuram rhetoramicam, quam *αὐξεσιν* vocant, loqui videtur opinionis defensor, cum mihi ipsi haud ita pridem contigerit experimentum adornare in frustulo nervi, venaelectione infeliciter puncti, unde vehementissimis convulsionibus correpta foemina ultimum diem obibat. Cum enim aquae tepidae frustulum illud immisum macerassem, paulisper quidem intumuit, sed triplo majorem crassitatem adquisivisse, pro certo adfirmare non possum. Interea sententiam istam suo jam tempore propugnavit *Borellus*, atque *interstitia lateralia*, quae fasciculos fibrarum nervearum intercederent, tubulorum officium in admittendis fluidis, perinde ac ipsi facerent canaliculi, supplere, i. e. per *interstitia* haec fluidum, diversum ab illo, quo tubuli ipsi fibrarum turgerent, percolari existimavit. Verum hoc est, quod probandum incubuisset *Borello*: Si enim spatiola illa sive interstitia, licet, canaliculosa esse, concederetur, neque cum cerebro, neque cum cerebello communicent, neque dictis partibus continua sint, frustra inde, ad partium extremitates liquidum quoddam corrivari, infertur.

§. XXXII.

Quae si ita sese habeant, de officiis quoque, quae *liquido nervo* seu *spiritibus animalibus* vulgo tribuuntur, actum erit. Evidem unanimiter ferme hic inter sese mutuo consentiunt *Physiologi*, atque, *spiritus animales* sensuum & motuum, atque adeo functionum animalium instrumenta esse, uno quasi ore adfirmant, imo, cum inter ipsos jam actus hosce *animales & vitales* amicum consensum, nexus & mutuam quasi conspirationem observent, eosdem quoque ab actuuum *vitalium*, *digestioriorum*

rum, depuratoriorum, secretoriorum & excretoriorum administratio-
 ne non omnino excludendos esse, firmiter sibi per-
 suadent. Nonnulli addunt, fluidum nerveum ex subtilissima
 ac maxime temperata sanguinis lymphaeque portione in cerebri cortice
 secretum, deinde per nervos intervertu pororum ad membranas
 & fibras elasticas delatum, ad ipsam quoque nutritionem pluri-
 mum conferre, cum nervo, ad partem abeunte, ligato, cor-
 rupto vel abscisso, ipsa pars debita sua nutritione privetur. Ve-
 rum cuncta haec Physiologorum adserta, quantacunque
 etiam fiducia proferri vulgo soleant, sunt revera nihil
 aliud, quam merae principii petitiones: Primum enim, ner-
 vos liquidum quoddam permeare, simpliciter tantum
 supponitur, nullibi vero, uti decebat, demonstratur.
 Finge autem, fluidum tale, quale vulgo praefiguratur,
 nervorum ope ad partes advehi, illud tamen partim i-
 nidoneum, partim vero minus necessarium est, ad sen-
 sum & motum excitandum; Quia nervi, in legitima
 tensione constituti una cum musculis & partibus mem-
 branaceo-fibrosis, ad sensus pariter atq; motus tam vo-
 luntarios quam naturales producendum, sufficienti pol-
 lent aptitudine, ut concursu *liquidi nervi* non sit opus.
 Illud vero nemo admodum mirabitur, quod nervis,
 ceu instrumentis sensuum ac motuum graviter laesis
 vel offensis, ligatis nempe, punctis, rescisisis vel alia
 ratione corruptis, ipsae quoque actiones vel penitus
 vel ex parte aboleantur; Non tamen ideo, quod *laticis*
nervosi seu *spirituum animalium* influxus interceptus sit,
 sed quod, instrumentis sensuum motuumque vehe-
 menter laesis, pereat apta dispositio instrumentalis, ad
 effectus tales producendos absolute necessaria. De-
 nique ipsi *fluidi nervosi*, quod, nervos permeare, ajunt,
 propugnatores de genuina ejus dispositione & usu in-
 ter se invicem minime convenient, cum illorum qui-
 dam non *spiritus animales*, sed *succum nutritum per*
ner-

nervos universo corpori communicari existimant; Alii de succi indole incerti ac dubii sunt, an pro vehiculo? an paulo inserviat spiritibus animalibus? Quorum tamen neutrum admitti facile potest: Non illud; Quia alias humor iste aequa subtilis, aequa mobilis & aequa versatilis, ac ipse *spiritus*, esse deberet, quem quippe noctu oculi citius nervosum systema undiquaque pervadere, vulgaris est persuasio. Neque *posteriorius*: Quia, quod pro nutrimento inservit nervis, non ab interiore eorum substantia hauriunt, sed a vasculis lymphaticis, exterius nervis accumbentibus accipiunt, sicuti jam supra clare ostensum est. Quod vero pars, cuius nervus enormiter laesus vel plane abscissus est, *atrophia* corripiatur, non probat, succum nutritium per nervum advehi ad partem, sed, ad nutritionis actum recte perficiendum, nervorum concursu, ad robur atque tonum partibus nutrientis conciliandum, opus esse, inde tantum evinci potest.

§. XXXIII.

Esto autem, *spiritus animales* per nervos ad partes advehi, remanet tamen non levis scrupulus, ubi maneat, posteaquam muniis suis sunt perfuncti, haec sensum atque motum (ex hypothesi) in partibus praefliterunt. An scil. per habitum cutis porosum, undique permeabilem, sub forma insensibilium hali-tuum evaporent? An vero sanguini humoribusque denuo admisceantur? Vel quibus alias fatis reddantur obnoxii? Ejusmodi enim dubitationes omni modo rationales esse, ex ipsa speculatorum opinione, quam de fluido nervorum sibi formant, clarum evadit: Illud enim, cum ex partibus admodum exilibus, flexilibus & mobilissimis compositum, a globulis aethereis, quibus innatat, omnes in partes

tes agitari posse fingatur, metus non omnino vanus vel
injustus est, omne, qua data porta, evasurum sicque
corpus iners omnibusque viribus privatum relicturum
esse. Fecit vero provida opinatorum industria, ut,
quod hic metuitur, in irritum recidat. Etsi enim non
negent, partem liquidi hujus per poros cutis *insensibiliter*
evaporare: Dispendum tamen totale praecaveri facile
posse existimant, si sanguini & lymphae illud denuo
reaffundi statuatur. Sic petulans speculandi licentia
ad eum usque gradum provecta esse videtur, ut prae-
ter circularem atque periodicum sanguinis motum, no-
va adhuc & hucusque inter medicos inaudita circula-
tionis species, solis *spiritibus animalibus* propria, fuerit in-
venta, felici an infelici sidere, judicium fit penes alios.
Viam fabulae primum detegendae, deinde variis colo-
ribus exornandae praemonstrasse videtur *Monachus* qui-
dam *S. Mauri* in Galliis, cui inter otia vitae monasti-
cae, quibus temporis taedia fallebat, in mentem (forte
somniando) venerat, quod, cum secundum opinionem
Ridley, Hoffmanni aliorumque, fluidum nervorum in per-
petuo transpirationis statu constitutum sit, continua
quoque regeneratione indigeat; Atque hinc motum
quendam *circulationis* eidem necessario adserendum esse
infert, ita quidem, ut *spiritus* primum ex cerebro per
nervos ad partes dispensentur, ab his deinde per vasa
lymphatica ad venam subclaviam & cor, hinc tandem
per arterias carotides & plexum choroideum ad glan-
dulam pinealem & ventriculos cerebri, sicque per hu-
jus porositatem ad nervos denuo iter faciant, atque
ita revera solemnem & a sanguinis circulatione distin-
tam motus *circularis* speciem constituant.

§. XXXIV.

Posset hic forsitan quispiam suspicari, ejusmodi
absur-

absurdam speculationem in prima statim herba suffocatū
iri, neque quenquam in adsensum eandem unquam per-
tracturam esse; Sed, qui ita cogitat, misere fallitur;
Non enim solummodo Practicorum adplausum pro-
meruit, sed plane in cathedras docentium penetravit,
& tanquam curiosum inventum *Apollineam* pubem fa-
scinare coepit. Non uno tamen, sed diversis modis
lepidae fabellae caussam perorare solent Doctores. *Boer-
haavenius* in *Institutionibus* articulo de cortice cerebri, posteaquam
spiritibus nervorum, nempe *animalibus* summam simplicitatem,
subtilitatem, mobilitatem & volatilitatem perfectam adscripsérat,
atque hinc de eorundem dispendio sine dubio sollicitus
fuerat, quolibet momento refici novum (*spiritum*) prioremq; sic poste-
riorem urgere existimat, ut ultimo suo munere functus,
ex ultimis filamentis impelli videatur venulis lymphaticis
minimis tam circa glandulas, quam alibi, inde ve-
nis lymphaticis paullo majoribus, rursumque ex his
ad lymphatica vasa communia, quae valvulis praeditaē
venae sint, tandem in venas & cor; Sicque vere instar
reliquorum humorum circuitum per vasa perpetuum
absolvere credit. Interea, quasi ipsem hoc in commento
parum fiduciae collocaret, mox subjungit: *An vero pro-
babilius videtur, humorem hunc ultimo in viis coecis sisti?* *An po-
tius crederes, refluxere in primam, unde effluxit prius, scaturigini-
nem?* *An tandem putabis, exhalarē ex corpore?* Paullo vero ali-
ter scenam hanc instruit *Martinus Gotthofredus Loescherus*,
in *Tentamine de novo succi nervei motu*: Is enim, postquam
duplex nervorum, duriorum nempe & crassorum ge-
nus adstruxerat, indeque duplex eorum officium, quod
partim in sensuum, partim in motuum administratione
consisteret, deduxerat, nervosque porro duriores ad
musculos pro motu, & molliores ad membranas pro
sensu abire, satis audacter scripsérat, infert hinc, in
hisce nervis dari succum, qui influxu suo motiones,

& refluxu sensationes perageret, cerebrumque continuo se contrahere & rursus expandere; Atque ita concludit tandem: Succum nerveum gaudere motu circulari, qui incipiat & propellatur a cerebro, ope ejus motus reciproci versus partes corporis musculosas potissimum, per nervos duriores instar arteriarum in hoc motu se habentes; Postea in partibus membranosis & nervis mollioribus, tanquam venis revehentibus, recipi & iterum ad cerebrum tanquam ad punctum, ex quo venit, per eos reduci. Et, ut conspiciendum praeberet singulis, quantopere novum hoc commentum animum ejus oblectaverit, differentiam ejus a somnio Monachali dupli ratione ostendit. Primo: quod non *spiritus*, sed *liquidum quoddam* (quasi vero hoc a putatitiis aliorum *spiritibus* realiter differret) e puriori sanguinis seriq; portione, aliisq; partibus elasticis conflatum circulari existimet: Deinde, quod eam tantum per nervos, exclusis omnibus reliquis vasis, fieri adstruat, secus ac Religiosus ille *Parisiensis*, qui, ut paullo ante retulimus, *spiritus* e cerebro per nervos ad partes, ab his per vasa lymphatica ad venam subclaviam & cor, sicque tandem per cerebrum ejusque porositatem ad nervos denuo derivari, speculatus est. Universam vero deductionem obsignavit ingenua hac confessione: Anticipitem se haerere, an ea, quae de motu *spirituum* circulari adduxerat, pro veris habeat nec ne? Proindeque, cum reum habeamus confidentem, plura addere, nihil attinet.

§. XXXV.


Caeterum ex hisce omnibus tanquam totidem specimenibus clare perspicimus, quae phantasmata ratiobi relicta pariat, quotque latebras & subterfugia quaerere cogatur, si rei male fundatae fucum aliquem adfricare debeat. Sed liceat colophonis loco unicum adhuc

huc contra hypothesis *Spirituum* movere dubium. Refert Kerckringius Observationum Anatomicarum Obs. XLVI, exempla Ovium aliquot & pueri cerebro carentium, immo, quod plus est, sine cerebro aliquamdiu auram vitalem trahentium; Ubi non immerito eum *Bidlovio* quaerimus: Quo loco (talibus in casibus talique in corpore) reperiundi erunt famosissimi isti SPIRITUS ANIMALIES? Quo modo agent, deficiente HORUM seaturagine, isto in corpore nervi? Quo medio tali animali vel homini constabit visus, auditus &c. quorum sensuum organa nervos ex cerebro atq; cerebello ortum suum ducentur? Quanam in parte corporis sedem suam habebit anima, deficiente in capite cerebro? An tali necessitatis casu aliud sibi quaeret domiciliū, cum propter defectū cerebri fidelibus suis ministris, *Spiritus* nempe *animalibus* destituatur, quibus alioquin functiones suo in corpore organico expedire solebat? Verum non placet hoc dubium ulterius urgere; Quia, Kerckringium insulsis Ianionis narratiunculis deceptum esse, credo, atque adeo inter fabellas cum *Bidlovio* refero, quicquid de oviibus sine cerebro natis, & tamen viventibus, credulus narravit Kerckringius. Quod vero puerum ex hydrocephalia mortuum, qui medio circiter & quinque mensibus vixerat, secuerit, in eoque suturas capitis magnohiantes spacio, intus autem non cerebrum, sed ejus loco aquam mucosam deprehenderit, id quidem suo loco relinquo, atque partem quidem cerebri in mucaginem abiisse concedo, penitus vero defecisse, nulla unquam ratione, ut credam, induci me patiar. Idem forte, si majori circumspetione negotium tractasset, eventurum fuisse Kerckringio existimem, quod sibi contigisse narrat *Bidlous*. Exhibuit ille foetum masculinum, cuius capitis ossa, cranium constituentia, sex, in molem quidem excreverant insignem, sed cerebri con-

tinebant nihil; Inter ossis vero occipitis praeceps se-
cundaeque vertebrae dehiscentium spacium totam cere-
bri compaginem occultabant. Ad quam agnoscendam,
ipsa illa, quam Kerckringius ex Tulpio allegaverat, obser-
vatio manuducere ipsum potuisset. Quanquam enim
is pariter in pueri quinquenni quinque aquae libras
capiti inclusas ostendisset: Invenerunt tamen, qui u-
na cum ipso sectioni aderant, satis perspicue, cerebrum
non omnino defuisse, sed, amissa tantum figura globosa,
formam convexi corporis, fornicis, induisse.

§. XXXVI.

Nunc vero, dubiis plerisque satis superque discus-
fis, ad *Pathologiam spirituum animalium* transeundum atque
demonstrandum esset, illam non minus fabulosam esse,
quam plerasque alias *Physiologorum* narratiunculas de *exi-
stentia, natura, indole, affectionibus, proprietatibus, officiis &c.*
fuisse hucusque perspicue, ni fallor, ostensum est: Ve-
rum expostulat haec materies singularem tracta-
tionem, quam tamen proximae occa-
sioni reservare, quam imperfectam
relinquere malo.



33 (77.) 33
DISQVISITIONUM
PHYSIOLOGICO-PATHOLOGICARUM
TER TIA
exhibens

FABULAS MEDICORUM

Quas
de

SPIRITUUM ANIMALIUM
DIATHESI MORBOSA

Suis in Scholis hucusque recitarunt.

§. I.



Iras esse ac propemodum portentosas traditiones, quas *spirituum animalium*, sive, ut alii malunt, *laticis* seu *succi nervosi* adsertores de ejusdem *natura*, *indole*, *generatione*, *collectione*, *dispensatione* ac *functionibus*, quas oeconomiae animali praestare dicuntur, referunt, id ex *Mechanicorum*, eorumque, qui paria hoc in passu cum ipsis faciunt, systematibus in *duabus praecedentibus Dissertationibus* ad naufragium usque inculcavimus. Quaeri proinde non immerito posset, cui bono insulsa fabula tot seculis in Scholis fuerit recitata? Omnis enim *theoria Physiologica*, quae neque *Pathologiae verae Medicae*, neque, quod tamen caput rei erat, *therapiae clariorem lucem accendit*, vana est, otiosa atque inutilis. Talem esse, quam in cerebro magis effinxerunt, quam ulla solida demonstratione, sive *a priori* sive *a posteriori*, agnovere speculatores, parum abest, quin diserte enunciem. Nemo ignorat,

L

Johan-

Johannem Bohniam, Professorem Lipsiensium, qui, cum vive-ret, cum quovis alio sui aevi medico de palma certare potuisset, theoriae spirituum in *Circulo Anatomico - Physiologico* tria integra impendisse capita; Nam in *Progymnasmate decimo nono* in illorum naturam prolixè inquirit; In *vigesimo generationem* & in *vigesimo primo dispensationem spirituum animalium* pari prolixitate prosequitur. Suspicari inde quisquam & jure forsan posset, eadem ubertate de eo-rundem morbis pariter atque medela dicturum fuisse eundem; Fallitur vero, qui id fibi persuadet: In *pereximio* enim tractatu *de officio medici duplici, clinici nimirum ac forensis*, quem maturiori aetate ac proinde exquisitio-ri judicio conscripscerat, ingenue confitetur: In profun-do hucusque latuisse fluidi nervei *Pathologiam*, nec quic-quam determinare, qui illud vel *deficere*, vel *incrassari*, vel *ignescere* seu *accendi*, vel *obtenebrari* vel *vappescere*, vel *torpesce-re* vel *perverse commoveri* haec tenus dixerunt; Cum igno-rent, quid deficiat? An ad *spissitudinem induendam, ac torporem admittendum aut vappescendum sit aptum?* An *inflammabile existat?* An & quomodo a tramite naturali deflectat? Per consequens, nec VITIIS IGNOTIS, aut de QUORUM EXISTENTIA IN-CERTI, mederi nobis licebit. Adeo quidem, ut, et si a posteriore quoque de negotio hoc sermocinari velimus, i.e. ex remediis, quae *spirituum defectum & anomalias corrige-re*, haec tenus credidimus, *pathologiam eorum aliqualem for-mare allaboremus, nec hinc tamen aliquid solidi arti nostrae accrescat.* Utinam vero candidam venerandi hujus Senis confessionem imitarentur omnes, quorum oculos ani-mosque gratuita hypothesis fucato suo splendore fa-scavit! Sic spem non plane fallacem aleremus, in *Arcadiam* tandem putidissimam fabulam relegatam iri.

§. II.

Tanto vero certius voti nostri compotes red-de-mur, quo solidius demonstraverimus, conceptus *Physiologicos*, quales de *spirituum animalium* indole atque effecti-bus

bus hucusq; in Scholis sibi formarunt Doctores, *Pathologiae verae medicae*, seu statui eorundem morboſo minime applicari posse, ac proinde perversas, absurdas imo aperite falsas formari inde indicationes, secundum quas, si a novello Practico, tali theoria instructo, medela ſcipiatur, & fallere & falli eundem, dubium eſſe nequit.

§. III.

Aſt ponamus, *fluidum nerveum* in ſtatum morboſum conjici atque adeo ſubiectum artis noſtræ evadere poſſe; Certo tamen certius eſt, aliis illud vitiis non laboratum, quam quibus vel ſanguis ipſe, vel ſerum, vel lympha, vel quicunq; alijs corporis humani humor obnoxius eſt, quatenus nempe vel *nimia quantitate* vel *contrario defectu* peccat, vel *vitiosam qualitatem* incurrit, vel *anomaliis motuum*, ſive jam *nimio impetu, excessu & violentia* ſive *contrario languore* delinquent, ſubjicitur.

§. IV.

Sanguinem ſerumque nimia ſui quantitate ſubinde moleſtum eſſe & plethorum gignere non ſolum POSSE, ſed & haut infreuenter SOLERE, ingens adfectuum, ex utraque plethora, tam *sanguinea* quam *ferosa* ortum ſuum trahentium, numerus abunde docet. At vero *fluidum nerveum* ab iſpis ejus defenſoribus unquam accusatum eſſe, quod nimia ſui copia morbos quosdam fufcitaverit, non recordor, niſi forte *Sebastianum Wirdigium*, Medicinae Doctorem ejusdemque in *Academia Roftochienſi Professorem publicum* excipere inde velimus, qui, nefcio quo *spiritus turbine actus*, non ſolum sanitatem atq; vitam, morbos ac mortem in *spiritibus* eorumque dispositione, ſive ſecundum ſive *praeter naturam* ſeſe habente, conſistere, ſed & universam medicinam in illis occupari exiſtimavit, quiq; proinde *praeter ſpiftudinem, densitatem, obscuritatem, impuritatem, aciditatem* aliaque craseos vitia, quantitatem quoque auctam in *spiritibus animalibus* accusavit.

Accusavit, inquam; Non aequem tamen, quod ipsi jure incumbebat, speciales morbos, quos *aucta spirituum quantitas* suscitaret, indicavit. Esto autem, *spiritus*, ex adfertorum hypothesi abundare posse; Aeq; tamen ambigua atque inventu difficultia erunt remedia, *auctae* tali quantitati comode & efficaciter subveniendi. Evidem, quod *plethora*, & quidem *sanguineam* attinet, eam partim subsidiis *Chirurgicis* per venaesectionem, scarificationem, & sanguifugarum applicationem, partim *pharmaceuticis* per diaphoresin atque diuresin, partim denique *diaeta* parciore, motu corporis voluntario variisque ejusdem exercitiis, serosam vero tam purgantibus *phlegmagogis* & *hydragogis*, quam sudoriferis, diaphoreticis ac diureticis &c imminuere tentant artifices; Quae autē *spiritus abundantes* evacuandi vel minuendi ratio excogitari debeat, profunde ignoratur: Siquidem, quae ex omni triplici fonte, *Chirurgico*, *Pharmaceutico* ac *Diaetetico* utrique *plethorae* cum successu opponi possunt remedia, *excessui spirituum* absurde sine dubio applicabuntur.

§. V.

Defectum e contra *spirituum* qui criminantur, plures sunt, multorum insuper adfectuum gravissimorum, apoplexiae, paralyseos, tremoris, morborumque soporoforum caussas inde repetentes: Cum enim, qui *spiritum* hypothesi patrocinantur, supponant credantque, cerebrum non illorum modo officinam & promptuarium, sed & primarium organon tam *sensorium* quam *motorium* esse, a quo omnia reliqua corporis organici membra suam & *sentiendi* & *movendi* facultatem mutuari debeant: Hinc in apoplexia, paralysi & adfectibus soporosis vel defectum sufficientis spirituositatis vel nervorum obstructionem vel inundationem quandam a superflua humiditate inductam comminiscuntur, unde continget, partes debito modo a *spiritibus* irradiari, atque adeo sensum motumque rite fieri non posse; Cui praefigurationi

tioni vel inde robur aliquod conciliare nituntur, quod restauratis, per medicamenta spirituosa atque volatilia, *spiritibus*, & sublatis nervorum obstructionibus, functiones animales, sensus nempe motusque, revertantur, manifesto, ut illi argutantur, indicio atque documento, aliud quoddam tenuissimum ac summe fluidum, sensibus licet imperceptibile, principium organis corporeis cum cerebro per nervos intercedere, ut praedictae functiones animales rite administrari valeant.

§. VI.

Verum, qui gratuitis talibus *suppositionibus* indicaciones curatorias methodumque medendi superstruere vellet, ille in curandis adfectibus apoplecticis, paralyticis, & comatoso-soporosis inanem sine dubio operam luderet. Quisquis è contra ea omnia, quae in cadaveribus hominum, talibus morbis denatorum, comprehensa fuerunt, solertius consideraverit, caussas eorumdem & adminicula efficaciter illis succurrenti longe clarior atque certius, quam ex protrita *spirituum animalium* hypothesi intelliget. Faciamus periculum & ordinamur ab *apoplexia*, quam in *sanguineam* atque *serosam* Practici nostri recte distinguunt. Illa cum nihil aliud sit, quam simultanea atque praeceps functionum vitallium & animalium, sensuum motuumque plus minus gravis abolitio, ab *extravasatione* indeque producta *stagnatione* vel *stasi sanguinis* vel *seri* in cerebro procedens; Frustra omnino fuerit, quemcunque *interceptum fluidi nervi seu spirituum sic dictorum animalium per cerebrum motum* atque influxum per nervos ad partes accusare: Cum secessiones cadaverum, apoplexia utraque extinctorum, longe aliud quid doceant, & in nonnullis eorum sanguis in venis adeo concretus fuerit inventus, ut medullam sambucinam referret, in aliis vero grumi sanguinis in carotides delapsi animadversi sint. Qui ab ictu, lapsu, aliaque violentia capiti illata *federationem* incurrerunt,

in illis omnibus sanguis extravasatus apoplexiae & mortis caussa fuit. Nonnulli ob neglectam venaesectiōnem indeque inductum infarctum sanguineum ventriculorum cerebri *siderationem* passi sunt. Alius a sanguine effuso & in utroque cerebri ventriculo majori concreto, plurimo insuper sero in tertium & quartum devoluto, arteriis quoque durae meningis sanguine tumentibus plexusque choroidei rami ruptura apoplexiā incurrit. In Juvene quodam alias athletico, lautius tamen vicitante, sanguis ex vasis arteriosis, carotidibus pariter atque vertebralibus diffraetis, per cerebri gyros diffusus est inventus. Alii serum copiosum inter ventriculos cerebri congestum in apoplecticis conspexere. Subinde, cranio in illis remoto, sanguis atramenti instar nigerrimus effluxit. In quam plurimis humor latus, viscidus, serofus, cerebrum inundans, subinde ventriculos ejus infaciens, interdum inter cranium & duram meningem, vel inter utramque, tam piā quam durā matrem, in falce e-jusque reduplicatione omnibusque craniī cavitatibus, nonnunquam inter piā matrem ac cerebrum, inter cerebrum & cerebellum &c. ingens seri mucidi copia est conspecta. *Wepferus*, cuius elegantissimus tractatus, quo varias apoplecticorum historias refert, lucem denuo publicam haut ita pridem adspexit, in cadaveribus apoplecticorum polyposas in cerebro concretiones detexit. Alii abscessus, tumores steatomatosos aliaque ibidem locorum enata vitia observarunt, quae brevitatis caussa lubens hic praetereo; Ex quibus tamen omnibus apoplexiae origines & caussae longe felicius, quam ex putatio*n* spirituum animalium influxu intercepto derivari posseunt.

§. VII.

Neque magis receptae *spirituum* hypothesi favet dispositio subiectorum vel methodus medendi cum omni remediorum *ant-apoplecticorum* adparatu. Subiecta, ad *apoplexiā* prona, sunt ut plurimum plethorico-sanguinea

guinea vel plethorico-phlegmatica, in aetate virili, ad senium inclinante, constituta, & excretionibus, sive sinceris haemorrhagicis sive serosis, tam spontaneis quam artificialibus, hucusque tamen quacunque de causa neglectis, suppressis & cohibitis adsueta; Quae circumstantiae cunctae ad *sanguinem* quidem & *serum*, ad *spiritus* vero nullum, ne remotum quidem, respectum sive relationem habent. Quem eundem quoque nexum in *methodo medendi* tam *praeservatoria* quam *curatoria* desidero; In illa enim ventilationum sanguinis aequinoctialium per venaesectionem, & in *subjectis haemorrhoidalibus* per hirudinum applicationem institutarum, singularem Practici efficaciam collaudant: In hac vero largiorem Venaesectionem, primum *revulsorio*, deinde vero *derivatorio* scopo concelebratam, tanquam omnium efficacissimum ac ferme unicum praesidium extollunt, non neglecta tamen etiam tempestiva *emeſi* vel *catharsi*, imo, pro re nata, *frictionibus* extremorum fortioribus, *vesicatoriis*, *rubefacientibus*, *errhinis* aliisque ejus generis remediis in subsidium vocatis. Et quod ipsa tandem remedia volatilia, spirituosa, aromatica, spiritus & balsama apoplectica vulgo dicta naribus, linguae atque palato admota aegros apoplecticos ad pauca momenta excitandi vi polleant, id non inde procedit, quod *spiritus torpidiores* tali medicamentorum genere ob qualemcumque ratione subtilitatis ac mobilis analogiam suscitentur, corroborentur, in copia augeantur vel ad influxum denuo invitentur; Sed quod fibrae membranarum motrices fortius stimulentur, motus tonicus harum partium intendatur, sique discussioni *congestionis*, *stagnationis* vel *staseos* circa *plexum choroideum* vel alia in cerebri parte enatae anfa subministretur: Qui agendi modus non obscure inde confirmatur, quod praedicta medicamenta interius exhibita, orgasmum sanguinis humorumque augendo, e-

ximias potius noxas inferant, exterius vero naribus admota, vel linguae palatoque paucis in guttulis communicata cum ingenti illo, quod fabulantur, *spirituum animalium* dispendio vix proportionem quandam servare videantur, ipsaeque tandem *frictiones*, *sinapismi*, *errhina*, *sternutatoria*, *vesicantia*, *clamores*, *acupunctureae* & alia talia nec exhaustos spiritus restituant, nec languentem eorum motum & influxum resuscitent.

§. VIII.

Tam parum praefidii in *spirituum* hypothesi patronis eorundem pollicetur practico-clinica *apoplexiae* penitatio! Pergamus ad *paralysin*, quae, sive *universalis* fuerit sive *particularis*, aequi incommode nervorum obstructioni indeque procedenti *spirituum animalium* influxui denegato, vel eorundem defectui, fixitati, spissitudini vel immobilitati tanquam caussis vindicatur; Cum circumstantiae coniunctae satis manifeste monstrarent, subesse potius nervorum muscularorumque resolutionem, seu motuum tonicorum vitalium remissionem, quam aetuum animalium, sensus nempe motusque abolitio sive *totalis* sive *partialis* in integro quodam latere vel particulari tantum membro consequitur: Hinc in *paralysin* prae caeteris familiaribus incident, qui affectibus nephritico-calculosis, arthritico-spasticis vel epileptico-convulsivis, colicis item, hypochondriacis & scorbuticis colluctati vel gravioribus animi pathematis, in primis iracundis exagitati fuere, vel anniversarias sanguinis ventilationes, quibus olim adsueti erant, neglexerunt, vel in quibus nervi vel tendines singularem aliquando laesionem v. g. in luxationibus, passi fuerunt, vel perversa materiae translatio, v. g. in febribus, variolis malignis &c. contigit: Quae vitia hebetudinem vel defectum sensus, laxitatem & flacciditatem muscularum, movendique impotentiam sequi, tanto minus mirum videri cuiquam debet, quanto

quanto certius motuum sensuumque instrumenta, nervi nempe cum Musculis, paralyticis in adfectibus gravissimam laesionem, tonicam nempe remissionem seu resolutionem incurrerunt. Quare in formatione veterarum indicationum curativarum, circumstantiis haec tenus enarratis respondentium, ad nervorum (ex hypothesi) obstructorum reserationem frustra animus medentis applicatur, his quippe conatibus cunctis in irritum residentibus, nisi vel ad revocationem evacuacionum solemnum, sive sanguinearum sive serofarum, vel ad morbos praegressos vel perversam eorundem medicatiorem principalis intentio dirigatur. Imo universus quoque remediorum anti-paralyticorum apparatus cum Pathologia vulgari tam parum nexus atque commercii alit, ut longe pejor paralyticorum statutus jure metuendus sit, si, quae nervorum (ex hypothesi) obstructorum apertioni & *spirituum animalium* influxui ad partes revocando alias servirent remedia, in usum vocarentur. Impossibile enim est, eum, qui falsos circa statum naturalem conceptus sibi formavit, statum morbosum concipere recte posse; Proinde consequens est, falsas quoque & incongruas indicationes & methodum medendi ipsum esse formaturum, secundum quam si therapiam specialem instituat, nihil certius est, quam in morborum talium curatione in cassum laborari.

§. IX.

Eodem plane modo comparatum est cum *tremore* partium, qui, tantum abest, ut vel *spirituum* inopiae vel eorundem imbecillitati vel torpori sit imputandus, ut potius nihil aliud denotet, quam vitium motus tonici, sive nimium debilitati sive nimium aucti: Unde nonnunquam aliis adfectibus, v. g. febris acutis *symptomatice* complicatur, vel apoplexiā, paralysin, quin ipsas convulsiones praecedunt, interdum vero consequuntur,

tur, interdum iracundiam, terrorem aliaque animae pathemata comitatur.

§. X.

Ast majorem forte difficultatem morbi soporosi, coma, carus atque lethargus caussabuntur? Horum enim naturam explicari non posse, nisi assumpta spirituum hypothesi, praetendunt eorundem propugnatores: Ita quidem, ut, si cerebrum obstruatur, vel pori ac tubuli ejusdem invertantur ac destruantur, sicque spirituum animalium influxus impediatur, soporosi tales affectus enascantur. Verum enim vero, quam parum haec iterum inter se mutuo cohaereant, sectiones in cadaveribus lethargicorum, comate aliisque affectibus soporosis denatorum, ad oculum demonstrare possunt: In his namque ut plurimum quaedam seri stagnatio vel stasis observata est, ita quidem, ut copiosum serum vel cerebri anfractus exteiiores inundasse, vel piam intra matrem & cerebri corticem medium quasi locum tenuisse, imo subinde in unum vel plures cerebri ventriculos penetrasse visum sit. Quandoque a simili sero humore circa basin cerebri, medullam oblongatam atque spinalem coacervato sopor lethargicus ortum suum deduxit. Subinde venae meningum spisso ac nigricante sanguine refertae & quasi varicofae sunt conspectae, aqua interim ventriculos cerebri occupante. In aliis dura mater sanguine non minus, quam purulenta materia suffusa vel plane substantia cerebri sphacelo vel apostemate occupata & corrupta visa est &c. Quae sanguinis vel seri versus caput congestio indeque secuta stagnatio vel stasis a quacunque demum caussa occasionali, v. g. febribus imperfecte solutis, erysipelate pedis, citra caussam manifestam dispartente, abusu fumi nicotianae, opiatorum, narcoticorum, vino vel spiritu vini aliisque spirituosis immoderatus hauftis, cerebrioribus capitis lotionibus, neglecta venaesectione vel

vel scarificatione in adsuetis, intempestiva occlusione fonticulorum in subjectis phlegmatico-sanguineis, catarthalibus olim defluxionibus expositis aliisque talibus caussis fuerit excitata, induxit tamen cerebro ejusque partibus suspectam toni relaxationem atque debilitatem, unde deinde stupiditatem, soporem, memoriae labefactionem vel totalem interdum amissionem, indolentiam pluraque alia symptomata procedere posse, licet nullae *spiritibus* hoc in passu partes tribuantur, facile agnoscetur ab iis, qui historicum harum rerum nexum rite expenderint.

§. XI.

Longius a putatitia cerebri ejusq; tubularum obstruktione, indeque inducto praepedito vel intercepto *spirituum animalium* influxu (quas quippe caussas *adfectuum somporosorum* vulgo eorundem fautores comminiscuntur) recedunt pleraque Practicorum conamina, five in aegris a profundo sopore excitandis, five sero stagnante divertendo & a capite ad alias partes ignobiliores derivando five denique novo insultu prudenter in posterrum avertendo fuerint occupata. Quid enim quaeso frictiones extermorum, rubefacientia plantis pedum admota, vesicatoria, acuum puncturae, spirituosa naribus admota, clysteres acriores & stimulantes, purgantia phlegmagoga ac hydragoga, emetica aliquae tales operosi adparatus facient ad meatuum atque tubularum cerebri (ex hypothesi) obstruktorum referationem & influxus *spirituum* ob hancce caussam intercepti revocationem? Cui bono venaeseccio, scarificatio, vel plane hirudinum ad venas haemorrhoidales applicatio? Quae tamen remediorum genera longe praefentiorem, quam omnem salium volatilium oleoforum ac spirituosorum cohortem, effectum post se relinquere, Praxis clinica abunde docet. Imo haec ipsa testis est, quod perversus volatilium usus, obstructionum referandarum

caussa aegris commendatus, vel orgasmum humorum demum invitet vel jam praesentem intendat, atque adeo sequior effectus, falsam vel alienam caussam allegatam fuisse, ipso facto abunde commonstret.

§. XII.

Verum progrediamur ulterius, & ad *catalepsin* (quae reipsa nihil aliud, quam spasmi quaedam species est) pedem promoteamus, visuri, num *spirituum hypothesis* rectius, quam qui praecedentibus in thesibus a nobis relati fuere morbi, faveat? Vel, anne potius, cum de origine & caussis catalepsenos mera aenigmata ac putidissimas fabellas enarrare soleant *spirituum defensores*, innumerarum contradictionum labyrintho se se implicit? Faciamus periculum & ex famosioribus tantum scriptoribus, qui catalepsenos indolem rectius reliquis explicuisse videri poterunt, unum vel alterum allegemus! *Sennertus*, vir Professoria non minus dignitate conspicuus, quam praxeos clinicae dexteritate clarus, *catoches* naturam expositurus, recurrit ad peculiarem *spirituum animalium* in cerebro Διαθεσιν, & talem quidem, ut in organis sensus & motus non plane deficiant, sed in cerebro figantur quasi & immobiles reddantur ac immoti manent, seu, quod idem est, congelentur. At vero generali nimis illi ipsi visam hanc explicandi rationem, quod nempe *catalepsis* in *spirituum animalium* congelatione seu immobilitate consisteret, inde dilucescit, quod undique ingenti quidem sollicitudine, at vano certe labore (in corpore nempe humano vivo) conquirere studeat vaporem quendam seu spiritum, cui vim *congelandi* siue *figendi* tribuat; Quo tamen in negotio tantum abest, ut sibi ipsi satisfaciat, ut potius in simplici analogia, spiritus illius *congelativi* cum *spiritibus Chymicorum* fixativis acquiscere cogatur, nec proinde plus, quam nudam probabilitatem vindicare illi audeat; Imo ne hanc qui-

quidem dignitatem tueri jure posse, inde confirmor, quod non modo phaenomenis catalepticorum solvendis non sufficiat, sed plane etiam iisdem contrarietur. Si enim, juxta speculatorum placita, *spiritus* in statu oeconomiciae animalis sano & ordinario sensuum atque motuum auctores sint, comprehendere vix licet, quomodo, in congelationis & immobilitatis statu positis iisdem, nihilominus respiratio, facilis pulsus aliquae actus vitales in catalepticis salvi & integri manere queant? Quomodo, in malo leviori, aegri nonnunquam videre, audire, imaginari, recordari, &, quae adstantes loquuntur, percipere ac postea referre, sique omnium propemodum sensuum tam internorum quam externorum functionem & usum inviolatum conservare possint? Quomodo, quod ori ingestum est, deglutire, & erecti consistere & impulsi incedere queant? Et quomodo post unam vel alteram horam, sponte subinde, ut Auctores referunt, exspiret, sicuti sponte & quasi ex improviso ortus est, affectus? Subterfugium, quo evadere conatur *Sennertus*, non illos nempe *spiritus*, qui in membra corporis influxerunt, sed, qui imaginationi ac menti inserviunt, congelari & immobiles fieri, nodum non solvit; Hoc enim revera nihil aliud est, quam commenta commentis augere; Quae quam inania sint & ab ipsa rei natura remota, *Sennertus* ipse disimulare nequit, dum qualitatem vaporum, *spiritus* congelantium, occultam & ignotam esse, ingenue confitetur. Proinde jejunum quoque est consilium, quando catalepsin, morbi cuiusdam soporosi ritu, vult esse curandam: Quod idem plane est, ac si strictum & laxum eidem medendi methodo subesse, dixisset.

§. XIII.

Cartesianorum repraesentatio scenae magis, quam arti inservit. Quidam eorum vestigiis Magistri sui stricte infestentes sic eandem exornant: Corpus (I.) Organicum in-

habitare superius quoddā Ens, cuius beneplacito ex certis cogitationibus spiritus animales, quasi totidem militum turmae seu manipuli distincti, aut ad haec aut ad illa corporis claustra amandentur. Et vice versa quasi totidem sint excubitores in specula constituti, qui, quodcunque notabile in oeconomia corporis occurrat, id denuncient menti. (II.) Filamenta nervosa filorum lini more contorta, *porosa* tamen ac *pervia* *instar cannæ Indicae*, non indifferenter in cerebro oriri, sed in illis iisdem cavitatibus, quae in interioribus cerebri sint recessibus, *spirituum emporiis*, & sub quorum fornice plexus suspendatur choroïdes, *spirituum officina*, e quo in ventriculos tanquam in amplissimū ferrantur campum, ut sub concamerato hoc fornice quasi totidem succenturiati sarissis antesignanos premant velites ad quemlibet sensorii nutum, vel ab iis premantur. (III.) In conterminis hisce partibus situm esse corpusculum mobile, quod hos nervorum tubulos respiciat, tremoribus quibuslibet nervorum expositum, in quo residat mens, quae luctantes illos spiritus premat imperio & de illorum judicet motibus. (IV.) Corpusculum illud esse *glandulam plexus choroidei*, *pinealem dictam*, sitam ad ortum foraminis, quod *nobilis* & *medius* cerebri ventriculus commune habent; Hanc esse *unicam* & *mobilem*, in medio fontis & originis *spirituum positam*, illamque sensorium commune, solium mentis esse &c. Quorsum vero haec? Ut ex hisce praemisis ortus *cataleps eos Geometrica (SCILICET)* certitudine demonstretur; Ista vero, si *DIIS* placet, demonstratio sic se habet: Si nempe *de fortuna* vasculorum plexus choroidei pori nimium aperiantur, ut spirituum, ex vasis plexus choroidei, singulis arteriarum pulsibus vivide, (in statu oeconomiae corporis ordinario) vivide, inquam, exilientium loco, potius effundant humorem pituitosum, qui in glandulae funiculis vel illam circum resideat, ut fiat immobilis, tunc illo ipso instanti eo in situ manebunt membra, in quo erant, cum glandula pinea-

pinealis ita motum spirituum determinaret, & quamdiu ejus idem erit situs, non possunt non simili spiritus influere modo; Et sic, sive jaceat occlusis oculis, sive stet respiciens, in eo statu immotus permanebit, cum factus est catalepticus, nisi forte exiguus ille catarrhus in aliquem ventriculorum cerebri diffluat; Sic enim Catochum subito dissipatum iri, vigilantes somniant hi speculatores, quorum insomnia non sine taedio prolixius forte, quam par erat, hucusque retuli. Non pigeret tamen operae, si vel in *Prognosin* vel in *medendi methodum* vel *therapiam* ipsam quicquam inde utilitatis redundaret; Quorum tamen omnium neutrum jure sperare potest Lector, quem tamen de eo securum esse jubeo, ut sine oblectatione a me non dimittatur, si, reliquum fabulae pertexere, venia mihi data fuerit: In *prognosi* metuitur *fatuitas*, & quidem *insanabilis*; Nam si, inquiunt, catarrhus ille paulatim fuerit putrefactus & cum eo simul unus alterve glandulae (pinealis) funiculus, tunc illa hinc & illinc subfiliendo confuse per cerebrum vagabitur (suo licet loco residuum funiculorum ope recte alligata) & in haec vel illa incidens vestigia faciet phaenomenon, quod *fatuitas* dicitur. Bene me hercle! Nisi forte fatua sint, quae hucusque retulimus, somnia, id quod jure utique metuo. Caeterum ingenue patentur, magna medicum in catalapsi curanda moliri non posse, cum theoreticae potius contemplationis, quam curationis medicae objectum sit morbus, & catarrhus ille ex fanisimo possit expelli sanguine, quem medicamentis corrumpere velle, nihil foret aliud, quam curare, ut miseria hominis postea indies medici ignorantiam testaretur. Nihilosecius pro catarrho, ut rentur, exiguo discutiendo, sternutatoria, & his si cedere nolit, potentissima sudorifera mineralia commendant; Quod revera idem est, ac si pygmaeo gigantem opponere velles.

velles. Sed repeto, quod paullo ante insinuabam: Ejusmodi representationes scenae, quam arti, convenientiores esse.

§. XIV.

Eodem propemodum schemate *Mechanicorum* speculationes sese repraesentant: Unde Hoffmannus catalepsin adfectuum soporosorum classi adnumerat, & in graviori ejus gradu defectum *spirituum animalium* in corpore calloso & centro ovali, ubi nempe secundum ipsius opinionem sensorium commune poni debet, in leviori vero & imperfecto malo nimios potius & inordinatos eorundem motus in affectibus intempestivis, quibus sensorium commune spasmodice contrahatur, sicque quasi ad tempus eorundem influxus per nervos impediatur, accusat atque criminatur, ita quidem, ut utroque in casu, sensorio communi *spiritibus animalibus* destituto, mens impressiones factas externas in sensorio nec percipere, nec *spiritus* ad certos motus in partibus edendos determinare possit. Quo in repraesentamine id non modo jure reprehenditur, quod catalepsis morborum soporosorum seriei (quae spasticae potius indolis est) accenseatur atque in centro ovali & corpore calloso, nulla licet solida ratione id suadente, sensorium commune constituatur, sed &, quod contradictoria ratione modo defectus, modo efferi & inordinati *spirituum animalium* motus pro caussis catalepsos allegentur; Quae tamen adsertiones cunctae non modo manifeste implicant, sed & cum historicis morbi hujus circumstantiis conciliari nullo modo possunt.

§. XV.

Spasmodicae potius indolis totus est affectus catalepticus, oriturque, pia potissimum matre, cerebrum medullamque spinalem investiente, spastice affecta: Unde deinde rigiditas quaedam, qua totum corpus statuae

tuae marmoreae instar obrigescit, singulaque ejus membra situm, quem invasionis tempore obtinebant, aliquamdiu pertinaciter servant, cum temporaria functionum animalium suspensione inducitur; Quem morbi morem non modo subita occupatio & spontanea remissio, quam cum reliquis adfectibus spastico-convulsivis communem habet, indicat, sed & adparatus remediorum antispasmodicorum interne & frictionum externe linteaminibus calidis institutarum evidenter confirmat. Parique modo comparatum est cum *incubo*, qui, licet vulgo a *spirituum* ad musculos thoracis influxu quodammodo inhibito derivetur, revera tamen nihil aliud est, quam muscularum partim abdominis rectorum, partim pectoralium spasmatica quaedam contractio, quam respiratio admodum anxia cum suffocationis metu consequitur, estque plethorificis, hypochondriacis & hysterics, illis potissimum, qui supini cubare consueverunt, prae aliis familiaris, atque saepius sola situs corporis mutatione ex supino in lateralem tollitur.

§. XVI.

Denique in *lipothymia* & *syncope* nulla nos cogit necitas, ut vel defectum *spirituum animalium* vel eorumdem influxum, a quacunque caussa interceptum, comminiscamur, cum subitanea illa corporis flaccescientia cum refrigeratione extremorum, pallore faciei, anxietate praecordiorum, pulsu ac respiratione vix adhuc dum sensu quodam perceptilibus & precipiti tam virium lapsu, quam actionum omnium animalium aequae ac vitalium amissione juncta, manifestum potius indicium insignis cujusdam remissionis tonicae, quam commentitium quoddam *spirituum* vitium five defectus five impediti influxus prodat.

§. XVII.

Plurus ut percurramus adfectus morbosos, non est

N

necessæ,

necessæ, cum ex adductis abunde pateat, nullum pro spirituum hypothesi corroboranda peti inde posse praesidium. Progrediamur potius ad alterum spirituum vitium, quod in prava eorundem diathesi intuitu qualitatis seu craseos consistere dicitur; Ubi ingenue adserere nullus vereor, omnia qualitatum vitia, quae hucusque spiritibus animalibus à Pathologis, eorundem Patronis, vindicata sunt, mere chymaerica esse, cum tanto utique obscuriorem eorundem notitiam morbosam atque praeternaturalem Pathologis esse oporteat, quo certius veram ac genuinam eorum constitutionem naturalem Physiologi ignorant, sicuti superius sufficienter a nobis probatum esse confidimus.

§. XVIII.

Ut tamen clarius adserti nostri veritas dilucescat, veram scilicet Pathologiam & consequenter therapiam fluidi nervi Medicos ignorare, famosiores tantum opiniones, quas de genuina spirituum indole foverunt, animo recolendae sunt; Sic enim liquido adparebit, tot plerumque vitia tantamque eorum varietatem fingi, quot & quam variae hucusque de illis excogitatae sunt hypotheses. Ita v. g. cum Sebastianus Würdigius in naturali spirituum constitutione desideraverit puritatem, claritatem, pelluciditatem, simplicitatem, odorem suavem & dulcedinem, omnis non modo compositionis, sed & pravae qualitatis, acidæ, falsæ, amarae &c. expertem, temperiem itidem calido-humidam aliasque proprietates; Ita statum eorum praeternaturalem partim in densitate, spissitudine, crassitie, nigrore, obscuritate ac tenebris, partim vero in impuritate, aciditate, amaritie aliisque pravis qualitatibus reponit. Qui sub corpusculotum aëreo-aethereorum scheme in statu sano imaginationi suae fistunt spiritus, illi in morbo eorundem torporem & quandam quasi vappescitam, omnis activitatis expertem, criminantur. Qui igneæ, luminosæ & quasi irradiantis naturæ in conditione sua

sua naturali illos esse volunt, illi nescio quam *obscuritatem* & *obtenebrationem* in dispositione praeternali ipsis adfingunt; Et sic cum reliquis hypothesibus cunctis res sese habet, quae, cum omnes sint incertae, ejusdem quoque indolis, incertam nempe gignent *pathologiam*, incertam medendi *methodum* & per consequens incertam quoque *therapiam*.

§. XIX.

Esto autem, *spiritus* crassitie, spissitudine, fixitate & quadam quasi immobilitate laborare; Esto, in statum vappidum, vino vel aceto vappidis similem degenerare; Esto denique, obscurari & obtenebrari posse eosdem; Quid quaeso utilitatis ex hac theoria in artem nostram redundabit? Ubinam quaerenda vel invenienda remedia, quae *spirituum* torporem excitant, eorundem spissitudinem resolvant & pristinam activitatem illis restituant? Undenam vel ex qua officina repetenda erunt adminicula, defectui sufficientis spirituascentiae vel vappido *spirituum* statui opponenda? An quis putet, spirituosa, salina volatilia oleosa vel aromatica vel urinosa vel acida, sive volatilia sive fixa, vitiis hisce medicinam adlatura esse? Dubito; Praeterquam enim, quod volatilia atque spirituosa in partes potius fibrosas solidescentes, & harum demum operentur, illis strictroram, his orgasmum inducendo; Manifestum quoque est, quod *spiritibus*, si qui adessent, conturbanter potius, quam excitandis & corroborandis sint adcommodata. Accedit, exiguum talium remediorum dosin ingenti, quem praestare dicuntur, effectui vix esse proportionatam & longe praesentiorem illa effectum exerere, si exterius naribus admoveantur, quam si interius quacunque sub forma exhibeantur. Quis denique ingenuorum Practicorum recordatur, talia unquam orbi medico innotuisse me-

dicamina, quorum ope particulae aëreo-aethereae vel luminosae spiritibus, si tenebris forte & nigrore essent obfuscati, communicari possent, ut hoc modo suam irradiandi efficaciam recuperarent? Et quod *adfectus melancholicos*, in quibus in primis *spiritus obscuriores*, fixi & quasi ad acetosam naturam accedentes accusantur, attinet, illi ex statu plethorico & orta inde sanguinis spissitudine nec non difficiliori per ramificationes venae portae progressu, suppressisque evacuationibus solemnibus longe felicius, clarius atque distinctius, quam ex *spirituum* hypothesi explicantur: Ut figmento obscurationis seu obtenebrationis *spirituum* hic iterum non sit opus.

§. XX.

Atque ita ordo dicendorum ad *Pathologiam motuum*, sensim nos deduxit, quorum quippe anomaliis variis *spiritus* quoque obnoxii, i. e. excessu vel defectu laborare dicuntur; *Quorum* vitiorum illud in mania seu *delirio cum furore*, vigiliis nimis, *epilepsia*, *convulsionibus* & dolore; *Hoc* vero in *tremore*, *sensuum stupore* & *movendi impotentia* manifestis plane speciminibus conspicere liceret. Quo sensu etiam *Würdigius* in *systemate spirituum* saepius jam allegato non modo *motum orgasticum*, *intumescentiae* & *ira-cundiae* motumque *enormonticum*, sed & motum *trepida-tionis vibrationis*, & *convulsionis* in *spiritibus animalibus* accusat.

§. XXI.

Verum nulla solida est caussa, quae nos moveat, ut propter qualescumque hasce motuum anomalias di-
Etis in morbis hypothesi *spirituum* subscribamus. Nam quod primum *maniam*, quae est delirii cum furore & audacia conjuncti species, attinet, non ignoramus qui-dem, eam vulgo ab iis, qui *spirituum systemati* patroci-nantur, derivari a *spiritibus animalibus* igneis, sulphureis, furibundis, ac vehementis motus capacibus, equo calcitroso vel plane in furorem acto non absimilibus, ac proinde omnem rationis vim, directionem atque im-

imperium sphenentibus: Est tamen simul quoque perpendendum, maniam longe frequentius *immateriales*, quam *materiales* & *corporeas* agnoscere caussas, & si hae tales malo ortum dedisse, quam maxime concedantur; Ut plurimum tamen in sexu sequiori mensium vel lochiorum, in virili vero haemorrhoidum suppressione indeque orto sanguinis humorumque orgasmo nituntur: Unde etiam varices vel haemorrhoides sponte supervenientes, malum quandoq; tollunt, nec artificiali suo concursu medicus quicquam, praeter orgasmi contemperationem, venaesectionem, scarificationem vel sanguifugarum ad venas haemorrhoidales adplicationem, praestare potest: Quae remediorum genera cuncta cum spiritibus sylvestribus & furibundis nullum habere nexus, clariss est, quam ut multis demonstrari mereatur.

§. XXII.

Quid dicam de spasmis motibusque convulsivis & epilepticis, quos familiarius atque frequentius *finalem* ac *moralem*, quam *physicum* & *materiale* habere respectum, & augmentum potius motuum tonicorum, quam qualcumque irritationem vel stimulationem, ab acri quodam principio inductam praesupponere, edocent affectus, quibus complicantur, uti sunt dentitio difficilis, vermes, achores & scabies retropulsa, variolae ac morbilli difficilius erumpentes in infantibus, suppressione mensium in foemellis &c. in quibus omnibus acrimoniam quandam stimulantem & vellicantem, quae nervos irritando impetuofum *spirituum animalium* influxum ad musculos caussetur, somniare velle, irritum & histriae morborum contrarium est institutum: Quia, si secundum hasce praefigurationes theoreticas *motuum epileptico-convulsivorum* curatio suscipienda esset, aliter illa, quam acrimoniae praesuppositae correctione & temperatione per absorbentia ac praecipitantia, expedi non posset; Quam tamen curandi rationem in-

fructuosam omnique solido effectu destitutam fore, Practicis ignotum esse nequit: Econtra vero incantamenti instar convulsiones subinde conquiescunt, remotis impedimentis & caussis occasionalibus, propter quas suscipiebantur. Observamus quidem, nervo graviter compuncto & laeso, oriri convolutionem totius; Ideo tamen, ut fluidum quoddam, toti corpori commune, quod una parte turbatum, quietem etiam turbaret in aliis, agnoscatur, nulla jubet necessitas.

§. XXIII.

Nec denique dolorum, cujuscunque demum generis sint, ratio nos cogit, ut a spirituum phantasmate deludi nos patiamur: Quanquam enim haud difficulter concedamus, omnem dolorem spasmodici quippiam alere, omnique in sensu quandam pressionis speciem esse concipiendam; Non adparat tamen, quomodo ex tali pressione ac tensione spiritus ad motum concitatiorem ac inordinatum perficiendum incitari atque impelli debeant? Quare omnes dolores (iis forte exceptis, qui a caussa plane manifesta externa dependent, vel venereum corruptelam suis in recessibus fovent vel manifesta salina rosione sese produnt) congestionibus indeque natis stagnationibus vel plane stasisibus humorum sive seroso-mucidorum sive cum acreidine quadam junctorum, ortum suum debere existimamus; Hinc enim vel a materia tali stagnante partibus fibrosis tensio vel distensio, cum majori vel minori rupturae periculo juncta, inducitur, vel propter materiam illam, tempestivam nempe ejus discussionem vel resolutionem, actus tales tensivi active suscipiuntur, sique dolores modo obtusioris modo acutioris sensus excitantur. Quam theoriam justam esse sibiique undiquaque respondentem, ex modo operandi & effectu plerorumque anodynorum, sive exterius parti dolenti applicatorum, sive interius exhibitorum, aestimare licet, quae fane non agunt, orgasmum spirituum, sive ipso in cerebro

bro sive in parte affecta exagitatorum, contemperando & vi sua narcotica, quae in nonnullis anodynorum speciebus supponitur, ad stuporem reducendo, sed nimiam potius fibrarum tensionem demulcendo, relaxando & emolliendo.

§. XXIV.

Reliquos, quos *spirituum defensores* allegare solent, affectus, in quibus aliquas saltem partes illos sibi vindicare existimant, silentio lubens praetereo, brevitatis, in re tam clara atque manifesta, rationem habens. *Vertiginis* tamen mentio adhuc facienda est, quia caussam illius subinde *obstructioni tubolorum cerebri*, subinde vero *nimiae spirituum animalium densitati* adscribi animadverto; Ita quidem, ut, cum *motus omnis naturaliter sit rectilineus*, isque, si a linea recta deflectat, *circularis & ellipticus* fiat: Hinc, si propter tubulos nervorum obstructos *motus rectilineus spirituum impediatur*, necessario reflecti & in motum vorticisum agi debeant; Unde deinde *radiationes spirituum*, quae a *vestigiis cerebro impressis* provenirent, omnes externas imagines menti, juxta consuetudinem judicanti, ceu rotantes exhiberent. Verum otiosas hafce fictiones nihil confutat solidius, quam vera morbi historia; Sive enim de vertigine sanguinea sive serosa, tam *idiopathica* quam *consensuali* sermo nobis sit, certum est, colludere ut plurimum quandam *sanguinis sive seri* congestionem versus caput, unde deinde non meningum tantum, sed ipsius plane cerebri compresio, & hanc irregularis humorum motus per caput consequitur: Quam etiam ob rationem vertiginosi, *sanguinea* ita dicta vertigine divenxati, de doloribus capitis conqueruntur & evidentem vasorum sanguineorum capitis inflationem cum rubore faciei conspiciendam praebent; Qui vero *phlegmaticae* magis atque *consensuali*, quam vocant, *vertigini obnoxii* sunt, non solum *cardialgicas tensiones* circa ventriculum, sed & molestam flatulentiam tam in ventriculo


culo quam etiam in intestinis experiuntur. Et sicuti illi ex antispasmodicis, venaesectione, scarificatione vel hirudinum adapplicatione praesens levamen persentiscunt: Ita *hes* nihil certius, quam catarctica, vel, pro re nata, emetica, abstergentia salina, carminativa actonica nervina solantur.

§. XXV.

Quae omnia si unam tandem in summam colligeret atque paullo solertius perpendere placeat, haud difficulter inferre inde licebit: *Spirituum* existentiam neque *a priori*, neque *a posteriori*, hucusque satis demonstratam esse; Latere medicos veram atque genuinam eorundem indolem in statu fano & integro, ac proinde ignotam quoque conditionem illorum in statu morboſo ſive praeternaturali: Atque adeo *Pathologiam spirituum* esse chymaericam, i. e. nullum morbum vel a vitiosa eorum quantitate vel qualitate vel motuum anomaliis derivari rite posse, atque ita *Therapiam* quoque *spirituum* fabulosam esse & imaginariam; Id Q. E. D.

§. XXVI.

Concludimus ergo, omnem *spirituum*, potissimum vero *animalium*, cohortem, cum tot seculis medicos plerosque quasi infatuaverit & naſo adunco suspenderit, proindeque ansam dederit, ut incautae Juventuti in Scholis insulsa fabula imposuerint Doctores, dignos esse eosdem, qui in perpetuum exilium quam solemnissime relegentur, addito hoc severifimo mandato, ne inde unquam revertantur, nec proinde medicorum circulos atque ditiones amplius turbent.



SENTENTIA
APOLLINIS
DAMNATORIA
QVA
SPIRITVS ANIMALES

(Quod a multis retro seculis non paucos
Medicos infatuarunt & adhuc
infatuant)

IN PERPETUUM EXILIIUM
RELEGANTUR.

GEMONIAS. E. FORO MEDICO. RELEGATORVM.
DAMNATORUM. AD. VLTIMAS.
ORCOQVE. TANDEM. JVRE.
DATORVM.

SPIRITVVM. ANIMALIVM.

ANIMA. CARENTIVM.

OBLIVIONI. AETERNAE.

AVGIAE. AVTEM. HVJVS. STABULI.


STRENVO. REPVRGATORI.

SVMMMO. VERI. NOMINIS. MEDICO.

VIRO.

OMNI. LAVDE. MAJORI.

DNO. ANDR. OTTOM. GOELICKE.
SACRVM.



AD. ARMA. AD. ARMA.

C OELUM. TERRA. MARIA. NEPTUNI. OMNIA.
SVPERI. INFERI. SVCCVRRITE,
STVPESCITE.

STVPESCITE. NOVVM. AVDITVM. NVMQVAM,
NVMQVAM. EXPERTVM.

PORTAS. ANTE. MEDICAS. IPSASQVE,
AVLAE. APOLLINEAE.

FORES.

HERCVLEM.

VENERANDA. VENERANDAE.
STVPESCITE.

ANTIQUITATIS. CAPITA.

CHI-

CHIRON. AESCVLAPI. MACHAON. DIOMEDES. MELAMPE.
AVE. HIPPOCRATES.
DIOCLES. EMPEDOCLES. EVDEME. CHRYSIPPE.
SERAPION. CLEOPHANTE. NICANDER.
PERIANDER. EVAX. SORANE.
TVQVE. PATER. GALENE.
AVICENNA. AVERRHOES. VOS. ETIAM.
FILII. EORVM. GENVINI.
IN. PLACITA. PATRVM. ATQVE VERBA.
JVRANTEIS.
VOSQVE EORVM. NEPOTES. ABNEPOTES. PRONEPOTES.
VVILLISI. MAYOVVI. BORELLE. PASCALI.
GIDEON. HARVAEE. ALTER. GEDEON.
RELIGIOSE. S. MAVRI. ARGENTERI. CABROLI. WIRDIGI.
CETERIQVE.
CHORI. VOSTRI.
ANTISTITES. HEROES.
ET. QVI. MECHANICI. SECUNDUM. EMINENTIAM.
SALVTARI. AMATIS.
VEL.
EORVNDEM. OMNINO. CORYPHAEI.
FACINVS. STVPESCITE.
VOLNVS. VOLNERE. OMNI. INTENTATVM,
MAJVS.
MORTEM. MORTE.
QVAVIS DVRIOREM. LACRVVMAMINI,
DESTRVCTVM.
A. NOBIS. FILIISQVE. TOT. SECVLIS,
HVNC. VSQVE. IN. DIEM.
ADORATVM.
SPIRITVVM. ANIMALIVM.
MAGNVM. LVGETE.
IDOLVM.
SPIRITVVM. SINE. SPIRITV.
ANIMALIVM. SINE. ANIMA,
SINE. VITA.

IDOLVM.

VOSTRVM. MONSTRVM. FACTVM. FOEDVM.
LACERVVM. HORRENDVM. DEFORME. INGENS.
CVI. OMNE. ADEMTVM.

LVMEN.

DIRIS. ORCO. DEVOTVM.
QVIS. TEMPERET. A. LACRVMIS.
APOLLINE. IPSO.

CHORI. VOSTRI. PRAESIDE.

SENTENTIAM.

VOX. FAVCIBVS HAERET.

PRONVNTIANTE.

DAMNATORIAM.

DESTRVCTIONI. PATROCINANTE.

VITA. PRIVATI. PRIVATI. FAMA. FAMOSI.

ANIMALES. EHEV. SPIRITVS.

VI. SVBITA. ATROCI. HORRENDA. PVLCRO.

EXPVLSI.

CORPORIS DOMICILIO.

FERTE. CITI. FLAMMAS. DATE. TELA.
SVBVENITOTE. AVXILIO.

ADESTE.

IN. AVXILIVM. VOCATI. ANXIE.

PATRES. VENERANDI.

TVQVE. VNIVERSA. HIPPOCRATICORVM.

GALENICORVMQVE.

SCHOLA.

FALLERE. ET. FALLI. NESCIA.

VITALE. VITAE. HOC. PRINCIPIVM. FONTM.

NATVRAE. HOC. BALSAMVM.

VITAEQVE. SVLPHVR.

NOBIS. CONSERVATE.

RVENTE. HOC. HOC. PALLADIO.

ATQVE.

AD. MULTA. CONDUCENTE. ASYLO.

VOBIS

VOBIS. EREPTO. DESTRUCTO.
 QVID. ERIT.
 QVO. FUGIATIS. IPSI.
 VOSTRI. FUGIANT. FILII.
MISERENDO. LUGETE. LUGENDO. MISEREMINI.
 VERTICIS.
NON. AMPLIUS. PALLADII. VOSTRI. GALEATI.
 CAPITIS.
REGALI. MAJESTATE. SPOLIATI.
 PECTORIS.
NUDI. DENUDATI. GEMMIS. SUIS.
 PEDUM.
VACILLANTIAM. TITUBANTIAM.
 VESTIUM.
NEC. TEGENDO. NEC. ORNANDO. APTARUM.
 ARMORUM.
VI. ADEMATORUM. EREPTORUM.
 SUPPLICESQUE. SUADEO.
AD. APOLLINIS. PROCUMBATIS. THRONUM.
 MUTILATUM. ATQUE. EX. MANIBUS.
 MEDICORUM.
EXCUSSUM. AD. PEDEIS. EJUS. DEVOLVATIS.
 SIMULACRUM.
 CUI.
A. PATRIS. AVI. PROAVI. ABAVI. ATAVI.
 MAJORUMQUE. VOSTRORUM. SECULIS.
 IRRATIONALIA.
COECO. LAUDABILI. OBSEQVIO. PRIVATA.
 FECISTIS. AC. SOLEMNIA.
 SACRA.
COELUM. TERRAE. MISCETE.
RESTITUTIONEM. IN. INTEGRUM. ORATE.
 VOSTRA. AGITUR. RES.
 OMNIUM.
DIVUS. SENEX. IPSUS. PATROCINABITUR.
 RADIIS. HUJUS. OCULOS. INLUSTRANDO.

OBFUSCINANTIS. LUCIS.
INLUSTRABIT. REM.
SANGUINIS. VITALIS. VOBIS. PORRIGET.
FLAMMULAM.
NITRO-AERIAM. RESPIRANDO. AD. SANGUINEM
DEMISSAM.
ET. SUB. HUJUS. INVOLUCRO. AD. CEREBRUM.
TRANSLATAM.
DOCEBIT. MAYOVVIUS. HUJUS. IDOLI:
INDOLEM.
SPIRITUS. SUOS. LEONINOS.
CHOLERICI.
METICULOSOS. ET. LEPORINOS.
MELANCHOLICI.
STUPIDOS. SUOS. ASININOS.
PHLEGMATICI.
DEFENDENT. NAVITER.
IPSIQVE. SPIRITUS. SPIRITUM.
VIX. DUCENTEIS.
SUAM. SUBTILITATEM. TENUITATEM.
PRISTINAM. UTI. ADIPISCANTUR.
VITAM.
VIGOREM. SENSATIONEM. GENERANDI. VIM.
ATQVE. SE. SE. IN. INFINITUM. MULTIPLICANDI.
IDEAS. CREANDI.
PENETRABILITATEM. CLARITATEM. SERENITATEM.
LUMINOSITATEM.
QUID. QUOD.
IRRADIATIONEM. INFLUXUM. EXTENSIONEM.
PERORABUNT. ET. DULCEDINEM.
HI. DEFENSORES. CAUSSARUMQVE,
INFALLIBILES.
NI. FLECTANT. APOLLINEM.
ACHERONTA. MOVETOTE,
EGO.
HIC. ERO. POST. PRINCPIA,
INDE.

INDE. OMNIBUS. SIGNUM. DABO.

AST.

BELLA. NON. BELLA. LEPIDA. VOLVIMUS.

CAPITULA.

NULLOS. HABITURA. TRIUMPHOS.

ODIT. VOS.

IPSUS. APOLLO.

VOLGUS. SERVORUM. PROFANUM.

ET. ARCET.

IDOLUM. JAM. VOSTRUM. *SPIRITUALE*.

AD. LAPIDEM. EXAMINATUM.

LYDIVM.

NON. SPIRITVALE. INVENTVM.

HABITAE. QVAESTIONES.

REJECTI. TESTEIS.

ABSOLVTI. QVI. POSTVLABANTVR.

INVRIARVM.

VITAM. VITALES. SPIRITVS. AMISERE.

OMNEM.

OMNIS. EXARVIT. VENAE. DESICCATAE.

SVCCVS.

SPIRITVSQVE. MORTVVM. FACTI.

CADAVER.

E. FORO. MEDICO. RELEGATI. AETERNVM.

VNCVM. GEMONIAS. LAQVEVM. CARNIFICIS.

ADHVC. HORRESKO.

LEPORINI. LEONINI. ASININI.

SVPER. LIMEN. AVLAE. APOLLINEAE.

ABSCISSAE. MANVS.

AMPVTATVM. CAPVT.

IPSVM.

HVJUS. IDOLI. DESTRUCTUM. SOLO. AEQVATUM.

TEMPLUM.

SENTENTIAM. DECRETORIAM.

MOTU.

MOTU. CELER. CYLLENIUS. HEROS.
PER. ORBEM. CIRCUMFERT.
ERUDITUM. MEDICUM.
CUJUS.
PRAELEGO. SUMMAM.

* *

PAX.

* *

NOS.

CUI. DELPHICA. TELLUS. ET. CLA-
ROS. ET. TENEDOS. PATARAEAQVE.
REGIA. SERVIT. MEDICINAE. INVENTOR.
ATLANTIS. NEPOS. RELIQVA. APOL-
LO. DEAQVE. PARNASSI. SACRA. JVGA.
COLENTEIS. SPIRITUS. ANIMALES. NEC.
A. PRIORI. NEC. A. POSTERIORI. POSSI-
BILES. A. MAJORIBUS. ACCEPTAM. AD-
QVE. INCAUTAM. TRANSMISSAM. PO-
STERITATEM. STOLIDE. AB. IMPERITIS.
RERUM. PERORATAM. NEC. SINE. SUM-

MA.

MA. AVDITAM. A. NOBIS. INDIGNATIO-
NE. CHIMAERAM. LUDICRAM. FABU-
LAMQVE. JUDICAMVS. FICTIONAM. PICTAM.
INGENSQVE. HOC. IDOLUM. CVI. IRRADIA-
TIONALIA. SATIS. HACTENVS. NON.
PAUCI. FECERE. SACRA. E. MANIBUS.
SACERDOTUM. SACRAMENTO. NON.
PERFIDO. NOSTRORUM. EXCUSSUM.
VOLUMUS. NEC. ILLUD. SOLUM. SED.
ET. MULTA. EJUSMODI. MONSTRA. E.
FORO. NOSTRO. VERE. MEDICO. PRO-
FLIGAMUS. VITA. PRIVAMUS. ORCO.
DAMUS. IN. AURAM. AURAM. HANC.
SUBTILISSIMAM. ABIRE. JUBEMUS. AT-
QVE. AB. ABSVRDIS. ILLIS. ET. CON-
TRADICTORIIS. LEONINIS. LEPORINIS.
ASININIS. CHOLERICOS. MELANCHOLI-
COS. PHLEGMATICOS. LIBERAMVS.
PHANTASMATIBVS. INTOLERABILIA.
INSVPER. EJVSMODI. SERVITVTIS. JUGA.
EXCVTERE. GLAUCOMA. IMPERITIS.
DETRAHERE. ET. COMMENTITII. SY-
STEMATIS. SPIRITVVM. ANIMALIVM.

P

VANI-

VANITATEM. FILIIS. SUIS. NOSTRIS.
ORBIQVE. ERUDITO. OSTENDERE. NO-
STRI. PERGANT. SACERDOTES. STRE-
NUE. MANDAMUS. SERIO.

VIRO. AVTEM. VALDE. NOSTRO.
EJVSMODI. MONSTRA. HERCULEO. E.
FORO. MEDICO. PROFLIGANTI. AUSU.
ILLIUSQVE. SIMILIBUS. MONIMENTUM.
AERE. ERIGATOR. PERENNIS REGA-
LIQVE. PYRAMIDUM. SITV. ALTIUS.
TRIVMPHVS. DECERNITOR. HVMERIS-
QVE. FILIORVM. NOSTRORVM. IN.
AETERNAE. LAUDIS. MERITAE. FAMAE.
DEFERTOR. CAPITOLIUM. ARMA. SUB-
SEQVVNTOR. HERCULEA. VEXILLA. IN-
SIGNIA. TRIVMPHALIA. ORNAMENTA
IDQVE.

JURE.

(L.S.)

**

IO. PAEAN. IO. TRIVMPHE.

NE. LACRVMEMINI. DECEPTI. MEDICINAE.
ALVMNI.

APERIANTVR. POTIVS.

OCVLI. VOSTRI.

FASCINATI. OBFVSCATI.

HACTENVS.

DEVOTAS. APOLLINI. AGENTEIS.

GRATIAS.

GRATVLEMINI.

VOBIS.

SCHOLIS.

GRATVLEMINI.

IN. QVEIS.

PHILOSOPHANTVR. MEDICI.

ATQVE.

MEDICINA. SVO. TANDEM. RESTITVATVR.
NITORI.

ORATE. FACITE.

SIMVL.

IN. AETERNAM. OBLIVIONEM.

SPIRITIBVS. ANIMALIBVS.

NON. SPIRANTIBVS. IN. PACE.

QVIESCENTIBVS.

NON. DESPERANTEIS.

SEQVENS. ERIGITE. NOBISCVM.

EORVM. NOMINE.

EPITAPHIVM.

PHANTASO. PATRE. MATRE. MORIA.
NATI. NATI.

IN. CEREBRO. NON. JOVIS. NON. APOLLINIS.
SED.

OTIOSORVM. INGENIORVM. IPSIVSQVE.
VANITATIS.
OPINIONE. AEVITERNI.
QVOS.

TROS. RVTILVSQVE. ADORABAT.
ROTA. SECVRI, IGNE. LAQVEO. NECATI.
HEIC. SEPVLTI.

SPIRITVS. ANIMALES.


ACTA.

IN. FORO. MEDICO. NOSTRA. FABVLA.
IPSI. IN. AETERNAS. ABACTI. TENEBRAS.
AGENTVR. PLVRIVM.
ET. ABJICIENTVR.

TV.

QVI. NOS. CONSVLVISTI.
MENDACIBVS. CREDIDISTI.
ABI.

POENITENTIAM. AGE.



EX VITRIATI

